



أرواحٌ عَالِقةٌ

أميمة ماهر



الكتاب: أرواح عالقة
المؤلف: أميمة ماهر
تصميم الغلاف: محمد عيد
تدقيق لغوي: سارة صلاح
رقم الإيداع: 2013/20685
التقديم الدولي: 978-977-6447-45-5
الطبعة العاشرة 2016

بيان للنشر والتوزيع

العنوان: 6 شارع التحرير بالدقى، بجوار محطة مترو البحوث، الدور 19، شقة رقم 2002.

E-mail: layanpub@gmail.com-layanpub@yahoo.com

الإشراف العام ومدير قسم النشر: فتحي المزين / 01282288058
مدير التوزيع: منال المزين / 01270982908



جميع الحقوق محفوظة للناشر
وأي اقتباس أو تقليد، أو إعادة طبع أو نشر دون موافقة كتابية
يعرض صاحبه للمساءلة القانونية.



أرواح عالقة

رواية

(فانتازيا)

أميمة ماهر

بيان للنشر والتوزيع





نسخة خاصة لجروب عصير الكتب



إهداء

كان إهداء الطبعة الأولى والثانية دعاءً لأمي بطول العمر، وبأن يبارك الله لي فيها، ولكن.. ربما اختار الله لها الأحسن، وفضل أن تبقى بجواره في جنة الخلد..
رحمك الله يا أمي وجمعني بك قريباً على خير إن شاء الله.

إلى روح أبي.. رحمه الله وأسكنه فسيح جناته

إلى "ولاء محارم": أمي الثانية وأعز الناس على قلبي



الطقس شديد الحرارة، الرطوبة مرتفعة نسبياً، حرارة الجو كفيلة بأن تُشَبَّه بسبابها أكبر المعارك لأتلفه الأسباب، الشوارع هادئة ساكنة، إلا من عواء بعض الكلاب الضالة ومواء قطط تتعارك يومياً لسبب غير مفهوم حتى الآن، وذلك الضجيج المنبعث من تلك الشقة في الدور الرابع بهذه العمارة متوسطة الارتفاع..

"يا غادة خلي الليلة تعدّي على خير"

- يعني أنت سايبني طول اليوم ولما ترجع تتخانق كمان؟!

- والله أنا مش عايز أتخانق.. انتي اللي مش هاين عليكي بعدى علينا يوم كويس أبداً.

- "خلاص مابقتش طايقني يا عماد؟ تلاقي مامتك اللي مسلطاك عليّ زي عوايدها.

- لا حول ولا قوة إلا بالله.. اللهم طولك ياروح.

- آه ما أنت تلاقيك شارب يا عماد. ومش عايز تبوّظ الدماغ اللي عاملها.

- تاني يا غادة! تاني؟

الساعة الثالثة فجراً، انطفأت الأنوار أخيراً واسترد الليل سكونه ووقاره.. فالكلاب ذهبت إلى حال سبليها، والقطط من الواضح أنها عقدت جلسة صلح مؤقتة على أن تستأنف عراكها في اليوم التالي.. أما من كانوا يسكنون هذه الشقة؛ فكانت هناك مفاجأة تنتظرون في الصباح..

تزوج «عماد» و«غادة» مُنذ ثلث سنوات - عن حُبٍ. كانت الحياة رائعة بينهما، حتى بدأ الملل يتسلل إلى حياتهما.. كما هو الحال وسط أغلب الزيجات الحديثة.. بالإضافة إلى أنهما فشلا في الإنجاب حتى هذه اللحظة، لكن رغم كل ذلك لم يصل الأمر أبداً إلى باب المأذون.

بعد المشادة الكلامية التي حدثت بينهما وصل كلٌّ منهما إلى قمة غضبه لذلك قرر كُلُّ منهما النوم في غرفة منفصلة حتى تهدأ الأحوال. اتجه عmad إلى غرفة الضيوف وهو يتأنف من الوضع ويتمتم بكلمات غاضبة. دخلت غادة غرفتها وهي مستاءة مما حدث ويحدث منذ فترة؛ فهي مستاءة من سُكر عماد، ومن إقامته شبها الدائمة عند والدته وتغييره الملحوظ بعد عودته إلى المنزل.. أو ربما خُيَّل لها ذلك..

نام كُلُّ منهما نوماً عميقاً.. نوماً أقرب إلى الغيبوبة.

قبل ميعاد استيقاظ عماد بدقائق، حسب ساعة جسده البيولوجية، جاءت روحه وهي تترنح كالسكارى.. دخلت الغرفة لتتدخل جسده كما تفعل كل يوم فيستيقظ كعادته ليبدأ يومه المعتاد، ولكن..!

تلفت الروح يميناً ويساراً باحثة عن الجسد فلم تجده.. تحسست نفسها الهلامية لتمسك طرف العجل الأثيري الذي كان يربطهما ببعضٍ منذ أن ولدا معًا لتبقيه، ولكنها لم تجده أيضاً.. لقد كان الرباط ممزقاً عند أطرافه! هي الآن تشعر بالجسد من بعيدٍ رغم أنها لا تراه.. الجسد يريد الاستيقاظ، ولكن لا يعلم كيف! فبدون الروح لن يستيقظ.. وهي بدون الجسد لن يكون لها أثرٌ في هذه الدنيا.

حدث هرجٌ ومرجٌ خلف باب الشقة الخارجي.. إنهم أصدقاء عmad.. دائمًا يحدثون ضجيجاً غير مُبرر.. يفعلون ذلك دون كلل أو ملل صباح كل يوم ليستيقظ رغمًا عنه، فيصطحبوه معهم إلى العمل.

في هذا الوقت بالتحديد ومع انبعاث الضجيج خلف باب المنزل اضطررت روح عmad وتشتت فلم تجد إلا جسداً مستلقياً على الفراش في غرفة النوم. ربما ظننت أنها وجدت ضالتها المنشودة، وربما أرادت الاختباء داخل أي جسد والسلام.. فسبحَت سريعاً بداخله، وبالرغم من ضيق الجسد وصغره إلا أنها نجحت بالفعل أن تسكنه، وخلال ثوانٍ تأقلمت مع حجم الجسد تماماً.

عندما استيقظ عmad فوراً!

عتمة الغرفة منعته من رؤية ماحدث بوضوح.. هرول إلى باب الشقة ليفتح لهؤلاء الأوغاد وينهال عليهم بسبابه المعتمد فيضحكون كعادتهم.

وما إن فتح الباب حتى وجد ثلاثة يرجعون للخلف فاغرين أفواههم وعلى وجوههم دهشة.. لا بل هي صدمة من هول المفاجأة.. ينظرون له على استحياء فيشيرون بأبصارهم بعيداً عنه.

"إيه يا ابن الكلب أنت وهو مش هتبطلوا عمايلكم دي"

صاح عmad بهذه الكلمات كالمحنون.. ولكن.. شعرأن صوتاً غريباً ينبعث من حنجرته.. صوتاً رفيعاً غاضباً.. وما اندهش له أكثر من صوته هو وجوه أصدقائه التي كانت تحمل معانٍ كثيرة لم يفهمها وقتها.

"مالكم يا... ياولاد ال...."

عندما تفوه بهذه الألفاظ النابية، ركض ثلاثة وهبطوا على درجات السلالم دون حتى أن ينتظروا المصعد.

تحسَّس حنجرته بعد رحيلهم، وتركهم لغبائهم وهو يسبُّ ويعلن اليوم الذي عرفهم فيه. دخل إلى الحمَّام دون أن يضيئه.. هذه هي عادته دائمًا كل صباح، فأول ما يفعله دائمًا هو إفراغ مثانته.. يغسل وجهه وأسنانه ثم يستحم.

وقف أمام المرحاض وأراد أن يخلع البنطلون وعندما لم يجده تخيل أنه قد خلعه قبل النوم لحرارة الجو الخانقة طول الليل. قبضَ على ملابسه الداخلية ليخلعها ففوجئ بملمسها الذي يشبه الدانتيل.

لم يبال؛ ففي الصباح كل شيء يكون غير منطقيٍ بالنسبة له، حتى يشرع في شرب كوب "النسكافيه" الذي أدمنه منذ سنين ليصبح كل شيء على مايرام بعد آخر رشفة منه.

تحسَّس مابين فخذيه ليبدأ في قضاء حاجته.. فهو لن يقضي باقي اليوم في الحمَّام متعجبًا من عدم وجود بنطال أو تشابهه ملابسه الداخلية مع الملابس الحريري في ملمسها، ومثانته أيضًا لن تنتظره حتى ينتهي من تعجبه هذا، ولكن.. ليته كان مجرد تعجب.. لقد تحوَّل الأمر إلى الصدمة.. ألم نقول فضيحة؟!

لقد شعر بالنقص.. شيءٌ ما ليس موجودًا في مكانه الطبيعي.. شيءٌ ما اختفى بل تبخَّر! كيف سيقضي حاجته دون هذا الشيء؟ عُقد لسانه لثوانٍ.. في هذه الحالة النفسية وليس العضوية فقط، كان من المحال أن يفرغ مثانته.. لعن مثانته وأخبرها أن تذهب إلى الجحيم.. انطلق كالصاروخ إلى زِرَّ إضاءة النور ليرى أين ذهب هذا الشيء.. ربما سقطَ منه سهواً على الأرض.. ضغطَ على زِرَّ الإضاءة الذي كان بجوار المرأة المثبتة في جدران الحمَّام حتى لمَّا الشخص الواقف داخل المرأة.. وكانت المفاجأة.. بل كانت الطامة الكبرى.

جسد امرأة بيضاء يعرفها جيدًا.. ترتدي قميصًا قصيرًا مخصصًا للنوم.. ظهر من إطار القميص العلوي نصف ثدي أنشى يُعلن تمrade على كل شيء.. شعرٌ

أسود حريري يتدلّى إلى منتصف الظهر.. بقايا أحمر شفاه باهت.. عينٌ متنفخة
حمراء اللون بها كحل سائل يدل على بكاء لم يمرّ على انتهاءه سوى سويعات
قليلة.

غادة!!

غسل وجهه بالمياه عليه يفيق.. نظر إلى المرأة، فوجد قطرات الماء تتتساقط
من وجهها.. ليس ذلك فحسب.. بل تنظر له من المرأة وتحاكيه في كل حركة يقوم
بها.. فتح فمه على مصراعيه.. فتحت فمها بنفس المقدار.. قام بحث عينيه
ليراهما بوضوح.. حَكَّت في نفس الوقت عينيها لتراه بوضوح أيضًا.. مَدَ يده
ليتحسّس غادة داخل المرأة ربما تكون غادة تقف أمامه بالفعل.. أو ربما يكون
هناك ثقبٌ في الجدار وهي تقف خلفه.. فمدت يديها أيضًا في تحِّي سافر لم
يسبق له مثيل.

وياللمفاجأة.. اصطدمت يداه بالمرأة.. ظلَّ واقفًا أمامها لدقائق وتذكَّر
أصدقاءه وما شاهدوه عندما فتح باب الشقة لهم منذ ثوانٍ.. الآن فقط علم
سِرَانِدْهاشهم.

"ياهارأسود هما شافوا اللي أنا شايفه ده؟"

تحسّس حنجرته مرّة أخرى عندما ربط بين الشكل والصوت الذي يصدر
من حنجرته منذ أن استيقظ..

بدأ يضع احتمالات سريعة للموقف الذي يمرُّ به قبل أن يُصاب بالجنون..
إما أنه لم يستيقظ بعد وكل هذا مجرد حُلم، وفي هذه الحالة سيكون كابوسًا..
أو أنّ ما يراه نتيجة تعاطيه قرص مخدِّر أمس هروباً من حالة الغضب التي كانت
تعتريه.. أو أن حالته النفسية هي السبب في كل ما يحدث.

هذا كان الاحتمال الأخير الذي وضعه.

كل ما قفز إلى ذهنه في هذه اللحظة أن يبحث عن غادة لمشاركة ماحلَّ عليه من مُصيبة.

ركض إلى الغرفة التي نامت بها غادة أمس، فلم يجدها، ونسي تماماً أنه خرج من هذه الغرفة منذ قليل بعد استيقاظه.

"هل نزلتْ لتشتري احتياجات المنزل في هذا الوقت؟ هل ذهبتْ تشتكي لإحدى صديقاتها عن مشكلة أمس؟"

قرر أخيراً ألا يُرهق ذهنه بهذه الأسئلة التي لن يجد لها إجابةً الآن، وأن يذهب إلى غرفة الضيوف ليدخن سيجارة ويفكر بهدوء فيما يحدث له.

فتح باب الغرفة ليجد جسداً محكم الغطاء يشبه الجثة المكفنة. ظهرها غادة برغم ضخامة الجسد المسجى على الأريكة، بخطوات بطيئة اقترب من الجسد في محاولةٍ لتنزع الغطاء عنه.

رفع الغطاء بهدوء.. فدأهنته الصدمة.. وحتى تكون منصفين، دعنا نقول الكارثة.. لقد كان هذا الجسد.. جسده هو!

نعم لقد كان جسد عماد وهذا مالم يخطر بباله أبداً رغم منطقيته.. فطالما أنه منذ استيقاظه وهو داخل جسد غادة.. فمن الطبيعي أن يبحث عن جسده هو لا عن جسد غادة.

فركَ عينيه جيداً، ثم نظر مرَّةً أخرى إلى الجسد المستلقي على الأريكة لعلَّ يكون خُيَّل له مايراه.

همسَ قائلاً: "طلب ازاي وإمتى وليه؟"

أسئلة منطقية، ولكن هل سيجد لها إجابة؟؟ كان ينطق الكلمات بالكاد وكأنه مريض تم تخديره للتو وبدأ المخدر يقوم بوظيفته وينتشر في الجسد استعداداً للعملية الجراحية.

ترنّح جسده وكاد أن يهوي على الأرض من فرط الصدمة، إلا أنه تمالك نفسه وجلس على الكرسي المواجه للأريكة..

بعد دقائق من استرداد وعيه الذي كاد أن يفقده تماماً فَكَر سريعاً ماذا سيفعل.. ثم فاجأته أسئلة غريبة..

"هل هذه غادة أم أن هناك شخص آخر داخل جسده؟"

"لو كانت هي غادة ، فهل تعلم بما حدث؟"

"لو أنها لم تعلم بعد ماذا سيكون رد فعلها عندما تستيقظ؟"

تردد في إيقاظها في هذا الوضع، فقد تصاب بانهيار عصبي أو ربما سكتة قلبية تموت على إثرها.

أحضر "إشارياً" خاصاً بها يصلح أن يكون عصابة للعين.. لفّها بهدوء على عين غادة ولنقل على عين الجسد المُسْجِي أمامه.

في نفس اللحظة جاءت روح غادة هائمة وحدث معها محدث مع روح عماد، ولكنها دخلت مستسلمة للجسد الضخم الرابض على الأريكة، لأنها وجدت الجسد الذي اعتادت الدخول فيه مشغولاً بروح أخرى. فسبحَت داخل هذا الجسد قبل أن ينشغل هو الآخر، فلا تجد أجساداً فارغة وتظل معلقة في الهواء أو كما يقولون في المثل الشعبي "لن تطول بلح الشام أو عنب اليمن" لذلك لم تتردد الروح كثيراً في قرار دخولها هذا الجسد.. ثم!

استيقظت غادة فوراً !!

"إيه ده؟ تحسست عصابة عينها في تعجب قائلة: هو في إيه؟"

"غادة عايزة ترکزي شوية معايا الله يخليلي" أوشك عماد أن يفقد أعصابه مما يحدث، ولكنه تماسك بكل ما أوتي من قوة.

"مين بيكلمني؟ أنتي مين؟"

كانت مرتبكة جداً وهي تُجيب على من تتحدث معها، حتى إنها لم تتبه لتغيير صوتها وتحوله إلى صوتٍ خشن.

سألها بتوتر ملحوظ أوشك معه أن يفقد ما تبقى له من قوة وأعصاب:

- هو انتي غادة والأ مين؟

- انتي بتهزري على الصبح ولا إيه؟ أومال هكون مين يعني؟

وفي هذه اللحظة، ومع هذه الجملة بدأت تشعر أن صوتها على غير عادته..

"إحم إحم، صوتي ماله؟" تراجعت وبدأت تلقاني في إزالة عصابة عينها.

ارتاح عماد لِإجابتها بعض الشيء، فكونها غادة تُعتبر مُصيبة أقل من مصيبة أن يكون أحد آخره من سكن جسده.

- والله مش بهرج يا غادة.. طب اهدي بس يا حبيبتي.

أجابها وهو يحاول منها من إزالة الإيشارب ولو مؤقتاً.

"ياعممااااااااااااد"

ظللت تصرخ وهي تنادي على زوجها لينجدها من هذا الموقف ومن هذه المجنونة التي تتحدث معها.

حاول تهدئتها قائلاً:

- يا حبيبتي، أنا عماد جوزك والله.

ثم استكمل حديثه سريعاً ولم يعط لها فرصة الرد:

- غادة أنا هقولك على طول من غير لف ولا دوران، واضح كده إن في حاجة
غلط حصلت في أرواحنا.

ثم استطرد قائلاً بصوتٍ منخفض، خجول، خائف: واضح إن روحك
التلخبطت ودخلت جسمي وروحني التلخبطت ودخلت جسمك.

ضحكَة رقيقة ناعسة صدرت من حنجرة قوية خشنة.. أصدرتها بسبب ما
ظننته مُزاحاً من إحدى صديقاتها. وبدأت تزيح العصابة من عينها في إصرارٍ
هذه المرة متوقعة أنها ستتجدد إحدى صديقاتها أمامها.

"والله يا غادة ده اللي حصل"

قالها في نفس اللحظة التي نجحت فيها غادة في فك العصابة أخيراً...
نظرت إلى جسدها سريعاً قبل أن تنظر له..

ترتدي بيجامة رجالية نصفها يختبئ داخل البنطلون، والنصف الآخر يتتدلى
منه، جسدها أصبح ضخماً، وضعفت يديها على رأسها، فوجدته حليقاً تماماً،
فهذا النوع من العلاقة يفضله عماد عن غيره من العلاقات.

انتفضت من على الأريكة التي كان ينام عليها، ونظرت إليه ولنُقل نظرت إلى
جسدها الواقع أمامها، ثم أصدرت صرخة عالية مدوية هزّت جدران الغرفة..
وسقطت على الأرض مغشياً عليها.

صبَّ على وجهها كوبًا كاملاً من الماء، فانتفضت من إغماءتها لتنتظر حولها
بنظرات شاردة تحاول إدراك ما يحدث.. وجدت جسدها أمامها بصورة مشوهة
وكأنها تشاهد حلمًا أو مرآة مغطاه بخار ماء.. ظل يتحدث بكلمات ارتسمت على
شفاهه ولكنها لم تسمعها وكأنها أصيبت بالصمم.

ضمها في حضنه ليطمئنها أنها بخير، استسلمت له، كانت في أشد الحاجة لهذا الحضن.. لسبعين، أولهما: ما حدث بينهما أمس من مشادة وبكائهما المتواصل قبل النوم، ثانياً: ما يمران به الآن من موقف غريب مريب وحده الله يعلم متى سيخرجان منه. احتضنها بقوه، بل اعتصرها.. ولكن!

شعرت غادة بشيءٍ يعيق وجهها وهي في حضنه. نظرت إلى ما يعيقها، فوجدت ثديين مكورين بارزين.. في البداية ابتسمت ابتسامة صغيرة بدأت تتسع حتى تحول الأمر إلى نوبة ضحك هستيرية مختلطة بكاءً شديداً. نُقلت إليه عدوى الضحك رغم الكارثة التي يمرؤون بها.

انقطع الضحك فجأةً، ومرت دقائق في سكون.. صمت.. ربما تفكير..
ماذا يحدث الآن؟ لماذا حدث؟ كيف حدث؟ كانت كلها مجرد أسئلة بدائية تمرُّ بذهنها دون اتفاق مسبق.

مررت ساعة تقريباً في جدالٍ ونقاشٍ غريبٍ بينهما. اتفقاً بعده على تقبُّل الأمر ولو مبدئياً.

بدأت غادة تتفهم الأمر رويداً، وقررت أن تواجه هذه المشكلة بدلاً من الاستسلام.

نظر عماد إلى الساعة المندلية من حائط الغرفة تُنذر بكارثة قريبة.. فصرخ في وجهها: الشغل.. أتأخرت على الشغل.

هرول إلى غرفة النوم.. فتح الدولاب لينتقي منه قميصاً وبنطلوناً ليرتديهما سريعاً.

وما إن نزلت خصلة طويلة من شعره على جبينه حتى خبط رأسه بكتف يده متذكراً أنه لن يستطيع الذهاب إلى عمله بجسده غادة.. لابد لحل فوري لهذه المشكلة.

التفت إلى باب الغرفة، فوجدها تستند عليه بظهرها الضخم الرجولي.. نظرت إليه مبتسمة وكأنها تريد أن تخبره بما يدور في رأسه.

ابتسم لها قبل أن يطلب منها بأدب يميل إلى الترجي أن تتصل بمديره وستأخذ منه في التأخر قليلاً اليوم، أو عدم الذهاب أصلاً لأنه مريض، أو تختلف أي سبب.

رفضت طلبه بدلع حاولت أن يكون أنثوياً، ولكن حنجرتها وجسدها منعاً لها من ذلك، ثم ذكرته بما فعله بها أمس.

اشتاط غيظاً، فهذا ليس وقتاً يصلح للدلائل أو المزاح أو حتى العتاب نهائياً. هو فعلًا يواجه مشكلة حقيقة وهي لا تشعر به، كما أنه لن يستطيع الاتصال بمديره بصوت أنثوي.

فكّرسريعاً، ثم طلب مديره هاتفياً وأخبره أنه زوجة عماد!

- ألو، أية يا فندم مع حضرتك مدام عماد.

- أهلاً وسهلاً يا مدام، خير في حاجة، طمنني.

- الحقيقة يا فندم عماد تعان شوية وحرارته مرتفعة جداً، وحتى مش في وعيه عشان يكلماك، حبيت أبلغك إنه مش هيقدر يبحي النهارده.

- لا ألف سلامة عليه يا مدام، طب فيه أي حاجة أقدر أقوم بهما؟

- شكرًا يا فندم، لواحدتني أي حاجة أكيد هتصل بيك.

تقبل المدير الوضع بسلامة، بالرغم من ديكتاتوريته، هو لا يرحب إطلاقاً بفكرة التأخير ولدقائق عن العمل؛ فما بالك بعدم الحضور أصلاً، ولكن بما أنها المرة الأولى لعماد الذي كان ملتزماً جداً في عمله ومنضبطاً في مواعيده بالإضافة إلى كونه الأقرب إلى قلب المدير دون باقي الموظفين؛ فقد مر الموضوع بسلام.

أغلق الهاتف ليجدها قد أصيّبت بنوبة ضحك مفاجئ، حاول أن يتمالك نفسه من الغضب حتى توافق على أي شيء يطلبه منها بعد ذلك، فهي أصبحت المالك الجديد لجسده الآن.

جزًّا على أسنانه وأخذها برفق من يدها وأجلسها على السرير، جلس هو أرضًا على ركبتيه في مواجهتها، بعد أن رفع شعره الطويل بحركة لا إرادية بسبب حرارة الجو، قبض على كفها الكبير بيديه الناعمتين وبدأ في تمهيد الطريق لما سيطلبه بعد قليل.

- حبيبتي انتي طبعًا شايقة الوضع اللي احنا فيه، وأكيد احنا مش عارفين هنفضل لحد املى بالشكل ده.

- هو احنا ممكن نفضل كده كتير، أكيد لو نمنا تاني الأرواح هترجع لأماكنها الطبيعية ياعماد.

قالت هذه الجملة وظهر على وجهها رعبٌ حقيقي من فكرة استحالة استرداد جسدها.

- لا ياحبيبتي إن شاء الله كل حاجة هترجع زي ما كانت، بس لحد ما كل حاجة ترجع لازم نفكرونعمل إيه، يعني مثلاً أنا مش هقدر أروح شغلي بجسمك؟
- أيوة صح، بس أنت عايزتقول إيه ياعماد؟

- عايزأقول إنك لازم تساعدي جوزك حبيبك.

- يسلام دلوقتى بقىت جوزي حببى؟

بالرغم من عتابها غير المباشر بهذه الجملة إلا أن ملامح وجهها فضحت ما كانت تعنيه بالفعل.

- أرجوكي ياحبببى لازم ننسى كل حاجة دلوقتى ونفكروننتعايش ازاى مع المشكلة دي لحد ما تتحل، انتي لازم تروحي مكانى الشغل وتعاملي وكأنك أنا، وإلا أترفرد من الشغل.

بدا القلق على وجهها وهو ما أسعده كثيراً؛ فمهما كانت المشاكل أو الملل الذي أصاب حياتهما، إلا أنها لن تحتمل فكرة أن يؤذى زوجها في عمله طالما أنها تستطيع مساعدته.

أومأت بالموافقة وهي تبتسم.

أخذ نفساً عميقاً، ف مجرد موافقتها على ذلك جعله يطمئن نفسياً، وبدأ يستعد لكيفية توصيل كل المعلومات لها عن حياته خارج المنزل؛ فالرغم من أنها زوجته، إلا أن حياة الرجل خارج البيت تختلف كثيراً.

ظل طوال اليوم يشرح لها طبيعة عمله.. أسماء زملائه بالعمل.. أسماء المقربين لقلبه.. أسماء أعدائه وأعداء نجاحه.. إذا احتاجت لمساعدة تطلب من من. وطبعاً لم ينس أن يذكرها بمواعيد طلب إفطاره ومشروباته.. يطلب نسكافيه مرّة أخرى بعد الإفطار مباشرة وكل ساعة يشرب واحداً إلى أن ينتهي العمل. ظل يتتجول في الشقة وهو يردد على مسامعها كل شيء وهي تردد خلفه مايقوله. كان يوماً أشبه بليلة امتحانٍ لطالب في الثانوية العامة.

لم ينس أيضًا أن يخبرها بغرفة "الجنس الناعم" كما يطلقون عليها في العمل، وهي مخصصة لزميلاته في العمل، لا يدخل فيها مطلقاً إلا للضرورة أو حاجة العمل لذلك هو عموماً لا يُحب الاختلاط بالنساء كثيراً عكس باقي زملائه الذين ينتهزون كل فرصة للدخول إلى هذه الغرفة، كانت تسمعه بإنصاتٍ شديدٍ، ولكن عندما ذكر آخر توصية عن غرفة زميلاته لم تتمالك نفسها إلا وهي تحضنه بجسدها الضخم مفتول العضلات وهي سعيدةٌ بما قاله وفخورةٌ به، ثم سألته وكيد النساء يقفز من عينها باستفزاز:

- طيب وبتشرب كام سيجارة؟

- سجائر؟ ليه انتي هتشربي سجائر ولا إيه؟

- أنت اللي هتشرب مش أنا.

- غادة، مافيش هزار في الحاجات دي اعتبرى إنى بطلت من النهارده.

- يعني أنت عايزة تفهمي إنك مش هتدخن تانى؟

- لا هدخن طبعاً.

- اسمعنى بقى؟

- غادة أرجوكي يا حبيبي بلاش تزفزيوني،

- ماهو احنا مش عايزين حد ياخد باله.

- اعتبرى نفسك أول يوم تبطلي فيه سجائر النهارده وعرفتهم كلهم كده.

قالت بلهٍ وخبيث نسائي:

- فاكري أعماد لما طلبت منك أجرَّب سيجارة وأنت رفضت؟

- ولحد دلوقتي رافق يا غادة، ومش هقبل أي هزار في الموضوع ده.

ردت بـ "حاضر" وابتسمة صفراء تنم عن رفضها التام لأوامرها وعن نية مبيتة لتمردتها عليه.

انتهى اليوم بسلام بعد أن تعلمت أشياء كثيرة عن عمله وعن المحظيين به استعداداً لاستقبال يوم شاق غداً.

دعت الله كثيراً قبل النوم أن ترجع الأرواح بسلام إلى جسديهما قبل الصباح، وألا تمرّ بمثل هذه التجربة: فهي لاتخرج من البيت إلا للضرورة القصوى، كما أنها خجولة في التعامل مع الرجال، وكل من ستعامل معهم غداً رجال.

استيقظت قلقاً أكثر من مرّة خلال الليل لتجد عmad نائماً في سبات عميق غير عابٍ بعده وما سيحدث فيه.. رمقته بنظرة الحقد وظلت تتقلب في الفراش حتى الصباح.

استقبلت النهار وهي مازالت في حالة قلق كبيرة. تحسست بهدوء حذر جسدها، ربما تكون الأرواح عادت إلى أماكنها الطبيعية، ولكن!

وجدت الوضع كما كان أمس. ازدادت دقات قلبها فلا محالة أن تستقبل يوماً غريباً طالما أنها مازالت بجسد عmad.. أما هو فقد استيقظ في كسلٍ وكان جسده يعلم مسبقاً أن اليوم سيكون إجازة، بل ربما اليوم وكل يوم.

ساعدها في اختيار ملابسها وارتدائها، لاحظ توترها وهو يوذّعها عند الباب بعد أن كتب لها عنوان الشركة بالتفصيل في ورقة، وبعض الملاحظات.

تحدث إليها قائلاً:

- ماتنسيش الكلام اللي قلت لك عليه ولو في أي حاجة كلميني.

- أوي، ربنا يستر، أنت كمان ماتعكش في الأكل، أكيد شايف المانيكان اللي
أنت جواه.

لم تنس طبعًا أن تقايضه كأي أنثى تنهز هذه الفرصة، فاشترطت عليه طهي
الطعام وترتيب المنزل وانتظارها حتى تأتي.

وافق على الفور دون تفكير، بل لم يكن أمامه خيار آخر غير الموافقة.

أصبح الوضع لا يحتمل التفكير.

واضح أن الانتقام سيكون سيد الموقف بينهما.

منحها ابتسامة صفراء محدّثًا نفسه داخليًا "فعلاً اللي يقدم السبت يلاقي
الحد"

مررت أمامه في طرقة العمارة ل تستقل المصعد، وجدها تتمايل في مشيتها بجسده
الضخم وكأنها شابٌ شاذ يعرض جسده على الرجال، وما إن رأى عماد هذا
المشهد حتى صرخ من خلفها:

- انتي هتمشي كده ياها نام في الشارع؟ انتي عايزه الناس يقولوا علياا(...)
- حاضر يا عماد هطبط مشيتي ماتقلقش، نسيت إني جوة جسمك معلش .
- إوعي تاكل لي بانة في الشغل وتفرقعيمها زي مابتعمل.

فللت من فمهما ضحكه، على مايبدو أنها ضحكة شماتة بعد أن وضع
يديهما على فمهما لتكلتمها.

فتحت باب المصعد وانتظرت أن يأتي ويطبع قُبلةً على خدتها، لكنه لم
يفعل.. شعرت بخيبة أمل، ربما كان ذلك شعوره كل يوم.. عدم اهتمام.. جفاء.

ولكنها الآن تريد أن تشعر بالأمان قبل أن تذهب إلى العمل.. فتقدمت إليه وانحنت كثيراً حتى تستطيع أن تطبع قبلاً خاطفة على شعره الغزير وهو أقصى ما استطاعت الوصول إليه بجسدها الضخم، ثم...!
رحلت.

وقف ثواني داخل جسده الأنثوي المثير بعد أن سرت قشعريرة سريعة في أنحاء جسده.. كان ممتناً من هذه القبلة جداً، بالرغم أنها مجرد قبلة إلا أنه شعر بارتفاع معنوياته إلى عنان السماء.

أغلق باب الشقة بعد أن اطمأن على رحيلها.

جلس على كرسي قريب من باب الشقة يتأمل ما ححدث ويفكر فيما سيحدث، وبينما هو كذلك سقطت خصلة من شعر غادة الذي أصبح ملكه الآن على عينيه فرفعها.. لحظات وسقطت مرّة أخرى.. فرفعها بغيظٍ هذه المرة، لم تُبال الخصلة ونزلت مرّة ثالثة وكأنها تعمد غيظه. ذهب إلى درج المطبخ واستخرج المقص وقصَّ الخصلة بعنف من نصفها.

بهدوء شديدٍ، غير عابئ بنصف الخصلة الحزينة التي تبكي على الأرض لفراق نصفها الآخر.. بدأ يفكّر كيف سيبدأ شغل البيت، الطهي أم التنظيف أم الغسيل؟ نهض من على الكرسي وكأنه قرر ماسيفعله جيداً.. اتجه إلى غرفة النوم ورفع الغطاء عن السرير، ثم قفز لأعلى ليغوص بجسده الضئيل في منتصف السرير، شدَّ الغطاء على جسده وراح في النوم.

دخلت غادة مكتب عmad وهي تشير بيدها في خجلٍ، فاقصدت التحية لكل من تمر بجواره؛ فتارة تجد وجوهاً مبتسمة تردد لها التحية، وتارة أخرى تجد وجوهاً عابسة ممتعضة.

أخرجت الورقة في الخفاء دون أن يلاحظ أحدٌ لترى الخريطة التي دسمها عmad موقع مكتبه.

اتجهت ناحيته في حذر وهدوءٍ، وما إن جلست حتى تفاجأت بثلاثة رجال يلتلون حولها مبتسمين.

صدر عنها رد فعل أنشوى بحث وهي تشيح بنظرها عنهم في لا مبالاة، وكأنهم شباب يعاكسون فتاة في الطريق العام، وكل ما كان ينقصها في هذا الموقف أن تقول لهم "يا سم كده" ولكنها لم تقلها لسبب لا يعلمه أحدٌ سواها.

وبالرغم من حرصها على الألا تسبب لزوجها أي مشكلة بالشغل إلا أن موقف الشباب الذين التفوا حولها أفلقها كثيراً.. أو ربما تخيلت أنها تفعل ما يملئه عليها ضميرها وأخلاقها وإخلاصها لزوجها.. بل لو تطلب الأمر أن تصفعهم على وجوههم وتجمع الناس حولهم لتخبرهم بقلة حياء هؤلاء الشباب، ستفعل.

استغرب الشباب من ردة فعل عmad وأنه لا يريد النظر إليهم حتى، ولكن.. ظنوا أنه مستاء مما فعلته زوجته بالأمس، ولكن.. !

ردة فعله لم تمنعهم من إصرارهم على الالتفاف حوله لمحاولة فهم ما حدث أمس أمام باب الشقة، ولكنها لم تفهم أي شيء إلا حين بدأ أحدهم بالحديث:

- إيه يا عمدة اللي حصل إمبارح ده؟ كده برضو تخلي مراتك تفتح لنا الباب؟
أنت كنت فين يا عم؟

نظرت لهم مندهشة وهي ترفع حاجيها لأعلى قائلة:

- مين اللي فتح لكم الباب؟

ثم استطردت قائلة: يالهوى ازاي الكلام ده هو فتح لكم امبارح؟

قالتها غادة بعفوية وهي مصدومة من كلام هذا الشاب.

- هو مين؟ بقولك مراتك اللي فتحت الباب.

تداركت الأمر سريعاً وبدأت تستوعب ما يحدث، فحاولت أن تستدرجهم في الكلام أكثر بعفوية شديدة مختلطة ببعض الغباء الأنثوي، والذي قد تعتبره بعض النساء ذكاً:

- وإيه رأيكم فيها؟

- رأينا فيها ازاي يعني؟

قالها أحدهم والاستغراب يحتل كامل وجهه، ولكن سؤال عماد شجعه على تكميل الحديث فقال:

- كانت لابسة قميص نو...

ثم غير الكلام سريعاً: وبعدين هي إيه الألفاظ اللي بتقولها مراتك دي يا عمددة؟ أو مال إيه الأشعار اللي بتقولها فيها دي؟

صححَ المحدثَ وضحكَ أصدقاؤه أيضًا.

- بجد؟؟ عماد بيقول في أنا أشعار؟؟

أجابته بلهفة الأطفال ولمعة عيونهم عند الفرحة.

نظر الأصدقاء إلى بعضهم باستغراب، ثم قال أحدهم:

- عماد، أنت شارب إيه قبل ما تنزل احنا عارفين إن مالكش في الشرب.. بس

أنت مش طبيعي يا عماد بجد.

- أنت عايز تفهمي إن أنا لما بخرج معاك ونسهر مش بشرب خالص؟

صُدم الصديق من سؤال عماد أو من كان يظنه عماد، ولكنه قرر أن يجاوب عليه على مضض:

- عمرك يا أبي ماشيتي ده احنا بنتحاييل عليك عشان بس تجرب. مالك ياعماد في إيه؟ مش بقولك أنت فيك حاجة غريبة! ولايمكن سخونية امبارح هي اللي أثرت عليك؟

ولم ينتظر إجابته حتى قال سريعاً قبل أن يتلقى أي عتاب: على فكرة كلمناك كتير بس تليفونك كان مقفول، وألف سلامة عليك ياعمدة.

بالرغم من الفرحة العارمة التي انتابتها وأساليبها التي تهلكت بعد حديث صديق عماد، إلا أنها شعرت بغصة في قلبها. شعرت بتأنيب ضمير لا يُحتمل؛ فقد كانت دائمة النكد في المنزل بسبب شكوكها حول زوجها وحول سهراته مع أصدقائه ويفينها أنه يسكر معهم.

قامت حزينة بعد استئذانها منهم لأنها لم تدخل الحمام منذ أمس بسبب صدمتها مما حدث لها هي وعماد. اتجهت لا إرادياً إلى حمام السيدات بعد أن بحثت عنه في طرقات الشركة حتى وجدته، فاستوقفتها العاملة التي تجلس على الباب:

- إيه يا أستاذ عماد سلامة النظر.

- إيه عايز أدخل الحمام، بقى ممنوع ولا إيه؟

- مش ممنوع ولا حاجة بس حضرتك داخل حمام السيدات.

ارتبتكتْ جدًا وتعرق جبينها، ورحلت بعد أن هممت بكلام غير مفهوم اعتبرته العاملة أنه اعتذار.

ذهبت إلى حمام الرجال وظلت متربدة على الباب لا تعلم كيف ستدخل
وماذا ستتجد بالداخل؛ في لأول مرّة تدخل حماماً مكتوبًا عليه من
"for men" الخارج

ولكن مثانتها التي كانت تستغيب وهي ترجالها، جعلتها لا تطيق الانتظار أكثر
من ذلك؛ فقررت الدخول ولبيحدث ما يحدث.

عندما دخلت وجدت ثلاثة حمامات مفتوحة الأبواب، وجميعها خاوية،
ومبولتين لا يقف أمامهما أحد، فتنفست الصعداء. هرولت إلى أحد الحمامات
وهي تتلفت يميناً ويساراً وكأنها ستقوم بفعلٍ مشين. أغلقت الباب خلفها
بإحكام، وخلعت البنطلون سريعاً لتجد أشياءً غريبة تنتظرها داخل البنطلون..
أشياء تعرفها جيداً فهي متزوجة وبالطبع تعرف هذه الأشياء، ولكنها لأول مرّة
تشعر بإحساس امتلاكها لهذه الأشياء؛ فهي من يوم حادثة تبادل الأرواح لم
تدخل إلى الحمام مطلقاً. كما أن عماد لم يخبرها عن هذا الأمر شيئاً. أخرجت
ما كان ينتظرها بداخل البنطلون بشكلٍ كوميدي، ثم وقفت قليلاً وسألت
نفسها هامسة: هم بيقدعوا ولا بيقفوا؟

بعد أسئلة كثيرة وبعد استغاثة مثانتها خوفاً من الانفجار المفاجئ اضطرت
أن تجلس وتقضي حاجتها كما تفعل دائمًا.. كان الشعور غريباً عليها بعض
الشيء. انتهت من قضاء حاجتها الغريبة هذه، وفتحت باب الحمام لتفاجأ بأنَّ
هناك شخصاً يقف أمام المبولة يقضي حاجته هو الآخر فأشاحت بوجهها في
الاتجاه الآخر وهرولت إلى الخارج.. صاحب ذلك علامات استغراب على وجهه
الشاب قائلاً: إيه يا عمدة أنت بتتكسف ها ها ها.

جلست على مكتها وأمامها جهاز الكمبيوتر الخاص بعماد.. أوراق،
مستندات، فواتير، دوسيه مفتوح مطلوب مراجعته واعتماده.

يالله كيف ستنجز كل هذا الشغل المسند إليها؟

ولكن ما شغل بها أكثر هو أن عماد كان ينجز كل هذا العمل ثم يعود إلى المنزل ل تستقبله بوصلات النكد اليومية.

"سامحني يا عماد يا حبيبي" قالتها هامسة بأسى حتى لا يسمعها أحد.

قاطع شرودها صوت سعال رجل.. التفتت إليه.. رجل ذو كرش ضخم، كان يقف بجوارها يراقب تصرفاتها دون أن تنتبه.

فهذه إحدى عاداته السيئة التي يختنق منها جميع الموظفين.. فإذا حساس أنك مراقب دائمًا سواء من بعيد أو على غفلة - كما فعل مع غادة التي كان يظنهما عماد - هو أمرٌ سخيف ويسهل توقّعه لا إرادي، ولكنها لم تبال أصلًا، وسألته بجرأة:

- حضرتك عايزة مساعدة؟ قالتها وكأنها تقصد طرده بشكلٍ مهذب.

بعد وصلة سعال أخرى قال:

- ألف سلام عليك يا عماد مش كان المفروض تطمئني إنك جيت؟ عايزةك

تخلص شغلك وتجيلي على المكتب.

- مش تعرفي الأول بنفسك.

قالتها وهي تمطر شفتيها بامتعاض.

- عماد في إيه احنا هنرج؟ خلص اللي طلبته منك وتعالي المكتب.

انتفضت من مكانها وهي تضرب صدرها بكف يديها هلعاً من صوته الجمهوري وهو يصبح، ثم حشرت رأسها تحت المكتب واتصلت بعماد لكي ينجدها من هذه الورطة، فالليوم ما زال في أوله واضح أنه سيكون طويلاً.

أخذ الهاتف يرن طويلاً..

"أوف بتعمل إيه بس يا عماد، رد أرجوك رد.. رد" .. ثم استطردت قائلة: أكيد بينشر الغسيل ومش سامع التليفون خلاص أتصرف أنا بقى وربنا يستر.

أشارت بيدها لأحد أصدقاء عماد وهو ضمن من التفوا حولها منذ قليل، ومن ضمن أيضًا من يأتون كل صباح إليه، فأتي إليها مسرعًا:

- مالك يانجم. المدير كان عايزك في إيه؟

- "مدير؟ يانهار أسود" تحدثت بها سرًا خوفًا من أن يُفتضح أمرها، ثم أجابته:

- مش عارف هو بيقول إنه طلب مي حاجة وعايزني أخلصها وأدخلها.

- طب ماتخلصها وتدخلها إيه المشكلة؟

- المشكلة إنى إمبارح لما سخنت، أخذت دواء غريب خلاني أنسى حاجات كتير، ممكن تساعدني عشان خاطري؟

قالت الكلمة الأخيرة بشبهة غنج. كانت الكلمات تنم عن خروجها من فمِ أثثوي بحت، فكانت تتحدث بتتوسل مصاحب بدلالي وكأنها تطلب الطلب من عماد نفسه عندما يرفض لها أي طلب؛ فهي اعتادت أن تستخدم هذه الطريقة كثيرًا مع عماد، وكانت تأتي ب Summersها دائمًا، ولكن واضح أنها لم تفرق بين زوجها وصديقه.

استغرب صديق عماد جدًا لطريقته التي لم يعهد لها عليه ثم قال:

- هات يا عماد أنا هخلصلك الحاجات بسرعة وأنت تبقى تدخل فيها، أنت ياما اشتغلت مكانى.

- ميرسي أوي أوي مش عارف أقولك إيه بجد.

لم يتحمل الصديق ما يفعله عماد أكثر من ذلك، وخرج عن صمته قائلًا:

- عشان خاطري وميري أوي أوي؟ إيه يا ابني المياصه اللي أنت بتتكلم بيها
دي؟ أنت كده هتغريني الله يحرقك وأنا عندي استعداد للانحراف أصلًا.

ذهب صديق عماد لينهي ما وعد به عماد أن ينهيه. أما هي، فقامت في جولة
اسكرافية حول المكان، فالضوضوا يقتل غادة دائمًا وأبدًا.

دخلت غرفة فوجدت بها جميلات يجلسن على مكاتبهن فشعرت براحة،
حدّثت نفسها داخلًياً: أخيرًا لقيت سبات في المكان.. ياساتر.

التفت أغليبن إلى باب الغرفة ليجدن عماد يستند بظهره إلى الباب قائلاً:

- صباح الخير يا بنات بتعملوا إيه؟

- بنشتغل يا / عماد هنكون بنعمل إيه يعني؟

تبادلن النظرات فيما بينهن في استغرابٍ شديدٍ، فنادرًا ما يدخل عماد هذه
الغرفة، وإذا دخل لا ترتفع عيناه عن مستوى الأرض حتى ينجز مهمته ويخرج
فورًا.

نسبت غادة، أو ربما تناسب ما قاله عماد وقالت بعفوية:

- طيب ماتسيبكم من الشغل ده شوية وتعالوا ندردش مع بعض؟

قالت هذه الجملة بعد أن جلست فوق مكتبٍ خالٍ.

- ندردش؟؟؟

قلَّتها باندهاش لايوصف.. حضرتك عايز تدردش في إيه؟

- أي حاجة، وصفات نعومة البشرة، ووصفات تنعيم الشعر عشان
مايتعش.. عارفين أنا شعرى كان ابتدى يقع منه شوية بس عملت وصفة حلوة
أوي وجابت نتيجة هايلة.

هنا فقط.. علت الضحكات الأنثوية داخل الغرفة؛ فهو أصلًا يحلق شعره على "الزبرو" دائمًا، لكن واضح أنهن اعتبرنها مزحة منه للتودد إليهن، بل كانت بالنسبة لأخريات فرصة ذهبية لمعرفة هذا "الرجل الغامض بسلامته" الذي لا تعرفنه الكثيرات داخل العمل. التفَّ جميعهن حوله ليعرفنه ول يعرفن بفضول بدا عليهن، هذه الوصفات.

كان عماد يتقلب كالسمكة المشوية فوق الفراش من الألم؛ فقد داهمه ألمٌ غريب منذ قليل، نهض على أثره من النوم، وظلَّ يتربَّد على الحمام ذهاباً وإياباً يظن أن مثانته مملوءة، ولكن كلما دخل الحمام لإفراغها يجدها فارغة بالفعل، فيعود مرة أخرى إلى الفراش بخيهِ أمل. ظلَّ يكرِّر هذا الأمر أكثر من مرَّة، حتى سمع دقات جرس الباب. توجَّه ناحية الباب ليفتحه، فوجد جارتهم تقف أمامه

مبتسمة:

- صباح الفل والورد.

- أهلاً يا مدام سامية إزي حضرتك؟

ضحكت ضحكة رقيقة وقالت:

- مدام سامية وحضرتك كمان؟ والله ضحكتيني ياغادة.

تدارك الخطأ سريعاً عندما سمع اسم غادة، وابتسم وكأنه قصد المزاح.

- ألاقي عندك ليمونة والنبي، معلش مانزلتش النهارده السوق ومحتجة ليمونة واحدة.

- والله أنا مش عارف غادة بتحط الليمون فين، لما تيجي هخلصها تبعتك اللي
انتي عايزاه.

رمقته الجارة بنظرة غاضبة ورحلت بعد أن اعتبرت ردّ غادة أو من ظنته
غادة رفضاً لطلماها. شعرت بإهانة فتركتها فوراً وعادت إلى شقها وهي في قمة
الغضب تقسم بأغلظ الإيمانات بـألا يخاطب لسانها لسان غادة مرّة أخرى.

أما عماد فكان سعيداً جدًا برحيلها غير عابٍ بغضها، بل لم يبال لسببه:
فالآلم الذي هجم عليه منذ قليل لا يحتمله، ولا يحتمل معه ثرثرة أحد إطلاقاً،
وخصوصاً لو كانت ثرثرة نسائية، فعاد إلى الفراش مرّة أخرى محاولاً النوم.

ظللت غادة تسترسل في الحديث لساعة كاملة.. تخبرهم بوصفات مجرية في
جميع أنحاء العالم، ورددت أسماء مراكز تجميل كبيرة منهم الغالي ومنها الزهيد
ومساوى ومميزات كل منها.

رغادة كانت من المهتمات بكل شيء عن جسد المرأة، بل هي أنثى بمعنى
الكلمة في تلك الأمور.

وبعد أن انتهت من الحديث عن وصفات البشرة والشعر، انتقلت للحديث
عن المطبخ والأكلات السورية واللبنانية، وهن مازلن في حالة اندهاش من كم
هذه المعلومات القيمة التي يعلمها عماد. كانت غادة كل فترة تسمع جملة
تقاطع حدتها.. فمرة تقول إحداهن (لحظة والنبي يا أستاذ عماد قولي مقادير
السمبوسك السوري تاني مالحقتش أكتيها) وأخرى تعلق (أنا عايزه أعرف اللبن
في الكشك الألماضية بيتحط إمتي؟) وتصرخ ثلاثة (لا لا أنا ماليش في المطبخ، أنا
عايزاك تقولي بس الماسك بتاع تفتح البشرة بيتعمل كام مرّة في الأسبوع).

وَقَبْلَ أَنْ تَنْتَهِيَ مِنَ الرَّدِّ عَلَى كُلِّ اسْتِفْسَارٍ هُنَّ، سَمِعْتُ صَوْتَ صَدِيقِ عَمَادِ
مِنَ الْخَارِجِ يُخْبِرُهُ بِأَنْتِهِاءِ مَا كَلَّفَ بِهِ، وَأَنْ يَأْتِي لِيَأْخُذَهُ وَيَذْهَبَ بِهِ إِلَى غَرْفَةِ الْمَدِيرِ
فَوْرًا.

وَدَعْتُهُمْ بِرْقَةً شَدِيدَةً، بَلْ كَادَتْ أَنْ تَقْبِلَ كُلَّ وَاحِدَةٍ مِنْ خَدْهَا أَرْبَعَ قَبَّلَاتٍ كَمَا
تَفَعَّلَ السَّيْدَاتُ عَادَةً مَعَ بَعْضِهِنَّ، لَوْلَا أَنَّهَا انتَهَتْ فِي آخِرِ لَحْظَةٍ أَنَّهَا عَمَادٌ
وَلَيْسَ غَادَةً.

هَرَوَلْتُ إِلَى "الرِّئِيسِبْشِنْ" وَأَخْدَتُ الْأَوْرَاقَ مِنْ صَدِيقِ عَمَادِ، ثُمَّ سَأَلْتَهُ
بِسَذَاجَةٍ عَنْ مَكَانِ مَكْتَبِ الْمَدِيرِ، ضَرَبَ صَدِيقُهُ كَفًا عَلَى كَفٍّ، وَوَصَّفَ لَهَا إِيَاهُ،
وَتَرَكَهَا وَهُوَ فِي حَالَةٍ اسْتِغْرَابٍ شَدِيدَةٍ.

طَرَقْتُ بَابَ الْغَرْفَةِ ثُمَّ دَخَلْتُ.. أَشَارَ لَهَا الْمَدِيرُ لِتَجْلِسَ:

- بَصِّ يَا عَمَادَ أَنَا هَكَمْكَ عَلَى طَوْلِكَ، أَنْتَ عَارِفٌ إِنْ أَنْتَ أَحْسَنُ موْظِفٍ
عِنْدِي، هُنَا وَإِنْ دَمَاغُكَ نَابِغَةٌ عَشَانَ كَدَهُ أَنَا هَدِيكَ مَشْرُوعٌ تَخْلُصُهُولِي فِي ظَرْفِ
أَسْبُوعٍ.

كَانَتْ مُبَتَّسِمَةً، مُنْتَشِيَةً عِنْدَمَا سَمِعَتْ كُلَّ هَذَا الإِطْرَاءَ عَلَى زَوْجِهَا الْحَبِيبِ،
فَهَا هُوَ صَاحِبُ الْعَمَلِ بِنَفْسِهِ يُشِيدُ بِزَوْجِهَا وَبِكَفَائِتِهِ، بِالرَّغْمِ مِنْ أَسْطُوانَةِ
الْفَشَلِ الَّتِي كَانَتْ تَعَايِرُهُ بِهَا طَوَالِ الْوَقْتِ، أَنَّهُ لَا يَفْعُلُ أَيْ شَيْءٍ فِي الْعَمَلِ، يَذْهَبُ
لِيَأْكَلُ وَيَشْرُبُ وَيَأْتِي بِأَوْامِرِسِيِّ السَّيْدِ إِلَى الْمَنْزَلِ.

- سَاكِتٌ لِيَهُ يَا عَمَادَ؟

- لَا يَا فَنِيدَمْ كُنْتَ بِسِّ بِقُولٍ يَنْفَعُ أَخْدُ مَعَايَا الشَّغْلِ فِي الْبَيْتِ؟ حَضَرْتَكَ
عَارِفَ الْبَيْتِ هَدْوَهُ وَأَقْدَرْأَكْزَأَكْتَرُ.

صَمَتَ الْمَدِيرُ لِبَرْهَةٍ مِنَ الْوَقْتِ ثُمَّ قَالَ:

- مافيش مشكلة يا عماد، المهم إن خلال أسبوع فقط ألاقي الشغل منتهي على مكتبي، اتفضل قوم أنت.

أغلقت باب المدير خلفها، فرأيت عامل البو فيه يمر من أمامها، أشارت له:
- عايزه أناناس Juice فريش يا اسمك إيه.

- خدامك مصطفى يا أستاذ عmad، وما فيش اللي حضرتك بتطلبه ده،
أعملك النسكافيه بتاعك.

انتهيت لغبائها، فسارعت بالرد:
- أيوه طبعاً يا مصطفى، اعملني نسكافيه بسرعة. أنا كنت بهز عاكم
ياراجل.

فغر الساعي فاه بابتسمة بلهاء قائلاً:
- ما أنا قلت كده برضو يا أستاذ عmad، حاضر حالاً أعملك النسكافيه.
الساعة مازالت الواحدة وغادة بدأت تملّ: في لا تعرف أحداً في المكان
سوى صديق عماد الذي أنجدها منذ قليل، ولكن واضح أنه انهمل في عمله هو
الآخر، أما غرفة "الجنس الناعم" فانتهت غادة إلى نظرات زملائها في العمل
وهي تهم بالخروج منها منذ قليل، فكان هذا الوضع لا يبدو مألوفاً بالنسبة لهن،
فقررت ألا تدخل هناك ثانية. كانت تشعر بأن كارثة ما ستحدث في هذا المكان
إن لم ترحل فوراً.

اتجهت إلى غرفة المدير مرّة أخرى والتفت بحركة مسرحية بعد أن طرقت
الباب ودخلت، فقد قفزت إلى رأسها فكرة ذكية إلى حدٍ ما تجعلها تهرب من هذا
المكان الغريب.

استقبلها المدير متسائلاً:

- إيه يا عماد عايز تسأل على حاجة في المشروع؟

- لا يافندم بس كنت عايز طلب بعد إذنك.

- قول يا عماد خير؟

- كنت عايز أخذ نص يوم النهارده عشان أبتدئ أشتغل في المشروع. أصل أنا متحمس له جدًا، وعايز الحق أبدأ فيه بحالة الحماس اللي عندي دي.

نظر إليه المدير بإعجاب ثم قال:

- طول عمرك الأقرب لقلبي يا عماد عن باقي الموظفين اللي فاكرينها عزبة، ماشي يا عماد روح وابداً فيه، ولو فيه حاجة وقفت قدامك كلمني.

لم تسمع باقي الكلام، وركضت باتجاه باب المكتب بحركات أنثوية. خرجت من الشركة دون حتى أن تبلغ زملاءها أو تلقي عليهم السلام. كان تصرفها أقرب لطفل ادعى المرض في المدرسة، فأمر المدير بأن يعود هذا الطفل إلى منزله فوراً خوفاً من عدوى باقي الأطفال، فركض الطفل نحو باب المدرسة ورحل سريعاً قبل أن يرجع المدير في كلامه.

مامرت به غادة أثناء عودتها إلى المنزل وخصوصاً في المواصلات لم تخيل في يوم أنها ستتمر به؛ فبالرغم من أنها استقلت تاكسي للرجوع إلى المنزل، إلا أن طول الطريق وازدحام الشوارع وحرارة الجو جعلت أنفاسها تختنق، وأعصاها كادت أن تمهاركلياً.

كل هذا وهي لا تقود، فما بال الحال إذا كان عماد وافق أن تأخذ سيارته؟ في صباح اليوم طلبت منه أن تأخذ مفاتيح سيارته ببراءة شديدة لذهب بها إلى العمل، فسألها هل تجيدين قيادة السيارات فكان ردّها بالنفي.. هوطبعاً لا

يحتاج إجابتها لأنه يعلم ذلك مسبقاً، كان يريد فقط أن يذكرها، ولكن كان مبررها أنها ستتعلم القيادة أثناء الذهاب للعمل.. يالها من بريئة كالأطفال!

شخصية بهذه الصفات وبهذا الوضع السيء في الطريق وهذا الزحام الذي لا يطيقهبشر.. مؤكداً أنها كانت ستترك السيارة في أي مكان حتى ولو على قارعة الطريق أو على بداية كوبري، وتستقل تاكسي أو ربما ترجل حتى المنزل هرباً من هذه الزحمة.

دخلت الشقة، حيث كانت هناك مفاجأة غير متوقعة تنتظرها بالداخل.

فتحت باب الشقة وهي لا تصدق أنها وصلت بسلام، فبعد يوم شاق، خصوصاً أنها ربة منزل قبل وبعد زواجهما، كما أنها لم تعتد الخروج صباحاً، فهي تقضيه دائمًا مابين المطبخ لطهي الطعام سريعاً وبقى الوقت أمام المرأة لتصليح ما أفسده جو المطبخ ببشرتها.

أول مفعولته عندما دخلت المنزل، إلقاء جسدها على أول أريكة قابلتها في الردهة. فتحت أزرار قميصها واحداً تلو الآخر بصعوبة شديدة حتى انتهت من فكهم جميعاً، فسارعت بخلع القميص وإلقائه أرضًا.

في أقل من لحظة تذكرة شجارها الدائم مع عماد على نفس هذا الفعل الذي قامت به منذ ثوانٍ. كانت بمجرد دخوله المنزل بعد عودته من العمل ودون إعطائه فرصة لالتقاط أنفاسه حتى..

"ماتدخلش بالجزمة، لسه منضفة السجاده"

"علق لبسك مكانه.. أنا طالع عيني من الصبح"

"اقعد على الكرسي.. لا بلاش الكنبة ياعماد"

تذكّرها لهذه الجُمل التي كانت تُلقِيها لعماد كل يوم كان كفياً لأن يجعل الدم يفور في عروقها، بل لو فَكَرَ عماد وجُنْ في عقله الآن وحاول أن يردد عليها هذه الجُمل الحمقاء في ظل الحالة المزريّة التي تمرّ بها الآن، فلن تستريح إلا إذا ألقته بهذه المزهريّة القابعة على المنضدة تنتظر رأساً ترتطم به، فضفطت على زرز نسيان ما تذكريه ولو مؤقتاً شفقة بنفسها.

ظللت على هذا الوضع ما يقرب من النصف ساعة، حتى بدأت تسترد جزءاً صغيراً من نشاطها، فدخلت المطبخ جائعة، ولكن.. لم تجد أي طعام.

دخلت غرفة النوم لتجد عماد نائماً. اشتمّت رائحة شياط يخرج من بين جوانبها غيظاً مما تراه، وخصوصاً عندما تقلب عماد على السرير فرُفع عنه الغطاء الخفيف الذي كان يختفي تحته بجسدها المثير فرأته يرتدي القطعة السفلية فقط من ملابسه الداخلية دون القطعة العلوية، والتي واضح أنه لم يتحملها كثيراً، فقرر التخلص منها في أقرب صندوق قمامه. تذكرت الوقت الذي تعرض فيه جسدها للطهي على حرارة الشمس الحارقةمنذ قليل وازدحام الشوارع والإشارات اللعينة التي قابلتها في الطريق، فصرخت في غضب:

- عما اراد.

ایہ فی ایہ؟ میں؟..

أجابها عماد بعد أن انتفض من على الفراش فزعاً.

- أنت نايم وأنا متهدلة في شغلك.. ومافيش أكل اتعمل والشقة زي الزفت
وأنا جعانة.. هوده اللي اتفقنا عليه؟

- حرام عليكي خضرتي، أنا تعban ياغادة من الصبح.

- تعان؟؟ بصراحة ليك حق تتعب، وأنت تعان من كتر الراحة ولا من كتر النوم؟

- انتي مش متخلية حجم الألم اللي أنا حاسس بيه. أنا من الصبح وأنا كل جزء في جسمي بيوجعني، وألم فظيع في بطني، لدرجة إن شكيت إن سيادتك أكلتي أكل مسمم قبل ما أرواحنا تتبدل.

انتهت لما يقول.. هدأت قليلاً بعد أن استشعرت صدق حديثه؛ فبالفعل كانت تشعر أول أمس بألام شديدة في بطئها وخصوصاً الجزء السفلي منه، وكل جسدها كان يؤلمها بشكل لا يحتمل. تركها شاردة ونهض من على السرير ليدخل الحمام ر بما للمرة المئة. مر أمامها وهو يتربّح كالذى يتربّح الشيطان من المسن، فكان يشعر بشيء غريب لا يفهمه كما أن شعوره بليل ملابسه الداخلية غير المبرر أيضاً زاد من إحساسه الملح لدخول الحمام سريعاً. التفتت إليه وهو يدخل الحمام لتفاجأ ببقعة حمراء قد طبعت على ملابسه الداخلية من الخلف، مع وجود خيط رفيع من الدماء بدأ رحلة التسلل على فخذيه. وضعت يديها على فمهما لتكتم شهقة صدرت رغمها عنها لمذهب المفاجأة غير المتوقعة.

نظرت سريعاً على النتيجة المعلقة أمامها فاستغرت لتقدم موعدها.

تذكرت ليلة أمس وعصبيتها المفرطة مع عماد مشادتهم الكلامية التي حدثت دون سبب منطقي حتى الآن، فربطت الأحداث ببعضها واستنتجت أن ذلك نتيجة تغيير موعدها، ظلت شاردة حتى انتهت لصراخ صادر من الحمام:

- غاااادة الحقیییینی.

- حاضر یا عمامد ماتقلقش.. فهمت.. فهمت.

دخلت الحمام فوجده جاحد العينين منفرج الفم والأرجل معاً، وأثار الصدمة يظهر جلياً على وجهه. ليس لما رأه فاكيد هو يعلم جيداً ما أصحابه.

ولكن لأنه لم يتوقع أن هذا سيحدث معه وأنه سيكون يوماً بطل هذا المشهد السخيف من هذا الفيلم الأشد سخافة.

حاولت تهدئته وشرحـت الأمر كله على عجالة. كل ذلك وهي تلصق فوطة صحية بملابسـه الداخلية ببراعة، وكأنـها آلة تعمل أتوماتيكـيا مع شـرح كـيفـيه وضعـها وعـدد مـرـآت استـبدالـها، وهو يتـابـع حـديـثـها باـشـمـيـازـ مـختـلطـ بـإـحـسـاسـ الغـيـانـ.

- وأنا هفضل كده لحد إمـتـى إن شـاءـ اللهـ؟

آثارـ الصـدـمةـ أـنـسـتـهـ حـتـىـ المـدـةـ الـيـ تـحـيـضـ فـهـاـ زـوـجـتـهـ.

أـجـابـتـهـ بـضـحـكـةـ مـكتـومـةـ: ستـةـ أيامـ؟

كانـ شـعـورـهـ هوـ الأـعـظـمـ عـلـىـ الإـطـلاقـ، فـهـذـاـ الشـهـرـ أـخـذـتـ بـرـاءـةـ منـ رـحـلـةـ العـذـابـ والـضـيـ.

نطقـ بـلـفـظـ نـابـيـ رـغـمـاـ عـنـهـ مـعـتـرـضـاـ عـلـىـ الرـقـمـ قـائـلاـ لـهـاـ: (...) 6ـ أيامـ؟ـ؟ـ

ثمـ اـعـتـذـرـ سـرـيـعاـ لـهـاـ بـصـوتـ خـجـولـ عـلـىـ الـلـفـظـ الـذـيـ تـفـوـهـ بـهـ: فـهـوـ أـوـلـ مـرـأـةـ يـسـتـخـدـمـهـ أـمـامـهــ، وـلـكـنـ المـوـقـفـ كـانـ أـكـبـرـ مـنـ أـيـ أـخـلـاقـ أوـ تـرـبـيـةـ.

- وـالـأـلـمـ دـهـ هـيـرـوحـ إـمـتـىـ، أـنـاـ حـاسـسـ إـنـ بـمـوتـ بـالـبـطـيءـ يـاـ غـادـةـ.

- هـعـملـكـ حـالـاـ قـرـفةـ بـالـلـبـنـ وـهـدـيـكـ مـسـكـنـ وـهـتـبـقـيـ زـيـ الـفـلـ إـنـ شـاءـ اللهـ.

كـانـتـ تـكـمـنـ ضـحـكـةـ طـوـلـةـ بـداـخـلـهـاـ تخـشـيـ أـنـ تـظـهـرـ عـلـىـهـاـ فـيـسـتـشـيـطـ هـوـ غـيـظـاـ؛ فـهـيـ تـعـلـمـ جـيـدـاـ أـنـهـاـ أـنـتـاءـ هـذـهـ الـفـتـرـةـ تـكـونـ مـتـقـلـبـةـ الـمـزـاجـ جـدـاـ وـلـاـ تـتـحـمـلـ تـصـرـفـاتـ أـحـدـ. جـدـاـ كـانـتـ أـوـمـزـاحــ.

"بسـ اـنـتـيـ جـايـةـ تـعـبـانـةـ وـجـعـانـةـ يـاـ غـادـةـ"

قالها وكأنه يلقي النشيد الوطني في فناء المدرسة.

مررت يديها فوق رأسه برفق وقالت:

- أنا تعباً وجعلت فعلاً يا عmad بس حاسة باللي أنت حاسس بي. بعدين
مش مشكلة نطلب دليفرى، وأنا اللي أغمضك عليه كمان.

قامت لتعده له كوبًا من القرفة الساخنة ودخلتها إحساس غريب، فكم مرّة
كانت تحتاج مثل هذا الموقف المتبادل من عmad، كم مرّة أخبرته أنها تشعر
بمزاج سيء في أوقات معينة، ولا تزيد منه وقتها إلا أن يتحملها فقط بل لم تطبع
في أكثر من تجنبه لإثارة المشاكل معها في هذا الوقت.. كم مرّة كانت بحاجة
ماسة إلى أن يمرر يديه على شعرها أو على بطئها كمحاولة منه لتخفيف آلامها.
طردت هذه الأفكار من رأسها وشغلت نفسها بإعداد القرفة حتى لا تُفكِّر مزاجها
بهذه الذكريات المؤلمة.

دخلت الغرفة ومعها الكوب الساخن، وجلست بجانبه وهي مبتسمة. شعر
عماد بسعادة كبيرة بل والشعور الأغرب أن الألم بدأ يزول، أو ربما نفسياً ظنه
ذلك.

تركته يرتشف كوب القرفة اللذيد الساخن وهو مستلقٍ على السرير تحت
الفراش، ونهضت لتأخذ حماماً دافئاً عليه يرحمها من حرارة الجو.

انتهت من الحمام وجلست بجواره تروي ما حدث خلال اليوم.

وفي خلال حديثهما.. كانت غادة تروي كل ماحدث بالتفصيل الممل، فمرة
بضحكات مقهقة عن موقف "غرفة الجنس الناعم" بالرغم من غضبه
لحماقة تصرفها، ولكنها لم تستطع أن تمنع نفسها من الضحك، ومرة تروي
بخجل من موقف الحمام ومرة بملل، ومرة بارهاق. كان يتخلل حديثها بعض
الحركات التمثيلية.

وبالفعل هذه هي الأحساس التي مرّت بها خلال النصف يوم الذي قضته بالعمل.

أما هو فكان في قمة سعادته واستمتاعه لوجودها بجواره ولطريقتها في سرد ما حدث لها طوال اليوم، فمكوثه وحيداً وتوعكه المفاجئ جعله يتمنى حضورها سريعاً لتوارده ولو نفسيًا.

بعد أن أنهت سردها كلها، انتابتها لحظات من الصمت، هاجمتها الذكريات اللعينة مرة أخرى.. لماذا لم يأتِ عماد في يوم يحكي لها ما حدث في العمل؟ لماذا يواري عنها أحاسيسه؟ لماذا يفصلها تماماً عن عالمه؟

كانت تتلمس أن يأتي عماد من العمل ليخبرها بما حدث معه من مواقف مضحكة فيضحكان سوياً أو مواقف سيئة فتواصيه وترفع عنه ضيقه، إلا أنه في كل مرّة كان يعود مطالبًا الطعام وهو مستلقٍ على السرير، فردة حداء أمام باب الشقة والفردة الثانية أمام باب الحمام، أما قميصه فالحق يقال.. كان كريماً معها حتى لا يشعرها بالضيق أو الملل، فكان يلقاها كل مرّة في مكان مختلف والذي كان ينشأ بسببه الشجار اليومي.

أجبت نفسها على نسيان الماضي وما كان يحدث فيه ولو مؤقتاً، فهذا هي أصبحت في موقف قوة فقررت أن تعيش حياتها الجديدة بكل مافيها. انتهت لموضوع المشروع الذي طلبه المدير منها، وأسرعـت بإخبار عماد به قبل أن تنسى. ذهبت لتحضر له أوراق المشروع ليطلع عليها.

بالفعل قام عماد بمراجعة الأوراق سريعاً وكتابة ملاحظات جانبية داخل الورق وتظليل بعض السطور الهامة. وهي تجلس بجواره تتأمل حياتها الجديدة وماذا سيحدث فيها؛ فالبرغم من توتركها الشديد ليلة أمس من الوضع الجديد

وعدم نومها طوال الليل، إلا أنها بدأت تنظر الآن إلى النصف الممتلي من الكوب ولترتك الجزء الفارغ إلى أن يأتي دوره وربما لن يأتي أصلاً.

طلبت من مطعم قريب طعاماً، وتناولاه وجلسا يتسامران بعض الوقت.
انتهى اليوم بسلام.

وجاء اليوم التالي يحمل معه بعض المفاجآت الأخرى. استيقظت غادة في نفس ميعاد أمس حتى تذهب إلى عملها. قامت من النوم لتجد عماد يجلس بغرفة الضيوف رافعاً شعره لأعلى بشكل غير منظم، مرتدياً ملابسه الرجالية ويدخن سيجارة وعندما سألته عن أحواله أو ما به أخبرها أنه بدأ يتوتر للوضع الراهن، فهذا هو اليوم الثالث وبقي الحال كما هو عليه؛ فماذا بعد! حاولتطمأنته أنها قد تكون إرادة الله، فما عليهم إلا الانتظار لحين إشعار آخر. مللت خصلات شعره المبعثرة وربطتها جيداً حتى لا تضايقه ولم تنتبه إلى الخصلة المقصوصة، طبعت قبلة على جبينه ورحلت.

ذهبت غادة إلى العمل، ولكن في هذا اليوم لم تحتاج إلى الخريطة التي رسمها عماد، فتوجهت إلى مكتبه مباشرةً كما أنها ألغفت بعض الوجوه المبتسمة فلتلقائياً كانت تبادرهم بالابتسامة، أما وجوه أمس العابسة فلم تلتفت إليها من الأساس.

حاولت هذا اليوم أن تقلل من كلامها تماماً حتى لا تقع في الخطأ. كما أنها لم تكرر تجربة دخول غرفة "الجنس الناعم" ليس لأنها لا تريد ولكنها فكرت في احتمالية اعتياد الموظفات على عماد، فعندما تتبدل الأرواح لن تستطيع السيطرة على الموقف.

أنهت عملها الذي لم تنجزه أصلاً، فطوال الوقت كانت الرسائل لا تتوقف بينها وبين عماد على هاتفهما محمولين، فإذا هي تستفسر منه عن كيفية

معاملة "فلان" أو عن مكان أوراق معينة قد طلبها المدير منها، أو يسألها هو عن كيفية سلق المكرونة وأيهما يُصنع أولاً المكرونة أم الصلصة.

بمجرد أن استقلَّت التاكسي قررت أن تنام حتى تصل البيت؛ فهي لن تسمع لنفسها أبداً أن تمر بما مرت به أمس من ضجيج وحر وزماء. بالفعل استيقظت على نداء السائق لها وإخباره أنها قد وصلت بالسلامة.

عندما جلست على مائدة الطعام التي أعدَّها عماد، كانت جائعة للغاية، أول ما فعلته أن ملأت الصحن عن آخره بالمكرونة ثم غطته بالصلصة الشهية المصنوعة باللحم المفروم. كانت رائحة الأكل تتم عن مذاق شهي لا مثيل له، ولكن..!

كل أحلامها راحت أدراج الرياح، بمجرد أن وضع أول ملعقة في فمها مليئة بالمكرونة والصلصة حتى قامت سريعاً لإفراغها بالحمام وسط دهشة واستغراب عماد الذي لم يعلم سبباً لما فعلته. تناول ملعقة بنفسه ليتأكد من جودة الطعام الذي صنعه حتى تغيرت ملامح وجهه تماماً وتبدل ملامح وجهه من الدهشة والاستغراب إلى الامتعاض: فالملح في الطعام كان أكثر من الطعام نفسه. ربما هو لم يضع الملح على الصلصة، ولكن الأكيد بعد هذا المذاق أنه قد وضع الصلصة كلها داخل علبة الملح.

عندما عادت غادة كان العرق يندي جبين عماد إحراجاً وحزناً على تعبه الذي ذهب سُدى. لحت بذكاء أنثى ضيقه مما حدث فحاولت أن تخفف من وطأة الوضع. قامت إلى المطبخ وهي تحمل معها صحن الصلصة ل تعالج الأمر.

رجعت بعد دقائق إلى المائدة، وقد عالجت الصلصة ووضعتها أمامه وهي مبتسمة، وظلت تشيد بصنعه للمكرونة وأنها لأول مرة تتذوق مكرونة بهذا الجمال، وأن ماحدث للصلصة يحدث معها مرات كثيرة دون قصد منها، وأنها تعالج الأمر قبل أن تخرج من المطبخ أو يلاحظ أحد ذلك. نظر إليها في صمتٍ

كانت شفاهها تتحرك، ولكنه لم يسمع باقي حديثها؛ فقد رجع بذاكرته لهذا اليوم الذي عاد فيه إلى المنزل بعد العمل وجلس على نفس المائدة ونفس الكرسي، ولكن المرأة السابقة كان الملح ناقصاً في الطعام أي يمكن معالجته بأسهل الطرق، ولكنه عندها كثيراً حتى غادرت المائدة غاضباً ودون طعام.. سحبته من شروده وهي تخبره عن يومها وما حدث معها، حتى..!

رن جرس هاتفه.. التقاطه ليلاقي نظرة سريعة على المتصل. سأله عن المتصل فأخبرها أنها والدته.

- عايزة إيه؟

- ردّي عليها انتي لأنها بتتكلم على تليفوني.

على مضض ردت: أيةوه ياطنط.

" وأشار لها وهو يقول هامساً "ماما مش طنط"

- أيةوه ياما معلش أصل كنت بكلم والدة واحد صاحبي من شوية
واتلختبط.

..... -

- نعم؟؟ لا أنا عادي خالص أهو، مافيش حاجة.

..... -

- إيه؟ جاية؟

مططلت شفتيها تندمراً، ورددتها مرة أخرى ليسمع عماد ماتنتويه والدته.

أوما لها عماد برأسه أن ترحب بالفكرة فوراً.

- طبعاً ياما ما تشرفي في أي وقت.

قالتها وهي تتمى داخلياً أن تعدل عن فكرتها.

المشكلة التي كانت تنقص حياة عماد هي علاقة غادة السيئة دائمًا بأمه، فحاول أكثر من مرة أن يقرب بين وجهات النظر، لكن كل محاولاته باعدت بالفشل.

غادة كان اعتقادها الدائم أن حماتها مسلطة، لا تريد لها الخير. نظرية المؤامرة كانت تسيطر على تفكيرها بشكل غريب، لذلك كانت لا تحبها ولا تفضل استضافتها أو زيارتها بصحبة عماد أو بدونه حتى، بالإضافة إلى أن غادة كانت تقابليها بفتور ملحوظ. وعلى الرغم من أنه ظاهريًا لا يوجد شيء ملموس يؤكّد صحة تخيلها هذا إلا أنها كانت مؤمنة كل الإيمان باعتقادها.

وإلى أن تأتي والدة عماد حدث أغرب حديث ممكّن أن يحدث بين زوجين !!

بتعدد واضح أشار إليها بأن تجلس جانبه ليخبرها شيئاً مهماً قد يغيّر مسار حياتهما. استغرقت من طريقته وأسرعت الخطى لمعرفة ما يريد قوله. أمسك يدها اليمني التي يحتل الشعر جزءاً كبيراً منها، فعماد يعتبر من الرجال ذوي الشعر الغزير ليس في يده فقط، ولكن في جسده بالكامل. طبع عليها قبلة رومانسية ثم طلب منها أن تستمع إليه جيداً بعد أن أخبرها أنه اليوم وهو يصنع الطعام داهمته فكرة عبرية لن تخيلها أبداً، وأنها ستكون حلاً مشكلتهما معاً، وبعد أن ألحت عليه في معرفة الفكرة، أخذ نفساً هدوءاً وحاول أن يتمالك زمام الأمور وقال: بصوت أنثوي ناعم:

- غادة انتي عارفة إننا بنروح بقالنا فترة عند دكاترة كتير عشان موضوع

الأطفال ده.

قالت له: "أيوة" بصوتٍ حزين وكأنها تعاتبه داخلياً على لمسه لجرحها من جديد.

- عارفة إيه اللي أنا فكرت فيه النهارده؟

- ماتقوليش نروح لدكتور تاني، أنا بجد زهقت وتعبت من كتر الأدوية.
- لا ياحببتي ما فيش دكاترة تاني، فيه حل أحسن بكثير.

- حل إيه؟

قالتها وكأن أبواب الأمل فتحت جميعاً أمامها من جديد.

- أتجوز.

نظرت له والدموع على وشك الانتحار من عينها، وكادت أن تهض من جانبها لولا أنه أمسك بيديها برفق وطبع قبلة أخرى وكأنه يتосل إليها أن تجلس.
- ممكن أعرف إيه اللي ضايقك؟

- عايز تتجاوز عليّ يا عماد؟ هو أنت عشان عارف إني بغير عليك تقوم تعذبني أكتر بجوازك؟

- وأنا عشان عارف إنك بتغيري عليّ فكرت في الفكرة دي.

اعتل في جلسته وضمها إلى صدره مداعباً رأسها الأقرع قائلاً:

- حبيبي أنا هتجوز آه، لكن مش هتجوز.

- والنبي بلاش الألغاز دي يا عماد واتكلم على طول. ممكن تفهمي قصدك إيه؟

- حاضر، بما إنك رافضة فكرة إني أقرب من واحدة تانية غيرك، أنا قررت أتجاوز بجسي أنا، لكن بروحك انتي يعني انتي اللي هتتجاوزي بجسمى وبكده أنا مش هلمس أي واحدة، وبكده يبقى أنا اتجوزت من غير ما تضايقى.

أصابتها البلاهة لبرهة من الوقت وكان ذلك واضحًا من انفراج فمها بشكلٍ كوميدي.. كيف فكر في هذا الفكرة العجيبة؟ بعدما خرجت من صدمتها ردت عليه قائلة:

- إيه اللي أنت بتقوله ده؟

- إيه المشكلة؟ هو احنا مش نفسنا نخلف؟

أومأت غادة برأسها.

وابتع هو:

- وفي نفس الوقت انتي عندك مشكلة والدكتورة مش فاهمين عندك إيه؟
أومأت برأسها مرّة أخرى.

- وفي نفس الوقت انتي مش راضية أتجاوز لأنه هيبقى ابني أنا بس وهتفضلي انتي محرومة من الأطفال؟

نظرت له شذرًا، بينما هو يتابع:

- ده غير إنك رافضة ألسن أو أشوف واحدة غيرك؟

نظرت إليه نظرة تحذير.

استطرد سريعاً قبل أن تغضب:

- وأنا احترمت رغبتك دي طول فترة جوازنا وعمري مابصيit على واحدة غيرك، وأهو الوقت مناسب إننا نجيب طفل من غير ما ألمس واحدة غيرك ويبقى ابننا احنا الآتنين.

- وليه ماتتجوزش أنت بروحك وبجسمي أنا؟ ويبقى الولد ابني بجد ويكون في رحمي أنا.

- انتي هتخليني أشك في ذكائك ليه ياغادة؟ أولا انتي كعماد مش كفادة تقدري تتتجوزي واحدة واتنين وتلاتة لكن أنا كفادة ما أقدرش. ده غير إني استحاللة أقبل حد يلمس جسمك غيري، انتي اتجننتي ولا إيه؟

- طيب والولد اللي هيجي ده هيبقى ابني ولا ابنك؟

- هو ده بقى مربط الفرس يا حبيبي، الولد هيبقى ابننا احنا الآتنين، ابني جسدًا وابنك روحًا، وبكده تكون مشكلتنا اتحلت، بس لازم ده يحصل في أقرب وقت قبل ما أرواحنا ترجع تاني لمكانها.

- آه صح ياعماد.. لو روحنا رجعت قبل ما الجواز يتم هتتجوزها أنت؟ سأله وعلامات القلق بدت على وجهها.

- والله ما هيحصل ياغادة.. ده وعد.. واللي هيحصل وقتها إنك هترجعي في كلامك ونعتذر لأهل البنت وبتحصل في أحسن العائلات.

- طيب والبنت اللي أنا هتتجوزها هنعمل فيها إيه؟ مش ده ابنتها برضو اللي هتشيله في بطئها تسع شهور، هناخده منها ونقولها شكرًا دورك وقف لحد كدة؟ - معرفش بقى يا غادة.. وقتها يبقى يحلها الحال.

ارتبتكت غادة وحاولت جاهدة أن تواري إعجابها بالفكرة ولو مؤقتاً حتى تقوم بعمل دراسة جيدة لها وتدرس كل جوانبها الإيجابية والسلبية؛ فالبرغم من غرابة وجراة الفكرة، إلا أنها قد تكون حلًا وسطًا لمشكلة الإنجاب لديهما:

فهي تشتاق للأمومة وتتمنى وتحلم ولو بطفلٍ واحدٍ فقط يشبع غريزتها الملحّة
عليها طوال الثلاث سنوات الماضية.

فكم ليلة نامت ودموعها تبلل الوسادة في صمتٍ ودون أن يشعر عmad حتى،
وكم مرّة ارتادت عيادات ومستشفيات، وكم من وصفات شعبية قامت
بتجربتها.. فمرة دم الوطواط مخلوط مع زيت الزعفران وتدهن بهما الأماكن
الحساسة كل يوم، ومرة تشرب مشروب التمر المكون من سبع تمرات مضروبة
في الخليط، ثم تضعهم على نار هادئة لمدة عشر دقائق وتصفيّهم وتضع عليهم
ملعقة كبيرة من حب الرشاد وملعقة زيت زيتون وتشربهم.. ومرة ثالثة تذهب
لشيخ معروف عنه تخصّصه في حالتهم، ولكنّه كان يعيش في قرية ريفية بعيدة
انقطعت أنفاسهـما حتى وصلا إليها، وعندما حان دورها جلست أمامهـا بدأ
بوضع يدهـا على رأسهـا وظلـا يقرأ آيات من القرآن ثم تتمـ بكلمات غير مفهومـة
وصاحـ في وجهـها مرـّة واحدةـ أمرـاً الروح الساكنـة بداخلـها كما ادعـى أن تخرجـ من
جسدهـا المؤمنـ قائلـاً بصوـتـ جهوريـ مرعبـ: بـحقـ اللهـ تـخـرـجـ منـ هـذـا الجـسـدـ
قبلـ أـنـ أـحرـقـكـ، بـحقـ اللهـ، بـحقـ اللهـ.

ظلـ يرددـها وهو يضرـها بعصـاة خشـبية رفـيعة حتـى أغـمـى عـلـمـها منـ الخـوفـ
والأـلـمـ مـعـاـ.

كلـ هذهـ الذـكريـاتـ المؤـلـمةـ التعـيسـةـ زـارـهـا زـيـارةـ غيرـ متـوقـعةـ فيـ هـذـا الـوقـتـ بـعـدـ
أنـ كـانـتـ نـسيـتهاـ تـمامـاـ مـنـذـ فـتـرةـ تـأـلـمـتـ فـيـ صـمـتـ كـمـاـ لمـ تـتأـلـمـ مـنـ قـبـلـ،ـ ولـكـنـ هـذـهـ
الـفـكـرـةـ جـعـلـتـهاـ تـبـدـأـ تـحـيـيـ الـأـمـلـ مـنـ جـدـيدـ دـاخـلـهـاـ وـتـجـدـدـ أـحـلـامـهـاـ الـقـدـيمـةـ.
قـرـرـتـ دـاخـلـيـاـ فـيـ جـدـيـةـ درـاسـةـ الـفـكـرـةـ وـتـحـلـيلـهـاـ وـدـرـاسـةـ نـسـبةـ اـحـتمـالـ فـشـلـهـاـ،ـ
قطـعـ حـبـلـ أـفـكـارـهـاـ جـرـسـ الـبـابـ فـاتـجـهـتـ إـلـيـهـ شـارـدـةـ الـذـهـنـ.

"أـهـلاـ يـاطـنـطـ"

قالـتـهـاـ غـادـةـ بـامـتـعـاضـ كـعـادـتـهـاـ.

"طنط؟" ردت عليهما والدة عماد باستغراب شديد فهذه المرأة الثانية اليوم التي يناديهما ابنها بطنط.

- إيه يا ستر الحباب ما أهزرش معاكي يعني، انتي مابتهزرش يارمضان ولا إيه؟

انتهيت غادة للخطأ القاتل الذي ارتكبته فداعبته سريعاً حتى تتأكد من وصول الموضوع على أنه مزاح ليس أكثر.

دخلت معها غرفة الضيوف وجلستا سوياً. بدأت والدة عماد الحديث قائلة:

- أومال فين غادة؟

- تعبانة شوية ونایمة جوة؟

- ألف سلامة عليها ياحبيبي ليه مالها كفى الله الشر؟

نظرت إليها غادة باستغراب شديد. كانت تتوقع أن ترد والدة عماد وتعبانة من إيه إن شاء الله أومال لو كانت خلقت عيل ولا اتنين كانت عملت إيه.." فغادة دائمـة التأثيرـ بأفلام (مارى منيب) وإنقـانـها دورـ الحـمـةـ بـبرـاعـةـ جـعـلـهاـ تـعـقـدـ أـنـ هـذـاـ هـوـ الدـورـ الرـسـيـ وـالـمـنـطـقـيـ الـذـيـ يـنـبـغـيـ أـنـ تـقـنـهـ كـلـ حـمـاـةـ.

- لا كسلانة بس مش أكتر ياما ماما. بقولك إيه يا ستر الكل كنت عايزة أخذ رأيك في موضوع.

- خير يا أبي؟

- أنا هتجوز.

قالتها غادة سريعاً وبدون تفكير وكأنها تبدأ دراسة الموضوع من الناحية العملية لتنجز سريعاً في الاستنتاجات. تصرُّف غادة كان غريباً بالفعل.. أولاً لأنها لم تتفق مع عماد على إخبار والدته الآن كما أنها لا تعرف ردة فعله إذا علم بما فعلته الآن. ثانياً أنها لم تدرس الموضوع بعد، فكل ما في الأمر أنها ماقشتا في الأمر فحسب ولم يتفقا بشكل نهائي.. فكيف بدأت في تنفيذه بهذا الشكل وكأنه أصبح أمراً واقعاً؟

- إيه؟؟ ؟ تتجوز؟ إيه اللي حصل؟ ازاي بس؟ ومراتك؟ عايز الناس تقول علينا إيه، عايز أهلها يقولوا علينا أخذنا بنتم وهدلنها، حرام عليك يا ابني.

قالت آخر جملة وهي حزينة فعلاً وقلقة بشأن مقاله عماد.. أسئلة متتالية متلاحقة من والدة عماد وهي مصابة بشبه صدمة لما سمعته.

تعجبت غادة تماماً من سماع رد والدة عماد فأول ماتوقعت سماعه، بل وكانت تنتظره بلهفة حتى تشعر أن ظنونها تجاهها قد تأكدت.

"ما أنا قُلتك كده من زمان يا ابني.. أيوة بقى اتجوز عشان تجيب عيل أشيله قبل ما أموت.. الحمد لله إنك أخيراً اقتنعت بكلامي"

لكنها أبداً لم تتفوه بما انتظرته غادة.

لو كان عماد أقسم لها بأغليظ الإيمانات أن أمه قالت هذا الكلام لصالحها، ورفضت فكرة الزواج ماصدقت أبداً ولو بعد مئة عام، ولكنها هي السيدة أمامها بشحمة ولحمها تقول مالم تتوقعه غادة أبداً.

هل غادة حرمته نفسها بشكوكها وسوء ظنها من أخلاق هذه السيدة؟ هل لو كانت أعطت لها الفرصة لتثبت حسن نيتها وكانت حياتها تغيرت؟

وخصوصاً أن غادة محرومة من حنان الأم رغم وجود والدتها، إلا أنها لم تعرف معنى كلمة أم.

كانت والدة عماد تتحدث بأسى، ولكن غادة عُقدَ لسانها من صدمة حقيقة هذه السيدة.

- أنت ساكت ليه يا ابني؟ رد عليا.. ريحني يا ابني حرام عليك.

نظرت إليها غادة بتعجب ومازالت آثار الصدمة تعقد لسانها، إلا أنها تحاملت على نفسها وأجابتها:

- ياماما إذا كان هي موافقة أصلًا يبقى إيه المشكلة بقى؟

- موافقة؟ ازاي توافق على كدع. أنا مش مصدقاك أبدًا. لازم هي بنفسها تقولي الكلام ده.. أنا عايزة أتكلم مع مراتك.

- طب تعالى ندخل الأوضة وهي هتقولك كده بنفسها.

قالتبا وهي لا تعلم رد فعل عماد حتى.

- يا ابني هدخل على مراتك الأوضة وهي نایمة؟ أنت ليه مش عايزة تتعلم إن البيت له حرمة؟ أنا هفضل أعلمك لحد إمتي؟ اتفضل أنت ادخل اندها لي.

هل ستظل غادة تتلقى كل تلك الصدمات من هذه السيدة؟ هل ضميرها سيتحمل كل سوء الظن ذاك.. إلى أي مدى هذه السيدة عظيمة؟ الصدمة الألف لغادة.. والدة عماد ترفض أن تدخل الغرفة لحرمتها؟

- شفت؟ خايف تقوم تقولها.. والله يا عماد لو مراتك قالت إنك مزعليها قلي وربى هيغضبوا عليك ليوم الدين. وقلتلك الكلام ده كتير قبل كدع. أنت حُريقي لو هتقدر تحمل غضبي وغضب ربنا عليك.

كفى.. كفى.. كفى..

هرولت غادة إلى غرفة النوم، ربما هربًا من والدة عماد وربما هربًا من ضميرها الذي كاد أن يمزقها إربًا.

أخبرت عماد بكل شيء. سررت الحديث الذي دار بينها وبين والدته، وأنها ربما أخطأت بإخبارها بفكرة الزواج، ولكنه حدث ويجب التصرف سريعاً في الأمر قبل تضخمها.

في البداية غضب عماد ولكنه سرعان ما شعر أن هذا الموضوع كان لابد أن يفتح في كل الأحوال، أيضاً ماجعله ينسى غضبه سريعاً ما قالته غادة بعد ذلك.

- عماد عايزة أقولك حاجة.

- خير.. عملي إيه تاني؟

- لا كنت بس عايزة أقولك إن مامتك دي سنت عظيمة. ربنا يخلمنا لنا ويبارك فيها. عمرى ما هزعلها تاني يا عماد.

حاولت السيطرة على مشاعرها حتى لا تدمع عينها.

لودون عماد مشاعره في هذه اللحظة في مجلدات لن تكفي أبداً لمشاعره.

خرج عماد وقبل يد أمه كالعادة دون أن يراعي الفرق بين معاملته لها ومعاملة غادة لها. في الطبيعي أن غادة تخرج تمد يديها على مضض لتسليم عليها رغماً عنها وهذا ما أدهش والدة عماد.. غادة تُقبل يديها؟ كيف؟

قد يكون تصرفه لا إرادياً، وقد يكون تعمداً، كتعويض لأمه التي تحملت فتور غادة كثيراً ومعاملتها الجافة، ولكن الغريب أن غادة نفسها لم تشعر بضيق من تصرُّف عماد؛ فبعد أن عرفت هذه السيدة على حقيقتها تمنت أن تكون الآن داخل جسدها الحقيقي لتقبّلها هي أيضاً.

جلس ثلاثة يتجاذبون أطراف الحديث، ولأول مرة كانوا يتحدثون سوياً دون أي مشاكل. ظلَّ عماد وغادة يسترسلان في الحديث محاولين إقناع والدة عماد أن العمر يمر سريعاً، وأنهما يريدان أن تشعر بإحساس الجدة و تستمتع

بدفءٍ أحفادها، وأنهما متفقان دون زعل أو رفض طرف من الطرفين. كان حديثهما وميراثهما مقنعة إلى حدٍ كبير.. حتى اقتنعت بالفعل.

فبالنسبة لها طالما أن ابنتها وزوجته متفقان، لا يهم أي شيء آخر، المهم سعادتها.

قال عماد بصوت غادة وبروح يملؤها الحماس والفرح، بل قد يكون بالغ دون أن يشعر:

- انتي ياما ما اللي هترشحي لنا العروسة.

نظرت أم عماد له باستغراب وردت:

- ربنا يسهل يا بنتي.

لم يكتفي بردتها وأخذته الجاللة أكثر: عايزينها عروسة حلوة كده على ذوقك.

فنكرته غادة في ذراعه.

واضح أنه يوم المفاجآت بالنسبة لهذه السيدة المسكينة.. زوجة ابنتها تريد عروسة لزوجها.. نعم طلب منطقي خصوصاً أنها لا تنجذب وشبه فقدت الأمل في هذا الموضوع.. تطلب من والدة زوجها أن تختار هي العروسة.. منطقية أيضاً إلى حدٍ ما لضمان أخلاق العروسة.. لكن تتمى أن تكون العروسة جميلة بل وتحرص على ذلك؟ كيف؟ بأي منطق؟؟

منطقي طبعاً أن تدور كل هذه الأسئلة في ذهن والدة عماد، فهي لو علمت أن المتحدث ابنتها وليس غادة لزال كل هذا الاندهاش والتعجب.

لم ترد السيدة واكتفت بقول: أنا هقوم بقى يا ولادي عشان الحق أرّوح.

قال الاثنين في نفسٍ واحدٍ: ليه ياما ماما خليكي بaitة معانا.

لم تتحمل الأم أكثر من ذلك، وشعرت أنه من المحتمل أن هما مسأً من الجن فقررت الرحيل فوراً قبل أن تصاب بالجنون، واعدة إياهما أن ترشح لهما العروسة في أقرب فرصة. كما يطلبان.

رحلت الأم فالتفتت غادة إلى عmad وفتحت ذراعيهما الكبيرين له بجسدها الضخم، لم يتمالك نفسه إلا وهو سايع في جسدها بجسده الضئيل، وبالرغم من الشعر الكثيف الذي كان يعتلي صدرها وفتول عضلاتها وقوتها بنيانه وكأنه يحضن صديقاً له، إلا أنه شعر أن الأرواح هي من تعانق بعضها وليس الأبداد. وهو ساكن بهدوء في جسدها تذكرة المشروع الذي طلبه المديرة، فخرج من حضنهما سريعاً وأخبرها بالأمر.

- حبيبي، لازم نقدر نشتغل مع بعض في المشروع ده.

- ياااه من زمان نفسي أتعلم شغلك يا عماد.

- حظك في رجلك ياستي، اشتغلي بقى زي ما انتي عايزة.

قالت بتعاتب يختلط بدلع:

- بقى عايزة عروسة حلوة يا عماد؟ ماشي ماشي.

- ردّ ضاحكاً مازحاً:

- هو أنا أصلّاً هشوفها يا حبيبي دي محاولة لتحسين النسل.

جلسا سوياً على الأرض فارشين الأوراق حولهما، كانت تناوله ورقة ورقة ليقرأها ثم يضعها بجانبه، تناوله ورقة أخرى بعد أن تلقى النظر علماً وتحفظ الكلام الموجود بها قدر استطاعتها، ثم تكتب ملاحظتها على هامش الورقة أو ما فهمته.

ظلام يعملان طوال الليل بتعاون وحشٍ شديدين لم يحدثا أبداً من قبل، حتى
قطعت غادة السكون والهدوء اللذين احتلا المكان بجملة صارخة: احنا نسيينا
أهم حاجة في موضوع الجوازات يا عماماد!

ردّ عماماد بصوت يائس:

- إيه؟؟

- أنا هتجوز فين؟

قالتـها وعلامات الحيرة قد ارتسمت على وجهـها بوضوح.

تجهم وجهـ عـمامـاد لـثـوانـ مـعـدـودـةـ، ثم قال وبراءـةـ الأـطـفـالـ فيـ عـيـنـيـهـ:

- هنا فيـ الشـقـةـ.

ردّت باستنكار:

- يـاسـلـامـ؟ أـوـلـأـ مـينـ دـيـ الليـ تـقـبـلـ تـعـيـشـ معـ ضـرـبةـ فيـ نـفـسـ الشـقـةـ؟ ثـانـياـ
ولـنـفترـضـ إـنـهـاـ وـافـقـتـ أـنـتـ مـتـخـيـلـ إـنـيـ هـوـافـقـ بـوـاحـدـةـ سـتـ تـقـعـدـ مـعـانـاـ هـنـاـ فيـ
الـشـقـةـ وـأـنـتـ شـايـفـهـاـ رـايـحـةـ جـايـهـ قـدـامـكـ؟ـ وـأـلـاـ أـنـتـ الليـ عـايـزـ كـدـهـ؟ـ

أـجـابـ سـرـيـعاـ وـكـأـنـهـ يـنـفـيـ التـهـمـةـ عـنـ نـفـسـهـ:

- خـلاـصـ اـجـوـزـيـ فـيـ شـقـةـ تـانـيـةـ يـاغـادـةـ؟ـ

- دـهـ عـلـىـ أـسـاسـ اـنـنـاـ مـشـ عـارـفـينـ نـوـدـيـ فـلـوـسـنـاـ فـيـنـ؟ـ أـنـتـ نـاسـيـ إـنـ آـخـرـ مـبـلـغـ

كانـ مـعـانـاـ اـشـتـرـيـنـاـ بـيـهـ عـربـيـتـكـ الـجـدـيـدـةـ.

- طـبـ إـيـهـ الـحـلـ مـنـ وجـهـةـ نـظرـكـ؟ـ

- مـافـيـشـ غـيرـ حـلـ وـاحـدـ لـلـأـسـفـ يـاعـمـادـ.

قالتها بصوتٍ حزينٍ.

- اللي هو؟

- الطلاق، لازم نطلق ولو مؤقتًا، وأنا أتجوز هنا في الشقة.

- نعم؟ وأنا أروح أقعد فين يا أختي؟

- أقعد مع مامتك يا عماد.

- يابنتي انتي عايزه تجنبني، في واحدة تروح تقعد مع حماتها بعد ماتطلق من ابنتها.

انتهيت لما قالته فاستدركت الخطأ فوراً:

- خلاص هتقعد مع ماما وأخويا.

- طب وبعد ما أقعد معاهم؟

- لما أتجوز وأخلف نبقى نرجع تاني لبعض أو نشوف هنعمل إيه!

بالرغم من ضيقه الشديد بالفكرة إلا أنها تبدو منطقية ومن الواضح أنه لا يوجد حلٌّ غيرها، مللم الأوراق المفروشة على الأرض كالسجادة وهو يفك بعمق وتمعن في الأيام التي سيقدمان عليها.. نعم التجربة مثيرة وقد ذبحت الملل الذي ولد بينهما منذ فترة وأصبحا أكثر قرباً من بعضهما من ذي قبل بمراحل، ولكن لكل تجربة مخاطر وهو لا يعلم إلى الآن ما هي المخاطر التي قد يتعرضان لها. أخذ نفساً عميقاً وقرر خوض التجربة بكل مافيها من إيجابيات وسلبيات ول يكن ما يكون.

مررت الأيام وغادة تذهب إلى العمل يومياً وبدأت في تعلم قيادة السيارة؛ فقد رضخ عماد أخيراً لمطلبها بعد أن رأى معاناتها يومياً في الذهاب إلى العمل، كما أنها تقررت أكثر إلى زملائه سواء الرجال أو السيدات، وانتهت نهج عماد في

عمله. وقد أتقنت العمل إلى حد ما، وذلك طبعاً بمساعدة عماد وتحت إشرافه، وسلمت المشروع إلى مدیرها في الميعاد المتفق عليه بعد سهر لیالٍ هي وعماد، وكان المدير سعيداً كعادته بإنجاز عماد وتفانيه في العمل فقرر صرف مكافأة له.

كما احترف عماد أيضاً الأعمال المنزلية، سواء التنظيف أو الطهي، وأصبح يبتكر أنواعاً جديدة من المأكولات عن طريق الإنترنٌت ومتابعة (برنامج فتافيت) الذي أحبّه كثيراً. صار التفاهم بينهما يزيد مع مرور الأيام.

في يوم عادت من عملها لتجده واقفاً في المطبخ بعد الطعام، فاتجهت إليه بخطوات بطيئة وفاجأته بحضورِ دافٍ من الخلف. التفت إليها بسعادة، ولكنه لم يتلتفت وحده بل اصطحب معه رائحة الثوم والبصل. امتعضت غادة وكتمت أنفاسها. خرجت من المطبخ متائفـة، فمنذ فترة وهي لا تدخل المطبخ وأصبحت الآن تميـز الروائح النفاذه سريعاً. شعرـاً بحراج من هذا الموقف فاتجه سريعاً إلى الحمام ليستحم.

خرج ملتفاً بفوطة كبيرة من فوق صدره لفوق ركبتيه، دخلَ عليها غرفة النوم ليجدـها قد انتهـت من تبديل ملابسـها.

"وحشـتني"

كان عماد مبتسماً وكأن شيئاً لم يحدث.

- مممـمم.. أيـه الـريحـة الجـميلـة ديـ.

استنشقت غادة رائحة الصابون الجميلة المنبعثـة من جسد عماد باستمتاعـ.

- يعني عجبـتك؟

قبل أن تجيئه، صرخت في وجهه محدقة بعينيه في جسده: إيه ده يا عماد؟

قالتبا وهي تشير إلى ذراعيه.

- نظر إلى ذراعيه وقال لها: في إيه ياغادة مالك؟

- أنت سايب جسمي بطلع فيه شعر بالشكل ده وعادى كده ولا فارقة معاك؟

أجاها ساخراً من مبالغتها:

- بتتكلمي على شعرتين طالعين في جسمك أو مال الغابة اللي انتي جواها دي
تقولي عليها إيه؟

- بقولك إيه أنا ماليش دعوة بجسمك أنا بتكلم على جسمي اللي تعبت فيه
عشان أحافظ على شكله ونعمته. خليك زي ما أنت كده إوعي تتحرك.

نظر إليها في استغراب، ولكنه نفذ كلامها ولم يتحرك.

هرولت سريعاً إلى المطبخ، فتحت الثلاجة لتحضير علبة بها شمع عسل،
وووضعتها على النار وظللت تقلماها بين كفها حتى أصبحت جاهزة للعمل.

دخلت عليه الغرفة وهو واقفٌ لا يفهم أي شيء عما يدور حوله. كانت تخفي
يديها خلف ظهرها، ومرة واحدة دون سابق إنذار، انقضت على ذراعه كما
ينقض الوحش على فريسته، ووضعت عليه قطعة الشمع وساوتها جيداً
بجلده، ثم فجأة شدتها من على ذراعه مرّة واحدة رافقها صرخة ألم أثاثية
طويلة من عmad.

- أنتي مجنونة إيه اللي بتعمليه ده؟

قالها وهو ينفع مكان انتزاع الشعر الذي تورم واحمرّ سريعاً في نفس
الوقت.

- أو مال عايز تسip جسمي بالشكل ده؟ مش كفاية الكريمات والزيوت اللي
بقولك استخدمها ومش بتستخدمها.

- أنا عندي وقت يا غادة، ما انتي شايطة الطحنة اللي أنا فيها، كل يوم ما بين المطبخ والغسيل وتنظيف الشقة، أنا هجيب وقت منين بس.

- وأنا كنت بجيبي وقت منين ما أنا كنت بعملك كل اللي أنت عايزه وفي الآخر تلاقيني قاعدة زي العروسة.

لم يعطِها فرصة لاستكمال جملتها وانطلق بسرعة الصاروخ في الشقة وهي تركض خلفه وقطعة شمع العسل في يدها، وأخيراً نجح في الدخول للغرفة الأخرى وأغلق على نفسه من الداخل، ثم تحَدث معها من خلف الباب.. بصي انسى إنك تعامليلي البتاع اللي في إيدك ده.. ده بيوجع أوي يا غادة والله.

- انسى.. أجبته غادة من الخارج وهي تقول: هتعمله يعني هتعمله ده أنت خليت شكري ولا الخادمات.. اخرج أحسن لك يا عماد. قالتها وهي تدق على الباب بقوّة.

فتح الباب وهو يتسلل إليها وهو لا يتمالك نفسه من الضحك: خلاص يا غادة بقى عشان خاطري.. طب بلاش التهارد़ه.

وكانه لايكلم، انقضت عليه مرّة ثانية بجسدها الضخم فوق جسده الضئيل، وظلّت تتنزع الشعر الذي ظهر في ذراعه مرّة تلو الأخرى، بل وعلى أجزاء متفرقة من جسده.

أما هو، فكان في حالة من الألم الرهيب، ولكن رغم ذلك أصيّب بنوبة ضحك هيستيري..

جلسا سوياً على الأرض أمام باب غرفة الضيوف بعد انتهاء هذه المهمة، وهما في حالة إنهاك تام، وكأنهما لاعبين مصارعة قد انتهيا للتو من جولة مميتة.

مرّت الأيام وفي ليلة طلاقهما، جلسا سوياً في غرفة النوم يتجادلان أطراف

الحديث:

- احنا هنتواصل ازاي مع بعض ياغادة؟

- بالتليفون يا حبيبي.

- بس أكيد طبعاً من ورا أهلك اللي هقعد معاهم.

- أكيد طبعاً يا حبيبي، إوعى تغلط ويعرفوا إنك بتكلمي، أنت عارف سعيد
أخويا ودماغه.

- عارف عارف ربنا يستر.

- هتوحشني أوي يا عماد.

- انتي أكتري يا غادة

ضمها إليه وعائقها عناقاً طويلاً حتى ظنا أنه لن ينتهي أبداً. كانا مغمضين العينين، فلم ير كلّاً منها الآخر. طبع على شفتيها قبلة حرارة تلتها العديد والعديد من القبلات المتلاحقة اللاهثة على باقي جسدها. وبالرغم أن جسدها ضخم ومغطى بالشعر إلا أنه أبداً لم يشعر بذلك. بل لقد نسيا في هذا الوقت موضوع تبادل الأرواح تماماً، فهو لقاء الحب الأول من بعد الحادث، فكلاهما كان رافضاً لفكرة إقامة علاقة حميمية مع الآخر على اعتبار أن العلاقة ستكون مع جسده هو لا مع جسد زوجه. فنفسياً لم يتقبلما الفكرة، بل كان الشعور متبدلاً. أما الآن اختفى وتلاشى هذا الإحساس بالنفور بعد هذا العناق الرومانسي وهذه القبلات الحارة والمداعبات الطويلة التي حدثت بينهما، وخصوصاً أنهما سيصبحان على طلاق، ولا يعلمان كم من الوقت سيقضيانه

مطلقين. كانت أفضل ليلة يقضيانها سوياً منذ زواجهما، بل هي الأروع على الإطلاق.

بعد مناقشات عديدة حدثت بين عماد ووالدته ومحاولة إقناعها بفكرة الطلاق، وأنه الأفضل بالنسبة لها، بل إنهم اتفقا على ذلك أيضاً، وبالطبع لم تافق والدة عماد إلا بعد أن سمعت بأذنها الموافقة من غادة، وبعد مشاجرة عنيفة حدثت بين شقيق غادة «سعيد» وبين عماد بسبب هذا الطلاق المفاجي.. تم الطلاق بنجاح وانتقل عماد إلى منزل والدة غادة ليتمكن الأيام المقبلة معها هي وشقيق غادة.

وبدأت غادة في التحضير لليوم الزفاف بعد أن تم اختيار الزوجة بعناية فائقة من والدة عماد، فقد طلباً أن تكون العروسية أرملة أو مطلقة، سبق لها الإنجاب، على حُلُق. وبالفعل كان اختيارها لأرملة جميلة مهذبة لديها ابنة كان اختيارياً موفقاً تماماً، فذهبت غادة ووالدة عماد إلى العروسية وطلبتا يديها من أهلها واتفقا على الزواج السريع دون فرح، مراعاة لمشاعر العروسية التي توفى زوجها منذ سنة تقريباً.

تمّ عقد القران في هدوء، ووصل العروسان إلى شقتهما!

دخلت العروسة إلى غرفة النوم بينما ذهبت غادة إلى المطبخ في حالة ارتباك شديدة وهي تفرك كلتا يديها ببعضهما. تتساءل كيف ستضاجع امرأة مثلها؟ تأتي الإجابة من أمها عما قبلها بأن الغاية تبرر الوسيلة.. تتساءل مرة أخرى كيف ستقبل الأمر نفسياً ومع هذا السؤال تذكرت سريعاً الأقراس التي أعطاها لها عماد عندما تحدثا في هذا الموضوع سابقاً.. فقد قالت له غادة أن هذا الأمر سيكون في غاية الصعوبة عليها فأعطتها أقراصاً تتناولها فور دخولها الشقة، وأنها ستبدأ تأثيرها بعد ربع ساعة لتسهل لها كل شيء. أيضاً أخبرها أن تطفئ نور الغرفة وسيكون كل شيء على ما يرام.

ابتلعت قرضاً بکوب من الماء، وظلت تتجول مابين المطبخ والحمام وغرفة الأطفال في حالة توتر شديدة حتى بدأ جسدها في التخدر وبدأت حالتها المزاجية تتحسن والتوتر يتلاشى رويداً رويداً. دخلت غرفة النوم لتجد عماد يجلس على السرير وعلامات الخجل ترسّم على وجهه.. حدقت فيه باندهاش متسائلة داخلياً: ما الذي أتى به إلى هنا؟ جالت في المكان بعينها باحثة عن العروسة فلم تجد إلا عماد وأثنانٍ يتراقص بالغرفة، ولكن بمجرد أن رأت وجه عماد شعرت براحة نفسية كبيرة وهرولت إليه تقبّله وتعانقه، فقد تخيلت أنه جاء لينقذها من هذه الورطة.

فتحت عينها الثقيلتين بصعوبة، فقد شعرت بوجود شكارتين من الرمل فوقهما. وجدت نفسها مستلقية وحدها فوق الفراش. نظرت إلى الشباك لتجد نور الصباح يتسلّل إلى الغرفة فصدهته بكفيها وبنصف عين حتى تستطيع الرؤية.. حاولت تذكر أي شيء من ليلة أمس، ولكن دون جدوى.. كل ماتذكره وقتها هو وجه عماد فحسب. انتقلت عيناهما سريعاً إلى باب الغرفة الذي فُتح..

لتجد سارة تدخل على استحياء وفي يديها صينية الإفطار.

- صباح الخير.

قالت سارة في خجل مختلط بسعادة.

أجابتها غادة بحسنة:

- صباح النور.

إذن، فوجه عماد الذي رأته ليلة أمس ما هو إلا هلوسة نتيجة القرص الذي تناولته.

جلست سارة بجوار غادة ووضعت الصينية على السرير، فانتفضت غادة من

على الفراش متعللة بدخولها الحمام. استأذنت من سارة وخرجت من الغرفة، واتصلت بعماد:

- ألو، أيوة يا عماد ازيك؟

همست بها وهي داخل الحمام جالسة على طرف البانيو.

- أيوة يا حبيبي ازيك؟ وحشاني أوي. ثم استطرد حديثه ساخراً: ها سبع وألا ضبع يا صاحبي؟

- مش عارفة يا عماد. مش فاكرة أي حاجة، بس سارة واضح إنها مبسوطة أوي.

أجابته بضحكه رقيقة، ثم كتمت فمها بيديها سريعاً حتى لا تسمعها سارة، ثم استكملت حديثها هامسة:

- بس أنا مش عارفه يا عماد أتعامل معها ازاي، أنا متواترة جدًا.

- بصي يا حبيبي انسى إنك جوة جسي أو جوة جسم راجل عموماً. تعامل معها بروحك كأنها واحدة صاحبتك، وفي الوقت المناسب تاخدي القرص تاني.

- أوي يا حبيبي، المهم أنت طمني عامل إيه مع ماما وسعيد.

- مامتك طول الوقت عمالة تندب على حضلي ومعيشاني في نك وركبة فظيعة، أما سعيد مش قادر أقولك الكابوس اللي أنا عايش فيه بسببه.

- معلش يا عماد استحمل يا حبيبي عشان خاطري. أنا لازم أغلق دلوقتي عشان سارة ماتاخدش بالها.

- أوي يا حبيبي مع السلامة.

أغلق عماد التليفون. كان ينظر إلى الحائط المواجه له في سعادة من هذه المكالمة، فهو من فترة كبيرة، وبالأدق منذ انتقاله إلى الحياة الجديدة هذه وهو لم يسمع صوت غادة. ظلّ مبتسمًا بعد أن أنهى المكالمة حتى..

تأمل ظلّ الوحش الرايبض أمامه على الحائط يشير إلى شخص يقف خلف عماد. التفت خلفه ليعرف من هذا.. حتى كانت الصدمة!

خرجت شرارة حارقة من عين هذا الشخص تنذر بكارثة مستحدثة الآن..

- بتكلمي مين على الصبح يابت؟

سأله سعيد شقيق غادة بصوت أخش مرعب.

- بكلم واحدة صاحبتي.

أجابه وهو واثق تماماً أن سعيد لو أخذ منه التليفون سيجد اسم فتاة بالفعل، فقد سبق وحفظ رقمها على هاتفه باسم فتاة من صديقاتها تحسباً لهذا الموقف.. كما سبق أيضاً أن تبادلا هواتفهما المحمولة قبل الطلاق بساعات قليلة حتى يكون الأمر أكثر منطقية.

وبالفعل خطف سعيد التليفون من يد عماد دون حتى استئذان.. وما إن نظر إلى المكالمات الواردة وأخر اسم تم استقباله حتى ارتخت عضلات وجهه إلى حدٍ ما.. ولكن!

لحظات ورنَّ الهاتف مرّة أخرى ودق معه قلب عماد هلقاً ورعباً، فهو يعلم طبيعة غادة.. فهي دائمًا لابد أن تتنذّر "شيئاً ما" بعد أن تغلق الخط معه وتعاود الاتصال به مرّة أخرى.. ماذا لورد سعيد ووجد الصوت المقابل صوت ذكر؟ ماذا لوميَّ الصوت وعلم أنه لطريق شقيقته؟

كان القلق يفضح نفسه على وجه عmad، لذلك أصرّ سعيد أن يرد على المكالمة.

ضغط سعيد على الزر الأخضر بالهاتف وانتظر ثواني ليسمع الصوت المقابل:

- ألو.. كان الصوت المقابل أنثويًا ناعمًا جدًا.

- أية مين معايا؟

- مش ده رقم غادة؟

- أية.

- طب أنا مروة صاحبها.. هو حضرتك مين؟

لم يجدها، وأعطى التليفون لعماد لكي يردد..

سعيد إنسان فظٌّ، كان غليظ القلب مع الناس عمومًا، ومع أخواته البنات خصوصًا. فمنذ أن توفي والده وهو صغير.. ووالدته تعده لأن يكون رجل البيت خصوصًا أنه الابن الذكر الوحيد الذي أنجيَّته على ثلاث بنات. فتعودت منذ صغره أن يتدخل في كل كبيرة وصغيرة في حياة شقيقاته وكان ذلك يُقابل بترحيب شديد من والدته، فهي دائمًا كانت تؤمن بالمثل الشعبي الذي يقول (اكسر للبنت ضلع يطلع لها أربعة وعشرين).

التقط عmad التليفون من سعيد بيد مرتعشة، وعندما قرأ الاسم رد بتلائية مصطنعة وكأنه يعرف المتصلة معرفة شخصية:

- ألو.. أية يا مروة ازيك؟

- ازيك يا غادة، إيه يابنتي اللي أنا سمعته ده، انتي فعلًا اتطلاقتي؟

نظر إلى سعيد وأجاب بصوٌت منخفض: أية .

شعرت مروة بتوتر الأجواء وتفهمت الوضع، فرددت سريعاً لتنهي المكالمة:

- طيب أنا جاية لك النهارده ياحبيبي وقلبي عندك ياغادة.

كان صوت مروة مليئاً بالأسى والمشاعر الصادقة.

أغلق التليفون وقال لسعيد:

- مروة جاية النهارده.

أجايه سعيد ببرود شدید:

- ليه؟

- عشان موضوع الطلاق ده ياسعيد أكيد جاية تواسيني.

- بقولك إيه أنا مش عايزة كلام كتير في الموضوع ده، من وقت موضوع طلاقك ده وأنا بتكتسف أقابل أصحابي، بسبب إن أخي مطلقة وسيادتك عايزه تقابلي صحباتك وتعيشي حياتك ولا لأنك جبتلنا العار.

- عار؟ ليه ياسعيد بتقول كده؟

- كمان مش عارفة ياهانم؟ ليه مش فاهمة لقب مطلقة ده معناه إيه؟
بقولك إيه لحد لما أشوفلك راجل تتجوزيه ويلمك مش عايزة لا خروج ولا كلام كتير في التليفون. عايزين الناس تنسي الموضوع ده شوية.

رنَّت كلمة راجل تتجوزيه في أذن عماد، فسرت ببرودة شديدة في أنحاء جسده رغم حرارة الجو، وشعر بدوار يحتاج رأسه وغماممة مفاجئة على عينيه

أفقدته الرؤية لثوانٍ، ولكنه رغم ذلك تمالك نفسه سريعاً وردّ قائلاً في تعجب واضح:

- راجل أتجوزه ازاي يا سعيد؟

أصدر صوتاً قبيحاً من أنفه وقال:

- أومال انتي متخيلاة إني هقبل الوضع ده كتير؟ لازم طبعاً تتجوزي بعد ماتخلّصي فترة العدة بتاعتكم.

انتفض عماد من الصوت الفج الذي أصدره وتخيل لو كانت غادة مكانه وسمعته، فلعن عائلة سعيد بأكملها في نفسه، ودعى الله أن يأخذ سعيد أخذ عزيز مقتدر.

كان عماد يعلم طباع سعيد الصارمة، ولكن لم يحسب لهذا الموضوع أي حساب أبداً.. لا هو ولا غادة.. كل ما فعلته غادة أنها نهت عماد لطبعاع سعيد وألا يجادله كثيراً وألا يرفع صوته على صوت سعيد. كما أخبرته أيضاً أن سعيد لا يتفهم معها أو مع أخواتها البنات إلا بيده فأخبرته أن يتتجنب الحديث معه طويلاً.

صمت عماد تماماً.. صمت لسانه، ولكن لم يصمّت عقله عن التفكير. لم ينبع بكلمة حتى يفكر كيف سيخرج من هذه الورطة.

خرج سعيد بعد القنبلة التي فجرها في وجه عماد غير منظر لأي ردّ، وكأنه أصدر فرماناً غير قابل للنقاش بزواج أخيه بعد قضاء عدتها.

جلس عماد على سرير غادة يتخيل كيف كانت غادة تتعامل مع سعيد هذا؟ كيف كانت تحمله أو تطفيقه؟ بل تذكّر أيضاً أنها قبل الطلاق تعمدت الشجار مع سعيد باليد، وكانت تقوم بكلمه على وجهه بغلٍ فتخيل وقتها أنها ربما أرادت

تقمص الشخصية ببراعة حتى لا يشك أحد بالموضوع، ولكنه الآن فهم أن غادة كانت تنفث عن غيظ مكظوم بداخلها من سنين طويلة تجاه سعيد، فتعاطف معها داخلياً، بل وَّأن يكون داخل جسده الحقيقي الآن حتى يصفعه صفعه قوية على وجهه ويوسعه ضرباً.

حاول أن يطرد هذه الأفكار السلبية ولو مؤقتاً من رأسه وخرج من غرفته لينجز مهامه المنزلية قبل أن تأتي مروءة صديقة غادة، فزيارة مروءة لم تكن في الحسبان. واضح أن هناك أشياء كثيرة لم تكن في الحسبان.

أما عن إنجاز الأعمال المنزلية الشاقة التي يقوم بها، فقد كانت بأمر من سعيد، ربما كان نوع من العقاب على العار الذي ألحقت به، وربما كانها فرصة ليريح والدته المسنة.

خرج عماد من الغرفة ليجد والدة غادة كعادتهمنذ أن انتقل هنا، تجلس على كرسى في صالة الشقة تُتمم بكلمات حزينة غير مفهومة وكأنها تندب. أخذ نفساً عميقاً فيها هو مسلسل النكدي اليومي قد حان وقت إذاعته، وما إن لمحته والدة غادة وهو يمر من أمامها حتى تعمدت رفع صوتها ليكون مسموعاً. "مالكيش حظ في بناتك يا زينب، ياريتكم مخالفتي بنات بدل العارالي انتي فيه ده يازينب"

- ليه بس؟ عاراييه؟

ردد عماد بعد أيام من الصمت على هذا النكدي اليومي الذي يستيقظ وينام عليه بل ويتحمله مجرراً.

- ما هو ده اللي انتي فالحة فيه، الرد وقلة الأدب، آه تلاقي جوزك طلقك عشان كدة.. له حق.

قالتها وكأنها تتعمد أن تؤلمها نفسياً.

هي لم تقصد داخلياً أن تؤلمها، ولكنها كانت تقصد أن تؤلمها كي لا تتردد كثيراً إذا فكر عماد أن يردها إليه وبذلك تتخلص هي من مسؤوليتها؛ فهي لم تكن من المحبات للبنات أبداً، وكانت تفضل إنجاب الذكور، ولكن لم يوعدها الله إلا بذكري واحدي بعد إنجامها البنات فقد كان أصغرهم، فظلت تزوج الواحدة تلو الأخرى سريعاً حتى تتخلص من مسؤوليتهم.

- هو أنا رديت عليكي إلا النهارده؟ ما أنا كل يوم بسمع كلامك اللي يوجع ده
ومش بردّ.

أجاهها عماد دون أن يذكر الكلمة ماما إطلاقاً. لم يستطع أن ينطقها منذ أن انتقل للعيش معهم إلا نادراً. أو عندما يضطر لذلك.. فوقتها يقولها على مضض. بالرغم من أنه لم يشعر يوماً بكره تجاه والدة غادة إلا أنه ومنذ انتقاله إلى العيش معهم رأها شخصية مختلفة تماماً عن ذي قبل.

أما عن المقارنة بين والدته ووالدة غادة؛ فهي كالمقارنة بين برج إيفيل بباريس وبرج سكني في شبرا. وبالرغم من شدة والدة غادة وقسوة وغباء شقيقها سعيد، إلا أن غادة لم ترث أبداً منهم هذه الطباع؛ فقد كانت طيبة مثل أبيها وتتحمل فوق طاقتها كل المشاكل التي تُقابلها. هي بالفعل كانت سيدة الظن دائمًا، ولكن صاحبة قلب نقى، حتى حماتها في بالرغم من كرهها الشديد لها في بادئ الأمر إلا أنها لم تجعل أي ضيق بداخلها يتتحول إلى مشكلة كبيرة.. حتى آخر مشكلة حدثت بينها وبين عماد قبل الحادث، كانت مجرد مشادة كلامية ولو أن الأرواح لم تبدل لكانـت في الصباح هي أول من يبادر بالصلح كالعادة.

- مش عايزـة كلام كـثير أحسن والله أندـهـلك سعيد يـربـيـكي.

قالـتـها أمـ غـادـةـ بلـهـجـةـ تـهـدىـدـ صـرـيـحةـ .

قبل أن يأخذ عماد أى موقف عدواني أو عدائى، تذكّر سريعاً المشاكل التي قد يجلبها لنفسه وهو في غنى عنها تماماً، وخصوصاً أنه تحت رحمتها الآن. فكّر للحظات أن يقول الحقيقة وأنه عماد وليس غادة ول يحدث ما يحدث، ولكنه رأى نفسه داخل البالطو الأبيض في المصحة النفسية ومريض بجواره يخرج له لسانه، فتراجع عن قراره، قائلاً على مضض وهو يجزّ على أسنانه:

- حاضر.

قالها بقهير شديد.. قهر من نوع جديد لأول مرة يشعر به.
ودخل المطبخ ليجهز الإفطار قبل أن تبدأ شعائر صلاة الجمعة.

وذّت غادة لو تظلّ داخل الحمّام ولا تخرج أبداً بعد أن أنهت مكالمتها مع عماد، ظلّت فترة طويلة بالداخل لدرجة تجعل القلق يدب في قلب من يجلس بالخارج وخصوصاً لو كان من الخارج ينتظر خروجها بفارغ الصبر، وبالفعل هذا كان حال من بالخارج.

"عماد"

همست بها سارة وهي تدق على باب الحمّام برقة ونعومة.
ردّت غادة وهي مرتبكة:
- أية، أنا خارج أهو.

فتحت غادة باب الحمّام وخرجت منه بعد أن رسمت جاهدة على وجهها ابتسامة مصطنعة حتى لا تشعر سارة بارتياحها، وعندما لاحظت الخجل على وجه سارة انهزت فرصة هذا الضعف وقالت بصوتٍ عالٍ: فين الفطار؟

قالت سارة سريعاً وبأدب جم: الفطار على السرير أنت اللي قمت عشان
تدخل الحمام.

شعرت غادة من داخلها بقوة غريبة.. قوة لأول مرة تشعر بها. فابتسمت ابتسامة رضا وسعادة وربت على ظهر سارة واتجهت إلى الغرفة لتناول الإفطار محدثة نفسها داخلياً: ياااااه يا غادة بيتعملك الفطار، وكمان بيتحط على السرير.. ده انتي افتح لك باب الجنة.

بالرغم من أن عماد كان طوال الفترة السابقة هو من يُعد الطعام، إلا أن غادة كانت تشعر أن ذلك كان بمقابل بعد أن قايضته أن يقوم ب أعمالها مقابل أن تذهب هي إلى عمله، أما الآن فهي تشعر بإحساس مختلف.

انتهى عماد من إعداد الفطور ووضعه على المنضدة، ولم يستطع نفسياً أن يجلس معهما ليتناول فطوره؛ وبعد حديثه السابق الصادم مع سعيد، ثم وبلا هدنة أو رحمة حديثه مع والدة غادة، كان كفيلاً بأن يبني بيوم أسود ليس له ملامح.

تركهما يتناولان فطورهما ودخل المطبخ لينظف الخضار التي سيعدّها على الغداء وقد شعر بشعورٍ غريب.. قهر مصاحب لغصة في القلب بنكهة الذل.

هذا الإحساس الغريب الذي شعر به جعله يفكّر لأول مرة في حال غادة وكيف تحملت هذه المسكينة كل هذا الشقاء وحدها.. كيف استطاعت أن تعيش عشرين سنة من القهر والذل في هذا البيت دون أن تنطق؟ دون أن تعترض؟ دون أن تصاب بمرضٍ نفسيٍّ مثلًا؟ كيف تأقلمت مع فكرة أن يكون لها أحٌّ مثل سعيد؟

لو كان يعلم أن هذا ما كانت تعانيه قبل الزواج لكان عجل من الزواج بها، بل كان عوضها كثيراً عن هذه الأيام اللعينة التي عاشتها وتحملتها معهم كالأبطال، ولكنه لم يفعل ذلك بل كان أداة ضغط على أعضائها.. خصوصاً في مشكلة عدم إنجابهما والذي لا ذنب لها فيه البتة. تذكر بعض الأشياء التي كان يفعلها معها، وود لو يصف نفسه الآن عقاباً على مافعله بها قائلاً لنفسه بضيقٍ شديدٍ: يا أخي هي كانت ناقصاك أنت كمان عشان تعمل فيها كده.

بعد أن انتهت سارة وغادة من تناول الإفطار، اتجهت سارة إلى الدولاب بحركة رشيقة وأخرجت جلباباً ناصعاً البياض معلقاً على شماعة ورفعته أمام غادة تعرضاً كبائعة محترفة في محل وهي مبتسمة، فقالت غادة بتلقائية:

- إيه ده؟

أجابتها سارة بحماسٍ:

- دي هدية اشتريتالك وقلت لازم أول صلاة جمعة تصليها بعد جوازنا تنزل وأنت لابس الجلبيبة دي.

ردّت غادة باستغراب مصاحب لعلامات بلاهة ظهرت على وجهها بوضوح:

- أنزل أصلِي الجمعة فين؟

ردّت سارة بحدة:

- إيه هو أنا قلت حاجة غريبة؟ هو أنت مش هتنزل تصلي الجمعة ولا إيه؟

كان صوتها يُنذر بغضٍّ جارف وتنبيه بأن هذه الأمور لا مزاح فيها. فسارة كانت إنسانة متدينة وملتزمة تفخر وتمدح دائماً في الرجل الذي يؤدي كل صلواته في المسجد.

بلغت غادة ريقها بصعوبة وقالت:

- أية طبعاً هنzel أصلي.

- طب بلا قوم البس عشان ماتتأخرش على الصلاة.

قالتها سارة برقه ونعمومة.

خرج عماد من المطبخ لينظر في المنزل وهو متقمص لشخصية الفنانة شادية في فيلم (نحن لا نزرع الشوك) وخصوصاً بعد سحابة النكد التي غيمت على المنزل، لم يراوده شعور في هذه اللحظة إلا أن يُشعّل سيجارة ويتناول كوبًا من الشاي بجانبها.

كان مرتدياً "ترنج" قد شمر جليه حتى الركبة وعقد شعره الطويل لأعلى، فقد كان يزعجه كثيراً بطوله وكثافته، بل لقد شعر أخيراً بفجادة عندما كانت تترجمه أن تقصبه ويرفض هو بكل إصرار. ثم تتمم هامساً: فعلًا اللي إيده في المياه مش زي اللي إيده في النار.

دخل غرفة سعيد لينظرها جيداً، محاولاً أن ينال رضاه ليتجنب غضبه قدر المستطاع. وهو يرتدي الغرفة، لمح علبة السجائر الخاصة بسعيد على مكتبه فالتفت يميناً ويساراً كاللصوص قبل أن يسحب سيجارة من العلبة. لم يعلم كيف وأين سيشربها، ولكنه لم يشعر بنفسه إلا وهو يضعها سريعاً في جيب الترنج الذي كان يرتديه.

ارتدت غادة الجلباب الأبيض وخرجت من باب الشقة بعد أن ودعها سارة بابتسامة حانية. كانت تصاحك على نفسها وهي تسير في الشارع بهذا الجلباب الأبيض. دخلت المسجد وجلست وسط الرجال.. صعد الشيخ إلى المنبر وبدأ في القاء خطبته، ولكنها لم تكن منتهية جيّداً لما ي قوله؛ فكل ما كان مهمها أن تشاهد الرجال وما يفعلونه في صلاة الجمعة، فهي المرأة الأولى التي تصلي فيها الجمعة داخل مسجد الرجال. ظلت تجول بنظرها داخل المسجد في فضول شديد.. تتبع هذا وتتابع ذاك حتى!..

وَقَعَ نَظَرُهَا عَلَى شَيْءٍ غَرِيبٍ فَاتَسَعَتْ حَدْقَتَا عَيْنِيهَا عَنْ آخِرِهِمَا وَتَسْمَرَتْ مَكَانًا وَهِيَ لَا تَصِدِّقُ مَا تَرَاهُ أَمَامَهَا.

فركت عينيها جيّداً، وما إن بدأت في التدقيق والتحديق مجدداً حتى تأكدت مما رأته: فالشاب الذي كانت تنظر إليه شعرأن أمره قد كُشف لا محالة فبدت على وجهه علامات الارتباط وحاول أن يتصنع النظر إلى مكان آخر في لامبالاة، ولكنه فشل في ذلك تماماً فكل دقيقة ينظر إلى غادة داعيَ الله أن يكون قد نسي الأمر وانشغل بأمر آخر، يجد غادة مازالت تبحلق فيه وفي الشيء الذي في يديه، فقام بحركات غريبة في الخفاء ثم شدَّ كُم التي شيرت على الشيء وخبأه تحت الكُم وأمسك أطرافه بيده جيّداً حتى اختفى الشيء تماماً. وما إن فعل ذلك حتى تأكدت غادة من شكوكها نحوه، وأن ما رأته كان صحيحاً ولم يمنعها عنه إلا صوت الإمام وهو يقيم الصلاة استعداداً لها.

ساووا صفوفكم، فإن تسوية الصفوف من تمام الصلاة.. صلوا صلاة مودع.. استووا ولا تختلفوا فتختلف قلوبكم.

اصطف المصلون خلف الإمام ليبدأوا في الصلاة بعد كلماته، إلا أن غادة لم تُكُن في حالة جيدة في هذا المكان الذي تقف فيه؛ فاخترقت الصفوف لتقترب من هذا الشاب أكثر، وبالفعل استطاعت أن تختلس مكاناً قريباً منه إلى حدٍ ما.

وبدأ الإمام الصلاة وهي في حالة تشتت وعدم تركيز بسبب ما رأته.. كل ما كان يشغل تفكيرها في هذه اللحظة أن يبني الإمام الصلاة سريعاً لتدبر إلى هذا الشاب وتقبض عليه متلبساً أمام الناس.

بينما كان سعيد في المسجد ليؤدي صلاة الجمعة وكانت تقرباً الصلاة الビتية التي يؤديها على ممض طوال أيام الأسبوع، وبعد محاولات عديدة من والدته، دخلت أم سعيد لتأخذ قيلولتها اليومية في هذا الوقت الدائم لها، فمن الواضح أنها قد أرهقت من دور الشريدة الذي تقمصته بنجاح باهر منذ الصباح الباكر حتى أرادت أن تأخذ هدنة ولو قليلاً قبل أن تستكمل باقي مشاهد وصلات النكد على مدار اليوم..

وهنا فقط..!

بدأ عماد يفجّر سريعاً في مكان يستمتع فيه بالغنية التي حصل عليها من غرفة سعيد، فربما هي الشيء الوحيد الجميل الذي حصل عليه منه.. دخل غرفة غادة بعد أن أغلق الباب بإحكام، دخل البلكونة وأسدل ستارتها بحيث لا يستطيع أحد من الجيران رؤيتها وجلس على الأرضية. لحظات وكانت يده تسحب في أعماق جيبه تبحث عن حبيبته الغائبة منذ أيام؛ فمنذ أن انتقل للعيش هنا وهو لا يستطيع التدخين إطلاقاً، كل مكان يستطيع فعله أن يحضر بكونه من الشاي ويقدمه لسعيد وهو يقترب منه أكثر حتى ينال قسطاً وفيراً من الدخان الخارج من فمه، ولكن سعيد كان سرعان ما يأمره بالخروج من الغرفة بعد أن يضع الصينية. ثوانٍ وعثرت يده على السيجارة فأخرجها وأخرج معها الكبريت الذي أحضره من المطبخ وهو في طريقه إلى الغرفة، ثم طبع عليها قبلة رومانسية، هاماً لها بحديث العاشقين.. وبحبك وحشتي.. بحبك وانتي نور عيبي.

أشعل السيجارة وأخذ منها نفساً عميقاً ثم أسترد رأسه إلى الحائط. بدأ التبغ يتسلل إلى رئتيه فدغدغ أحاسيسه بعد أن شعر بدوّار خفيف وتدخّير سري في كل أنحاء جسده بسبب خلوه من النيكوتين طوال الفترة السابقة.. فكان هذا الإحساس بالنسبة له هو الأروع على الإطلاق؛ فالرغم من أن غادة كان جسدها خاليًا تماماً من النيكوتين إلا أن عmad عندما امتلك جسدها وجعله يعتاد عليه بالإكراد.. فأصبح كأي مدخن يتعطش دائمًا للنيكوتين.. ثم وفجأة بعد أن انتقل إلى منزل أهلهما توقف ثانيةً عن التدخين فخلا جسدها منه.. ظلَّ يأخذ نفساً تلو الآخر قبل أن يعود سعيد من الصلاة وهو في حالة نشوة عارمة مع حبيبته.

بمجرد أن قام الإمام بالتسليم يميناً ويساراً بعد التشهُّد وفعل مثله المصلون خلفه، وجّهت غادة نظرها سريعاً إلى مكان الشاب لتفاجأ باختفائه من مكانه. جنَّ جنونها فنهضت وركضت بسرعة البرق لتبث عنده بين الرجال.

خرج سعيد من المسجد واتجه إلى المقهى الذي اعتاد أن يجلس به ليشرب حجر معسل قبل أن يصعد إلى البيت؛ فالبرغم من اعتياده على شرب التبغ بجانب المعسل إلا أنه منذ طلاق غادة لم يذهب للجلوس مع أصدقائه على المقهى كما اعتاد في كل جمعة حتى لا يفتح معه أحد موضوع الطلاق، ولكن اليوم شعر أنه لابد أن يذهب إلى هناك، فإلى متى سيظل يهرب من أعين الناس ومن همساتهم الجانبية. وصل إلى المقهى وطلب كوبًا من الشاي وحجر معسل.

بعد أن انتهى عmad من السجارة شعر براحة كبيرة، وبالرغم من أنه لم يشعر بالاكتفاء الكامل منها إلا أنه حدث نفسه داخلياً: واحدة أحسن من ما فيش ياعماد. بل سرعان ما حمد الله أنه لم يتهور وينهض إلى غرفة سعيد ليسحب سجارة أخرى من العلبة، فقد سمع والدة غادة تدعى بـ في أشياء بالصالحة بعد أن استيقظت مبكراً من قيلولةها.

قام سريعاً ودقائق قلبها أوشك على التوقف من شدة الخوف، فتح ستارة الـblakona وهرول نحو دولاب غادة يبحث عن زجاجة عطر ليخفى بها معالم جريمته. ظل يزحف الهواء بكلتا يديه خارج الغرفة باتجاه الـblakona، وكاد أن يستحم بزجاجة العطر حتى لا يشم رائحته أحد.

لم يشعر أبداً أن تدخين السجارة وسط الناس وأمام الجميع متعة لم يكن يعلمها إلا الآن، خصوصاً وهو يرتجف خوفاً وكأنه سيقبض عليه وهو يضاجع السجارة وليس وهو يشربها فحسب.

دخل سعيد إلى المنزل بعد أن انتهى من شرب حجر المعسل على المقهى. اتجه إلى غرفة غادة مباشرة ليطمئن ماذا تفعل.

- بتعمل إيه؟

- ولا حاجة.

- إيه الريحة دي؟

- رحة إيه يا سعيد؟

سأله عmad بعد أن ارتعشت مفاصله.

- في رحة بردان تقيلةاوي.

تنفس عماد الصعداء وأراد أن يخرّ على الأرض ساجداً ليشكّر الله على تخلصه، فأجابه:

- أية أنا رشيت برفان من شوية وكنت بلمع بيه الموبليا عشان الشقة تبقى ريحها حلوة.

نظر إليه باشمئاز وخرج بعد أن يُوقظه عندما ينتهي من تحضير الغداء.

فشلت غادة في العثور على الشاب بين الرجال وكان الشاب استقل صاروخاً وصعد إلى المريخ بعد انتهاءه من صلاة الجمعة. شعرت بضيق شديد، وقررت أن تسير قليلاً في الشوارع لتنتنق الهواء، فهي لا تريد أن تعود إلى المنزل الآن خوفاً من الجو الروماني الذي قد تخلقه سارة.

ظلت تسير بعيداً عن مكان المسجد حتى مرت بجوار مقهى صغير، نظرت إلى داخلها بالصدفة، وما إن لمحت من يجلس بداخلها حتى ارتسمت على وجهها ابتسامة عريضة، فواضح أن الصاروخ صعد إلى المريخ وحده دون الشاب، فقد كان يجلس على كرسي بعيداً بداخل المقهى يقرأ الجريدة ولم ينتبه إلى أن غادة تقف خارج المقهى تنظر إليه.

وفي هذا الوقت شعرت سارة بأن عماد قد تأخر كثيراً فطلبته على الهاتف لطمئن عليه.

- ألو...

- أية يا سارة.

قالَهَا غَادَةٌ وَهِيَ تَتَأْفَفُ سَرًا.

- إِيَّهُ يَا عَمَادَ أَنْتَ اتَّاخَرْتَ لِيَهُ؟ أَنَا قَلَقْتُ عَلَيْكَ.

كَانَتْ غَادَةٌ تَخْشِي مِنْ ضِيَاعِ هَذَا الشَّابِ مَرَّةً أُخْرَى عَنْ نَاظِرِهِ فَرَدَتْ كاذبة
عَلَى سَارَةٍ: أَنَا جَائِي فِي الطَّرِيقِ أَهُوَ.

أَغْلَقْتُ الْخَطَّ وَهِيَ تَوَارِي نَفْسَهَا عَنِ الشَّابِ حَتَّى لَا يَرَاهَا فَمُهْبِرٌ مِنْهَا مَرَّةً
أُخْرَى.

تَرَدَّدَتْ فِي الدُّخُولِ إِلَى الْمَقْرَبِ، وَلَكِنَّهَا سَرَعَانَ مَا انتَهَتْ أَنْهَا رَجُلٌ بْلَ وَسِيدٌ
الرَّجُلُ أَيْضًا الْآنَ، فَدَخَلَتْ وَافِقةً كَالْطَّاوُوسِ وَلَكِنَّ عَلَى أَطْرَافِ أَصَابِعِهَا، ثُمَّ..!

جَلَسَتْ بِشَكْلِ مُفَاجَئٍ عَلَى الْكَرْسِيِّ الْمُوجُودِ بِجَوَارِهِ الشَّابُ عَلَى نَفْسِ
الْمُنْضَدَّةِ وَهِيَ تَمْنَحُهُ ابْتِسَامَةَ الْمُنْتَصِرِ، وَكَأَنَّهَا تَخْبِرُهُ أَنَّهَا أَصْبَحَتْ أَمْرًا وَاقِعًا فِي
حَيَاتِهِ وَعَلَيْهِ أَنْ يَتَقْبِلَ ذَلِكَ.. بَلْ هِيَ الْقَدْرُ بِعِينِهِ.

الْتَّفَتَ الشَّابُ إِلَيْهَا فَاضْطَرَبَتِ مِلَامِحُ وَجْهِهِ وَزَادَتْ دَقَاتُ قَلْبِهِ وَجَفَ رِيقَهِ.
نَظَرَتْ إِلَيْهِ غَادَةٌ بِتَحْدِيدٍ، وَقَرَرَتْ دَاخِلِيًّا أَنْ تَعْرِفَ قِصَّةَ هَذَا الشَّابِ كَامِلَةً،
فَالْفَضُولُ عِنْدَ غَادَةٍ لَا يَقُلُّ أَهْمَيَّةً عَنِ الْمَاءِ وَالْهَوَاءِ وَمِنْ رَابِعِ الْمُسْتَحِيلَاتِ أَنْ
تَجِدْ شَيْئًا مُثِيرًا كَهَذَا وَتَرْكُهُ دُونَ أَنْ تَعْرِفَ قِصَّتَهُ، فَلَوْ طُلِبَ مِنْهَا أَنْ تَنْظِفَ
أَرْضِيَّ الشَّارِعِ بِفَرْشَاهَةِ أَسْنَانِ أَهْوَنِهَا مِنْ أَنْ تَمْنَعَ مِنْ هَذِهِ الْعَادَةِ.

حَكَّتْ غَادَةٌ فِي رَأْسِهَا الَّذِي بَدَأَ يُنْبِتُ بِالشِّعْرِ بَعْدَ أَنْ تَرَكَتْهُ دُونَ حَلَاقَةٍ
مُخَالَفَةً بِذَلِكَ مَا كَانَ يَفْعُلُهُ عَمَادٌ بِشِعْرِهِ قَاتِلَةً: أَنْتَ مَنْ بَقَى؟

حَاوَلَ الشَّابُ أَنْ يَكُونَ طَبِيعِيًّا، وَلَكِنَّ وَاضِعَ جَدًّا أَنَّهُ لَا يَجِيدُ فَنَ التَّمَثِيلِ،
فَرَدَّ بِصُوتٍ مُتَقْطَعٍ:

- حَضَر.. حَضَرَتِ.. إِحْمَ إِحْم.. حَضَرْتَكَ تَعْرِفُنِي؟

- لا مش عارفك وعايز أتعرف.

قالتها غادة بسماجة غريبة

- آسف أنا مش فاضي دلوقت.

وقبل أن يهم الشاب بال الوقوف ليغادر المكان، قبضت غادة على ذراعه وأمرته أن يجلس قبل أن تفضحه أمام الناس.

شعر الشاب بثقة هذا الرجل الذي يهدده علينا فجلس في هدوء.

- أهو كده بقى نقدر نتفاهم.. وريني اللي في إيدك بقى.

- لأن..

أجاها الشاب قبل أن تستكمل جملتها.

- بص بقى لو ماشْفتش اللي في إيدك حالاً هقوم أجمع الرجالـةـ الحلـوـينـ دولـ اللي في القهوة، وهلبـسـكـ مصـبـيـبةـ وأـنـتـ قـاعـدـ،ـ هـاـ..ـ تـحـبـ إـيهـ؟ـ

بدأ الشاب في حالة الانهيار، فأخرج يده التي كان يخفها داخل جيب البنطلون وكأنه يعلن استسلامه لهذا الرجل الجالس أمامه. مدّ يده إلى غادة بالشيء الذي رأته في المسجد وحاول أن يشرح الموضوع بكلمات مُهمة ومُقطعة لم تسمع منها غادة أي شيء.

اقربت غادة من الشاب ونظرت إليه كثيراً وهي في حالة حيرة شديدة، وأنثاء

نظرها قال الشاب:

- أنت إيه اللي جابك هنا؟

ضحكـتـ غـادـةـ ضـحـكـةـ اـسـتـهـزـاءـ وـأـجـابـتـهـ بـثـقـةـ:



- مين فينا اللي يسأل الثاني السؤال ده؟

وقف أمامهما صبي المقهى قائلًا: تشربوا إيه يا هوات؟

أخبرته غادة بأن يحضر واحد شاي، وواحد عصير ثم استدارت للشاب مرأة أخرى قائلة له:

- احكيلي بقى الحكاية من طقطق لسلام عليكم.

ردَّ عليها الشاب بنبرة يائسة بعد أن شعرَ أن لا مفرَّ:

- طب حضرتك توعدني إن الكلام اللي هقوله بيقى سر.

أجابته غادة سريعاً:

- أية طبعاً هيفضل سر.

قال الشاب بتوصُّل:

. - احلف.

- طب والله ما هقول لحد.

بعد أن شعر الشاب بصدق غادة، بدأ في سرد قصته بهدوء محاولاً إقناعها، فهو كان على يقين بأن هذا الرجل المتطفِّل الرابض أمامه لن يصدقه، بل وقد يطلب له مستشفى المجانيين.. أما غادة فكانت في حالة اندهاش وذهول في آنٍ واحد مما تسمعه.

كان الشاب يروي وغادة لا ترفع عينيها من على معصميه الذي دُق فيه صليب كبير.

سألته وكأنها وكيل نيابة يستجوب متهمًا:

- يعني أنت فعلًا كنت قاصد تخبي الصليب، وتعتمدت تهرب مفي لما أخذت بالك إني شفته.. صح؟

قالَهَا مُتَمِّمًا بِصَوْتٍ يُسْمَعُ بِالْكَادِ.

- طيب وطالما أنت أسلمت ليه ماشلتش الصليب بمياه نارزي مابيحصل مع اللي بيشهروا إسلامهم؟
 - أجابها بثقة متناهية:
 - أنا ما أسلمتش.

اندھشت غادہ من رده قائلہ:

جَاءَهُمْ مُّنْذِرٌ فَلَمْ يُؤْمِنُوا فَأَنذَرْنَاكَ أَنْذِرْنَاكَ مُّنْذِرٌ

أخذت نفساً عميقاً واعتدلت في جلساتها ثم قالت وهي تحاول أن تتمالك أعصابها:

- يعني أنت مش مسلم وكنت بتصلي صلاة الجمعة في الجامع، ومش مسيحي
ودافق صليب على إيدك.. بقولك إيه أنت تحكيلي حكايتك إيه بالتفصيل
أحسس لك.

قبل أن يبدأ في سرد قصته قاطع صبي المقهى حديثهما قائلاً: وعندك واحد شاي واحد عصير.. فين الشاي وفين العصير يا أستاذ؟

- عندي هنا العصير والشاي عند الأستاذ.

أجابت الصبي سريعاً حتى يغرب عن وجهها.

توجهت بنظرها إلى فريستها الرابضة بجوارها قائلة:

- اسم الأستاذ إيه بقى؟ أنا ما اشرفتش لحد دلوقت.

ارتبك الشاب وتجلجلت كلماته وصمتت بعد أن ارتسمت علامات الحزن والحيرة على وجهه.

بدأت غادة تشعر أن هناك حكاية طويلة وراء هذا الشاب غريب الأطوار فحاولت بخبراتها الأنثوية أن تطمئنه وتجعله يفتح قلبه أكثر. وبالفعل شعر الشاب بشيء من الطمأنينة والراحة تجاه هذا الرجلجالس أمامه فقال:

- أنا هحكيلك الحكاية كلها وأمرني لله، بس أرجوك الكلام ده يفضل سرينا لحد ما نشوف هنعمل إيه.

ظلّ سعيد يتقلب على الفراش كسمكة فوق نار حارقة، تتكالب الأفكار على رأسه ويسترجع شريط الفيديو الخاص بالمعركة التي حدثت بينه وبين عماد طليق شقيقته في ذاكرته..

(- أنا مش فاهم أنت عايزة تطلقيها ليه؟ هي عملت حاجة غلط؟ قالها سعيد مرتبكاً وكأنه يخشى أن يخبره عماد أن شقيقته قد فعلت ما يلحق به العار.
- لا ماعملتش حاجة، بس بنتكم دي معقدة نفسياً.

أجابت غادة وهي تنظر في عين سعيد مباشرة لأول مرّة، وكان الفرصة جاءتهاأخيراً لتخبر شقيقها بهذا السر منذ زمن.

- معقدة ازاي يعني؟ بتشد في شعروها مثلًا؟

- هي دي فكرتك عن العقد النفسية؟

- أومال بتعمل إيه مش فاهم؟

- واضح إنها كانت بتتعامل أسوأ معاملة منكم وجایة تطلعه علىَ.

- ليه؟ كانت بتاكل أحسن أكل وبتلبس أحسن لبس.

رددت عليه غادة بضحكه غاضبة:

- هي دي كل فكرتكم عن التربية؟ أنت عمرك قعدت اتكلمت معاه؟ عمرك سمعتها أو عرفت إيه بيضايقها؟ كانت غادة تتكلم بأسي وألم شديدين حتى إنها أوشكت على فضح شخصيتها الحقيقة أمام شقيقها دون قصد.

- هي اشتكت لك من حاجة؟

كان سعيد متحفظ وهو يسمع إجابة هذا السؤال من عماد.

- مش لازم تشتكى، في حاجات بتتحسن.. للناس اللي بتحس بس.

- أنت هتقل أدبك ليه يا عماد.. تقصد إني مش بحس ولا إيه؟

- أية مش بتحس ولا عمرك هتحس لا بيهما ولا باخواتها، أنت ربنا مش هيسييك أبداً على اللي أنت عملته فيهم.

قالت غادة هذه الجملة بصوتٍ عالي، وكأنها تعمد أن يعلو صوتها فوق صوت أخيها.

- احترم نفسك يا عماد، أنا صابر عليك لحد دلوقتي عشان العيش والملح

اللي بینا.

- أنا محترم غصب عنك..

أجابته غادة بغضب شديد، بل كانت تشعر أنها أخيراً تستطيع أن تنفس عن غضبها أمام شقيقها بكل جرأة.. خصوصاً وهي داخل جسد عماد الضخم الذي ضاعف من هذا الإحساس لدتها.

- لا أنت مش محترم..

رد سعيد بهذه الجملة وهو يهم بالوقوف.

سارت غادة بالوقوف هي الأخرى بجسد عماد الذي كان أطول وأعرض من جسد سعيد بالضعف تقرباً. شعرت بقوة غريبة وهي تقف أمامه، بل أرادت لو تحطم شقيقها الذي كان سبباً في تعاستها وقهرها طوال حياتها.

وما إن وقفت غادة، حتى شعر سعيد بأن عماد يريد التشابك بالأيدي.. حاول سعيد أن يتمالك أعصابه حتى لا تنفلت منه، إلا أن غادة لم تعطِه الفرصة وتطاولت عليه باليد بلكمات أنوثية مبعثرة هنا وهناك، فما كان رد سعيد إلا التطاول باليد هو الآخر.. انتهت غادة الفرصة وأن الموضوع تحول إلى عراكٍ لا محال، وظلت تلجمه على وجهه بقبضتها بشكلٍ لا إرادي بأعصاب مرتعشة تماماً.

خرج عماد سريعاً من الغرفة على صوت شجارهما، وحاول أن يُحجز بينهما وعلامات الاندهاش واضحة على وجهه وكأنه يسأل غادة داخلياً.. ليه وصلت الأمور لكتة إحنا ما اتفقناش على كده خالص.

"في إيه يا جماعة صلوا على النبي بس"
قالها عماد بصوت غادة الأنثوي الناعم.

أجابها سعيد وهو يريد أن يصفعها على وجهها منفذاً غضبه عليه:
- انتي تخربني خالص، كل ده من تحت راسك.

ردت غادة غاضبة وهي تنظر إلى عماد مباشرة: انتي طالق يا هام وروحي بقى أقعدني مع أهلك خلهم ينفعوني.

قال سعيد لغادة بصوتٍ غاضبٍ وعالٍ: ادخلى لمي هدومنك يابت خلينا
نمثي من هنا.

اتجه عماد وهو مازال في حالة الاندهاش والحيرة إلى غرفته ليُلملم بعضاً من ملابس غادة ويرحل مع شقيقها وهو لا يعلم سبب هذا الشجار المفاجئ بالأيدي بينهما. فقد اتفق مع غادة أن يكون الشجار غير حاد، وأن يغضب هو بعدها بسبب معاملة غادة لسعيد ويرحل معه في هدوء.. أما ما حدث فكان غير متوقع بالمرة.

ظلّ سعيد يتقلب على أسلاك شائكة فوق الفراش وهو يتذكر ما حدث في هذا اليوم المشؤوم محاولاً إيجاد سبب واحد منطقي لهذه المشكلة التي اختلقها عماد من لا شيء، ولكنه لم يجد مبرراً لكل هذا الغضب الذي صدر من عماد؛ فهو لأول مرة يعامله بهذه العنف والتكريل والغل أيضاً.

بالفعل عماد وسعيد لم يكونا صديقين، ولكن على أقل تقدير كان الاحترام متصدراً لكل تعاملاتهما التي نادراً ما كانت تحدث؛ فمنذ أن تزوجت غادة وهي تحاول الهروب من مقابلتها؛ هو ووالدتها، بل لم تقم بزيارات أسرية إلا نادراً على غير عادة أي زوجة حديثة الزواج. وبالتالي كانا نادراً ما يقابلان سعيد وعماد ولو تقبلاً بالصدفة تكون المقابلة قصيرة جداً وكلها احترام ومحبة من جانب عماد ومن جانب سعيد أيضاً.. ماذا حدث إذًا؟ هذا هو السؤال الذي كان يبحث عن إجابته سعيد منذ هذا اليوم. لو كان يعلم أن غادة هي التي كانت تتشارجر معه وهي التي كانت تلكمه في وجهه، ما كان لكل هذه الحيرة أن تختل تفكيره.

قام من على سريره متوجهاً إلى المطبخ حيث يقف عماد يطهو الطعام.

"إيه؟! تبادل أرواح؟!؟"

قالتـها غادة بعينين متسعتين من الذهول.

أجاـها الشـاب بنـيرة يـملؤـها الصـدق:

- أنا عارف إنك مش هتصدقني، بس هو ده اللي حصل لو مش عايز تصدق أنت حر.

لم تكن علامات الاندهاش والذهول التي صاحبت وجه غادة، لأن رواية الشـاب من عجائب الدـنيـا السـبع.. كـيف تـندهـش لـهـا وـهـي ما زـالتـ أـسـيرـةـ هـذـهـ التجـربـةـ الغـرـيبـةـ هي وزـوـجـهـ؟

ولـكـ انـدـهـاشـهـاـ كانـ لأنـ هـنـاكـ عـلـىـ هـذـهـ الـكـرـةـ الـأـرـضـيـةـ منـ يـعـانـيـ مـثـلـهـماـ منـ تـجـربـةـ أوـ حـادـثـ تـبـادـلـ الأـرـوـاحـ هـذـاـ، بلـ يـجـلـسـ أـمـامـهـاـ صـاحـبـ التـجـربـةـ بـنـفـسـهـ بعدـ أنـ سـرـدـ لـهـاـ قـصـةـ أـنـهـ هوـ وـصـدـيقـهـ "الـأـنـتـيمـ" استـيقـظـاـ فـيـ الصـبـاحـ مـنـ شـهـورـ حتـىـ يـجـدـ كـلـ مـنـهـاـ نـفـسـهـ دـاخـلـ جـسـدـ الـآخـرـ وـفـيـ بـيـتـ الـآخـرـ أـيـضاـ.

فـمـحمدـ وـمـيـناـ أـصـدـقـاءـ مـنـذـ الطـفـولـةـ كـمـاـ هـوـ الـحـالـ بـيـنـ أـسـرـتـهـماـ، بـالـإـضـافـةـ إـلـىـ أـهـمـاـ يـقـطـنـانـ فـيـ نـفـسـ الـعـمـارـةـ. وـفـيـ فـجـرـ أـحـدـ الـأـيـامـ، استـيقـظـ مـحـمـدـ ليـتوـضـأـ استـعدـادـاـ لـأـدـاءـ صـلـاـةـ الـفـجـرـ، فـفـوـحـيـ بـأـنـهـ فـيـ شـقـةـ مـيـناـ وـعـلـىـ فـرـاشـهـ، فـتـخـيـلـ أـنـهـ نـامـ عـنـدـهـ مـنـ لـيـلـةـ أـمـسـ سـهـوـاـ، وـعـنـدـمـاـ تـوـجـهـ إـلـىـ الحـمـامـ وـوـقـفـ أـمـامـ الـمـرـأـةـ ليـبـدـأـ الـوـضـوـءـ، فـفـوـحـيـ بـوـجـهـ مـيـناـ فـيـ الـمـرـأـةـ. فـخـلـلـ يـغـسلـ وـجـهـهـ بـمـاءـ عـدـةـ مـرـاتـ مـتـتـالـيـةـ. فـقـدـ تـخـيـلـ أـنـ شـدـةـ اـرـتـبـاطـهـ بـمـيـناـ وـجـلوـسـهـ طـوـالـ الـيـوـمـ معـهـ قدـ جـعـلـ صـورـتـهـ تـلـتـصـقـ بـذـاكـرـتـهـ حـتـىـ فـيـ الـمـرـأـةـ.. لـكـنـ أـبـدـاـ، فـكـلـمـاـ غـسـلـ وـجـهـهـ تـظـلـ صـورـةـ مـيـناـ أـمـامـهـ فـيـ الـمـرـأـةـ بـنـفـسـ حـالـةـ الصـدـمـةـ الـتـيـ كـانـ عـلـيـهـاـ. رـكـضـ مـحـمـدـ خـارـجـ الشـقـةـ

ونزل إلى الشارع حيث كان يُجري اتصالاً سريعاً بمنينا، الذي هرول إليه هو الآخر في الشارع ليحاولا جاهدين معرفة ماذا حدث لهما.

ولكنهما لم يصلا لأي نتيجة.. فاتفقا سوياً على أن كل منهما يذهب إلى منزل الآخر حتى يجدا حلّاً لهذه المشكلة.

- وأنت اسمك إيه بقى؟

سألته غادة بسعادة. في بدأت تشعر أن هذا الشاب أصبح شقيقها في المشاعر.

أجابها الشاب:

- اللي بيكلمك محمد والجسم اللي قدامك ده مينا.

صمت قليلاً ثم قال: بس أنت مصدقني يا أستاذ؟

كان صوته يدل على اطمئنانه من نظرات غادة له، فقد شعر أنه يصدق كلماته فعلاً.

- أية مصدقاك، وما تقوليش يا أستاذ.. قولي ياغادة.

استغرب الشاب جداً وقال باندهاش: غادة ازاي يعني؟!

بدأت سارة تنشغل على عماد فعاودت الاتصال به مرّة أخرى:

- ألو إيه يا عماد أنت فين كل ده؟

- أية يا سارة.

أجابتها غادة وهي مستاءة، محدثة نفسها داخلياً: مش وقت خالص يا سارة..

- معلش في واحد كان بيصلي معانا تعب شوية واضطربينا ننقله المستشفى وما فيه حد معاه غيري، مضطرب أستنى أي حد من أهله يجي مش عايز أسيبه

لوحده.

ردّت سارة بطيبة قلب واضحة:

- يانهار أبيض تعب ازاي؟

- مش وقته ياسارة هحكيلاك لما أجيلاك. مع السلامه دلوقت.

أغلقت غادة التليفون ونظرت إلى الشاب بابتسامة صادقة، وقررت أن تحكي له هي الأخرى قصتها، وهذا أول شخص يعرف قصتها؛ فمن ناحية كانت تريد أن تفضفض مع أحد، وطبعاً لم تكن تستطيع لأن أحداً لن يصدقها وسيعتبرونها مختلة وهذا الشخص الوحيد الذي سيصدقها، ومن ناحية أخرى كانت تريد أن تجد من يعوضها عن غياب عماد شريكها في محنتها بعد غيابه ومكوثه عند أهلها وصعوبة التواصل معه، ومن ناحية ثالثة شعرت تجاه هذا الشاب بشعورٍ أخوي غريب كانت تفتقده طوال حياتها في سعيد شقيقها.

وقف سعيد خلف عماد دون أن يشعر وقال بصوته الأ Jegش الذي يكرهه عماد وأصبح كذلك: هو انتي قلتني إيه لعماد عني؟

التفت عماد حيث يقف سعيد، وأجا به باستغراب: قُلتله إيه في إيه؟

- بقولوك إيه يابت متلفيش وتدوري عليا. لما كنت قاعد مع عماد آخر مرأة في

شققكم قال كلام غريب زي ماتكوني اشتكيت له ممّي.

ردّ بثقة:

- أنا ماقلتش أي حاجة.

كان عماد صادقاً في إجابته طبعاً، حيث أن غادة لم تحل له من قبل عن أخيها سعيد وبشاعته تلك.

- ماشي ياغادة أنا هعرف ازاي أخليكي تتكلمي.

كانت هذه الجملة تخرج من فم سعيد بتحدى كبيرٍ لغادة، فهو فعلًا يعلم كيف يجعلها تتكلم بأساليبه المتعددة.

تركها عائداً إلى غرفته مرة أخرى، علّه يستطيع استجلاب النوم.

نظر الشاب إلى غادة نظرة تعجب.. مختلطة بالسعادة.. مختلطة بالخوف.

اندهاش لأن هناك من يعاني مثله هو ومينا صديقه.. سعادة لأن غادة تصدقه وتشاركه مشاعره وأحساسه.. خوف لأن الوضع بهذا الشكل أصبح متآزماً وخطراً وأكيد طالما تكرر الحادث بهذا الشكل، إذاً ربما يكون هناك حالات أخرى تعاني.. هل هي عدوى؟ هل هو وباء جديد سينتشر في أنحاء البلاد؟ هل هو مجرد مرض نفسي ولا يوجد تبادل أرواح أصلًا؟

حاول الشاب أن يهرب من تساؤاته قبل أن يجن قائلاً لغادة: ماتيجي نخرج من هنا أحسن. وأشار بهدوء إلى الجالسين حولهما في المقهى، محاولاً إقناعها أن هذا المكان غير مناسب لاستكمال حديثهما.

وافقت غادة على الفور، وظللا يسيران بجوار النيل في صمتٍ يفكرون كلّ منهما، ربما في حالته وربما في حالة الآخر، حتى..!

قطع الشاب هذ الشرود الذي اجتاح تفكيرهما، موجهاً لغادة سؤالاً غريباً: انتي روحي لست نعمة؟

أجابته غادة على الفور: نعمة مين؟ دي بتبيّع إيه؟

رَدَ الشاب بثقة: دي لولا الست نعمة كان زماني دلوقتي في مستشفى المجانين.

ثم استكمل حديثه دون أن يعطيها فرصة للسؤال مَرَّةً أخرى: الست نعمة دي بتعرف اللي احنا مش عارفينه.. أنا رُحت لها مرتين قبل كده واستريحت أوي لما اتكلمت معها، وبعدين سافرت برة مصر ورجعت تاني أصلها عالمية.

قال هذه الجملة وهو يضحك.. ثم استطرد حديثه قائلاً: وأخذت ميعاد تاني منها والمفروض أروح لها النهارده.. تحبي تيجي معايا؟

- أنت لسه هتسأل آجي وألا لا؟ أيوة طبعاً أحب أوي.. ميعادك إمci معاه؟

أجابها بفرحة طفل صغير وهو ينظر إلى ساعة يده:

- الساعة دلوقت 2.30 وأنا ميعادي معاهما الساعة 4، يعني يادوب عقبال

مانروح لها. أصل مكانها بعيد شوية.

- مش مهم هروح لها ولو في آخر الدنيا، المهم أفهم إيه اللي بيحصل ده.

تحمّس محمد لرذّها، وأشار إلى تاكسي قائلاً بصوت عالي: آخر حلوان يا أسطى؟

كان الطريق طويلاً نسبياً، فانتهت غادة هذه الفرصة في طرح بعض الأسئلة على محمد لإشباع الفضول الأنثوي داخلها من جانب، ولعدم الشعور بملل الطريق من جانب آخر.

- الناس اللي أنت قاعد معاهم مريحينك؟

- مش أوي ياغادة.

- ليه؟

- متدينين أوي ولو مارحش معاهم الكنيسة بتبقى شغلانة.

- وأنت بتروح الكنيسة تصلي يا محمد؟

- أية طبعاً.

نظر إلهم سائق التاكسي باستغراب عبر المرأة لسبعين؛ أولاً: عندما نطق محمد بكلمة غادة؛ فهو لا يرى أية إناث في السيارة، كل ما يراه رجال. ثانياً: عندما سألت غادة محمد عن ذهابه إلى الكنسية وأداء الصلاة ثم ذكرت اسم محمد في النهاية، فكيف إذاً كنيسة ومحمد في نفس الوقت! ولكن لم يلتفت إليه أحد منها واسترسل في الحديث.

- وانتي عاملة إيه في حياتك؟

- أنا اتجوزت واحدة بعد ما أنا وجوزي اطلقنا مؤقتاً، وهو قاعد في بيت أهلي لحد أما نشوف هنعمل إيه.

أخفض السائق صوت المذيع قليلاً ليتسنى له التنصت على الزبوني، ثم أخرج سيجارة من علبه وبدأ التدخين وزفر معها أحاسيسه المشمئة. كان يحاول السيطرة على تصرفاته تجاه هذين الرجلين غربي الأطوار. فكيف يتزوج رجل برجٍ آخر، بل ويذهب الآخر إلى أهل الأول يمكث عندهم بعد الطلاق! في البداية شكّ أهلهما مخموران ولكنه وجد طريقهما في الحديث في منتهى الاتزان والوعي.

أما غادة ومحمد فظلاً منهملين في حديثهما ولم ينتهيَا إلى السائق، أو إلى أنه ينصلت إليهما جيداً، حتى إنهم لم ينتهيَا إلى انخفاض صوت المذيع أيضاً.

- وانتي أصلاً اتجوزتي ليه؟ وليه اطلقتي انتي وجوزك؟

- أصل أنا مش بخلف وجوзи كان رافض يتجوز عليّ، ولما حصل اللي حصل فكرنا إن أنا أتجوز وأخلف وبقى كده حلينا المشكلة.

مازال السائق يتنصل إلّيّما وهو ينفث دخان سيجارته في ضيقٍ وقلقٍ مما يسمع.

شعرت سارة ببعض الملل، فظلت تتجول في أنحاء الشقة.. مرّة تجلس في غرفة النوم، ومرّة تدخل غرفة الضيوف تشاهد التلفاز، ثم ظلت تتجول في الشقة حتى وصلت إلى دولاب سارة، أو عماد زوجها كما تظنه هي.. فتحته علّه يحتاج إلى ترتيب أو ربما فضول منها لا أكثر.

وجدته مرتبًا ومنمقًا.. فرحت كثيراً لأن زوجها الجديد يحب النظام والترتيب وسيريحها من عناء كبير، ولكن.. !

قبل أن تغلق الدولاب وجدت أجندة موجودة تحت مفرش الدولاب. ظهر منها جزء صغير.. رقمتها بفضول.. ترددت قبل أن تسحبها من تحت المفرش، ولكن شيطانها برّ لها بأن عماد أصبح زوجها ولا توجد أسرار بين الأزواج، ولكن لقوّة إيمانها سرعان ما تغلبت على هذا الشيطان الماكر وأغلقت الدولاب في هدوء مقنعة نفسها أن هذه أمانة ولا يجب التطفل على أسرار زوجها دون علمه أو رضاه.

أغلقت الدولاب وعادت من حيث أتت لتشاهد هذا المسلسل الكوميدي غير الكوميدي بالمرة.

وقف عماد على باب غرفة سعيد وهو خائف.. اقترب أكثر من السرير ونادي عليه بصوت متعدد.. التفت إليه سعيد وعنفه لإيقاظه:

- عايزه إيه؟

ردّ عماد بصوتٍ ظاهره الخوف وباطنه الُّكره:

- الغداء جهز يا سعيد.

- طب امشي من قدامي.. أنا هقوم دلوقتي.

قطع حديثهما جرس الباب الذي كان يدق. هرول عماد باتجاه الباب لكي يفتح، حتى..!

فوحىًّ من يجذب شعره بعنف من الخلف.. التفت ليجد سعيد.

أشار سعيد إلى شعرها وملابسها قائلاً:

- انتي هتفتحي الباب كده يا (....)؟

كاد عماد أن يصفع سعيد على وجهه ليرى نافورة دماء تخرج من فمه وأنفه فيرتاح نفسياً. ولكنه كظم غيظه للمرة الأولى.. كظم ما لن يستطيع أحد كظمه، وقال في هدوء: آسفه هدخل أليس حاجة.

وردد داخله : أنا يا ابن الـ... يا... يا اللي... استنى علياً بس لما ارجع لجسمي يا...

وتجه إلى غرفته لوضع إيشاربًا فوق شعره.

ذهب سعيد إلى باب الشقة ليفتح، و..!

أهربته بجماليها الهادئ وملامحها الطفولية وجسدها الصغير، فسعيد يحب ملامح النساء الطفولية متخيلاً أن ذلك سيكون في الطياع أيضًا.. هو عمومًا

يحب الفتاة المطيبة كطاعة الأطفال للكبار.. جميلة كبراءة طفلة صغيرة لم تبلغ بعد، وأن يكون جسدها ضئيلاً حتى تظهر قوته وهو بجوارها، خصوصاً أنه متوسط الطول يميل أكثر إلى القصر.

وهذا ما وجده في مروءة صديقة غادة من الوهلة الأولى، كما أن قلبه انخلع من بين ضلوعه عندما نطقت أول جملة وهي مضطربة، فقد وجدته يقف صامتاً كالتمثال الأبله:

- مساء الخير.. هي غادة موجودة؟

قالتـها بصوتٍ عذب تصاحبـه ابتسامة رقيقة.

أثارـه صوتها الناعم عندما همسـت، فـهي تهمـس لا تتكلـم.. شـعر أنها تـندنـدن مقطـوعـة موسيـقـية قد لـجـنتـها بـفـمـها. كان صـوـتها هـذا الصـبـاح عندـما رـدـ عـلـيـها فـي الـهـاتـف نـاعـماً أـيـضاً لـكـنهـ لم يـتخـيلـها بـهـذا الجـمـالـ أـبـداً.. أـيـضاً لـم يـتـعـرـفـ عـلـيـها أـو يـراـها من قـبـلـ لأنـها تـعـرـفـتـ عـلـى غـادـةـ بـعـد زـواـجـها عـن طـرـيقـ النـادـيـ الـذـي ضـمـمـها إـلـيـهـ عـمـادـ عـلـى عـضـويـتـهـ.

ظلـ سـعـيدـ صـامـتاً وـلـم يـتـحـركـ مـنـ مـكـانـهـ.. اـسـتـطـرـدـتـ كـلـامـهـ:

- هي غادة هنا ولا أـجيـلـها وقتـ تـانـيـ؟

وـماـ إنـ سـمـعـ كـلـمةـ "وقـتـ تـانـيـ"ـ حتىـ تـحـركـ التـمـثـالـ مـنـ مـكـانـهـ وـأـفـسـحـ لـهـ

الطـرـيقـ سـرـيـعاًـ وـهـ يـشـيرـ إـلـىـ غـرـفـ غـادـةـ مـُجـبـيـاًـ:

- أـيـوـةـ طـبـعـاًـ هـنـاـ.. اـتـفـضـلـيـ.. اـتـفـضـلـيـ.

ابـتـسـمـتـ مـرـوـءـةـ فـيـ خـجلـ وـدـخـلتـ.

رأها عماد سابقًا مع غادة مرأة أو مرتين فقط.. ولا يتذكر ملامحها جيداً، ولكن بمجرد دخولها عليه في الغرفة توقع أن تكون مروءة التي هاتفته صباحاً.

وقفت مروءة على باب الغرفة ووقف خلفها سعيد اسمًا وحالًا.

- أهلاً يامروءة اتفضلي.

قالها عماد وهو يتمنى أن تكون هي مروءة فعلاً، فلم يكن متاكداً من ذلك. هرولت إليه مروءة وضمته إليها وحضنته حضناً طويلاً وكأنها تقدم التعازي لوفاة عزيز.

اضطرب سعيد جدًا من هذا الحضن وشعر بإثارة كبيرة، وتمنى لو كان مكان غادة ولو لحقيقة واحدة، بل شعر بحقدٍ دفين من أعماقه تجاهها، فقد شعر بأن هذا الحضن الدافئ من هذا الملاك الجميل مؤكداً خسارة فيها.

تحوَّل سعيد كأي منافق كاذب في مثل هذه الظروف وقال بصوتٍ هادئٍ حنون: - لواحدجتو حاجة يابنات أنا قاعد برة.

نظر إليه عماد مندهشاً من طريقة، لكن سرعان ما فهم الأمر، فلا يفهم الرجال سوى الرجال.

تأكد عماد بل كاد أن يُقسم، أن مروءة أعجبت سعيد، فحمد الله على ذلك حتى لا يُحرج أمامها من تصرفاته الحمقاء العنيفة.

- حبيبي عاملة إيه دلوقتي وإيه اللي حصل؟ احكيلي..

اضطرب عماد جدًا ولم يعلم بماذا يرد. فكَّر للحظاتٍ ثم قال بعفوية: - قليل الأصل.. راح اتجوز واحدة تانية.

قالها ثم ندم بعد ذلك على ما قاله بل استغرب نفسه بشدة.

ولكن هذا أول رد خطير على باله: فهذه الجملة هي الرا夷 الرسمي لهذه المواقف وتقابل دائمًا عند الطلاق ليتخلص كل طرف من مسئوليته في فشل العلاقة.

- قليل الأصل؟ من إمتي؟ انتي عمرك ماقلتي على جوزك حاجة وحشة ياغادة. طول عمرك بتشكري فيه وبتقولي إن ربنا هداكي بهدية.. إيه اللي حصل عشان يعمل كده؟ أكيد في سبب.

جاء سهم الاشتياق من بعيد ورشق قلب عماد بشدة بعد سماع هذا الرد من مروة، بل تمنى لو كانت غادة موجودة بجواره الآن ليأخذها بين ذراعيه.

شعر بسعادة وحمد الله أن جملته خرجت بعفوية منه لتردد مروة على أذينه ما سمعه منها.

كان يتخيّل أن غادة تُفضفض مع صديقاتها في كل ما يخصهما، وأن أسرار بيتهما يتداولها الناس فيما بينهم.. معدور هو لم يكن يعلم مطلقاً أن غادة تفضفض مع الورق.. تكتب كل ما في قلبه على هيئة مذكرات وقد اعتادت على هذا منذ صغرها، بسبب ضغط سعيد والدتها عليها وعدم وجود صديقات حولها تفضفض معهن، كما أن شقيقاتها تزوجن باكراً ونادرًا ما يأتين لزيارتِهما. واضح أنهن أيضًا يهربن من زيارة والدتهن وشقيقهن كما كانت تفعل غادة بعد زواجها من عماد.

ظلَّ يفكِّر في غادة زوجته وحبيبه حتى فتح سعيد الباب عليهما دون استئذان.

انتفاضت مروة فزعًا وتمايل جسدها بنعومة ودلال من مفاجأة سعيد بدخوله عليهما. وضفت يديها على قلبهما ولهمشت بأنفسها بصوتٍ مسموع مما زاد إثارة سعيد أكثر.

غضّ شفته السفل بشكٍ مقرز، لامس ماين ساقيه بلمسة خاطفة ربما لهبّي شهوته، وربما ليثير شهوته أكثر، وربما ليجعل مروءة تخجل فيزداد شهوة أكثر وأكثر.. هو عموماً فجّ في كل تصرفاته حتى في لحظات رومانسيته كان فجّاً أيضًا.

استاء عmad بشدة مما فعله سعيد وقال داخلياً: يا ابن الكلب يا (ها**..)
مفيش احترام لأنّتك كده خالص؟

نظرت مروءة إلى الأرض خجلاً، فقال سعيد محاولاً جاهداً أن يكون رقيقاً
مهذباً:

- انتي اتغديتي يامروءة؟

- لا أنا مش بتغدى دلوقتي.

- لا مافيش الكلام ده لازم تتغدي.. تعالى شوفي أكل صاحبتك عامل ازاي..
ماتقوليلها حاجة يا غادة.

ونظر إلى غادة شنراً حتى تتكلم.

لآخره عmad قائلاً:

- أية لازم طبعاً تتغدى معانا، أنا لسه محضرة الأكل حاًلا، وجاهز على
السفرة.

قالت مروءة: وحياتك يا غادة مش هقدر، خليني الحق أقعد معاكِ شوية عشان
ما أتأخرش.

بالرغم أنه يوم الجمعة والطريق خالٍ من المارة، إلا أن بُعد المسافة جعلهما يقضيان وقتاً طويلاً في التاكسي، فـ "الست نعمة" في آخر حلوان قبل الطريق الزراعي بقليل.

أما السائق فكان يقود بهدوءٍ حذر حتى يتسمى له استرفاقي السمع لإرضاء فضوله الشديد ومعرفة قصتهما.

- طب وأنت بتطمئن على مينا؟

- أية طبعاً يا غادة، بقولك احنا أصحاب من واحنا في اللغة وساكنين مع بعض في نفس البيت.

- طيب ماجاش معاك ليه؟

ضحك ضحكة طويل ثم سألهما باستنكار:

- يجي معايا الجامع؟؟ على العموم أكيد هعرفك عليه قريب. إنما قوليلي انتي ازاي قادرة تعيشي مع مراتك؟

قالت مبتسمة خجلاً: لا وإيه النهارده صباحيتنا، وهي قاعدة مستنياني في البيت.

نظر إليها السائق للمرة الثالثة من المرأة، وشعر بحنقٍ وضيقٍ، ولكن هذه المرة، انتبه محمد لذلك فغمز لغادة ونكرها في ذراعها لكي تصمت حتى ينزلها من التاكسي. أوّمأت غادة برأسها وفهمت الأمر وظلا صامتين، حتى..!

قال السائق:

حمد الله على السلامة يا....

صمتت قليلاً وعاد ليستكمّل كلامه ساخراً: يا أستاذة.

التف محمد حول المكان من النافذة ليتأكد إن كان المكان هو الصحيح أم لا، وعندما تأكد، أشار لغادة بالتزول وقام بدفع الأجرة للسائق، وعندما حاولت

أن تدفع غادة فقال لها: عيب عليكِ هواني مش معاكي راجل ولا إيه؟

نظر إليهما السائق وقال: أستغفر الله العظيم يارب.. يارب توب علينا من الشغلانة دي بقى.

أخذ السائق أجرته دون أن يراجعها واحتفى من أمامهما بسرعة البرق.
نظرت غادة إلى محمد وانفجرتا في الضحك...

فقد فيما أخيراً ما ظنه السائق ..

خرج سعيد بعدما أصررت مروءة على عدم تناول الغداء معهم، وما إن خرج، حتى..!

قامت مروءة وخلعت الحجاب من على رأسها. توتر عماد لهذا التصرف، ولكن ثوان، وقامت لتنتحر من البلوزة التي كانت ترتديها فبدأت بفك أزرارها ببطء ثم اتجهت ناحية الباب لتتأكد من إحكام غلقه.. زاد توتر عماد أكثر فقال لها:

- إيه اللي انتي بتعمليه ده قومي البسي.

- في إيه يا غادة الدنيا حر، إيه المشكلة؟

أجاها و هو يشيخ بنظره عنها:

- خايفة سعيد يدخل عليكِ.

- طيب خلاص هقوم ألبس البلوزة. بس مش قادره ألبس الحجاب الدنيا حر أوي.

كان شعرها مائلًا للون البندي وقد قصّته على شكل "كاريه" طويل، فبدأ عليه أنه تحرر بنعمته من قبضة الحجاب عليه ليتساقط على وجهها وكتفيها فيظهرها أكثر جمالاً وإشراقة. ظهرت شديدة الجاذبية في هذا الوقت، وهذا ما جعل عماد يخاف عليها ويحرص ألا يراها سعيد بهذا الشكل، فقد يهجم عليها مثل الحيوان المفترس في أي وقت دون مراعاة لأي شيء.

التفتا هما الاثنان إلى باب الغرفة عندما فتح للمرأة الثانية، ولكن هذه المرأة لم يكن سعيد هو الزائر، ولكن..!
كانت والدته.

زاد ملل سارة أكثر واحتلّ الملل هذه المرأة بشعور القلق على عماد، ففكّرت أن تتصل به لطمأنّ عليه.

عندما اتصلت به، وجدته يرد بجفاء وكأنه ملأ اتصالها المتكرر، وفعلاً كان هذا شعور غادة؛ فهي أصلاً لا تتقبل سارة نفسياً بسبب هذا الوضع الغريب، ربما لو كانت قابلتها في ظروف مختلفة لكان صاحبها بل واعتبرتها من أعز صديقاتها، لكن فكرة أن تكون سارة زوجتها وعليها ما عليها من الحقوق فهذا كان يؤرقها و يجعلها تشعر بتوتر كلما تحدثت إليها سارة.

أغلقت سارة التليفون وكأنها تلقت إشارة من الشيطان لتفتيش في ممتلكات عماد، بل بررت لنفسها أن تبحث عن شيء قد يكون عماد يخفيه عنها. لحظات وكانت أمام الدولاب.. لحظات أخرى وكانت فوق السرير ممددة والأجندة التي كانت مختبئاً تحت المفرش بين يديها، ثم

(لقد عاودت الكتابة بعد فترة انقطاع تصل إلى شهر تقريباً بعد أن تلقيت علقة ساخنة من أخي سعيد - سامحه الله- عندما وجد مذكرياتي بالصدفة وقرأها ومزقها أمامي ثم حرقها. لا أعلم لماذا يضربي على كتابة مذكرياتي، المفروض أن لي الحق في تدوين كل ما يحدث في حياتي، ولكن واضح أن ما ضايقه بشدة أنني كتبت عنه كل كلمة بصدق.. فهو إنسان أناي لا يحب إلا نفسه.. يتعامل معنا بقصوة شديدة أنا وشقيقتي- هند وسمر- بالرغم أنهما أكبر منه سنتاً بكثير، إلا أنه يعنفهم على أقل هفوة تحدث عنهما، وقد يصل الأمر في كثير من الأحيان إلى ضررهما، أما أنا فأكبر منه بسنة واحدة، وهو لا يعترف أصلاً بفارق السن الكبير بينه وبين شقيقتي، فهل سيعرف بالسنة الواحدة الفارقة بيبي وبينه؟ لقد كرهت حياتي حقاً. أريد أن أنتهي من تعليمي الثانوي سريعاً حتى التحق بالكلية وأحصل على عمل أستقل بحياتي من خلاله، ولكن هل سيتركني سعيد أفعل ذلك؟ أعصابي تهار، أشعر أنني كائن درجة ثانية، أغضب أخي سعيد كثيراً، ولن أسامح أمي على صمتها فيما يفعله بي أنا وشقيقتي، بل أحياها يصل الأمر بها أنها تساعده على ضربينا وإهانتنا، لقد ابتعدت عن كل صديقاتي خوفاً من أن تتتطور علاقتي بإحدى الصديقات لتأتي إلى المنزل وهيئني سعيد أمام إحداهن.

أنا سعيدة حقاً بأنني عاودت الكتابة مرة أخرى.. لا أرتاح نفسيّاً إلا عندما أفضفض على الورق، فشقيقتي أكبر مني ولهمَا حياتهما، كما أنهما قريبتان أكثر لبعضهما بدولي.. لا يهم، المهم أنه لا توجد مشاكل بيننا الحمد لله، فأنا أحيمها كثيراً، أشعر بما يشعرون به، لذلك لا ألومهما على انشغالهما عنِّي في بعض الأحيان. أنا الآن أجلس بالحمام وصوت المياه الغزير الصادر من الدش يوهم الجميع بالخارج أنني أستحم، ولكنني لا أجده مكاناً أستطيع الكتابة فيه بحرية إلا هذا المكان الآمن الوحيد بالعالم.. ساعدناه الله لقد سئمت حياتي والسبب هو أخي - لسامحه الله-) السبت 2 فبراير

رنَّ جرس الباب فأسرعت سارة لوضع الأجندة مكانها، والتي عرفت بعد قراءة أول صفحة بها أنها ملك لطالية عماد.. غادة.. ولكنها تعجبت جدًا لوجود هذه الأجندة داخل دولابه.. لماذا يحتفظ بها عماد؟

فتحت سارة الباب، فكانت والدتها هي التي أتت لزيارتها، بما إن اليوم هو صباحيتها.

- ألف مبروك يا بنتي.

- الله يبارك فيكي ياماما.

- مالك ياحبيبي، شكلك مش مطمفي.

- أبدًا ياماما ما فيش، المهم رنا عاملة ايه؟ سألت عليَّ؟ ونيمتك إمبارح وألا عيطة؟

- بنتك زي الفل متشغليش بالك انتي.

كانت نيرة صوتها غير مطمئنة، ولكنها حاولت غلق الموضوع بسؤالها:

- أومال فين جوزك؟

روت لها ماحدث طوال اليوم، فشكرت الأم كثيًرا في أخلاق وشهامة ونبيل زوجها، ودعت لهما بالرفاء والبنيان. ولم تنس دعاءها للمريض الذي يرافقه عماد في المستشفى الآن.

كانت سارة تمنى أن ترحل والدتها سريعاً لكي تُكمل ما بدأته في مذكرات غادة، ولكن من الواضح أن زيارتها ستطول بعض الوقت خصوصاً لعدم وجود زوجها. حيث شعرت الأم أن عليها أن تبقى مع ابنتها حتى يعود زوجها.

دخلت الأم تصافح مروة صديقة غادة..

أولاً.. لتراتها كما طلب منها سعيد بالخارج، ثانياً.. لتطلب منها طلباً غريباً..

في الأول نظرت إلى غادة وأمرتها أن تهض لتصنع لأخيها كوب الشاي الذي اعتاد أن يشربه بعد الانتهاء من الطعام.

فقام عماد على مضمض وهو يسبّ ويلعن سعيد داخلياً قائلاً: الله يحرقك يا سعيد ويحرق اليوم اللي شُفتِك فيه.. إللي أشوف فيك يوم يا سعيد الكلب زي ما أنت موريبي أيام سودا.

انتظرت الأم حتى ترحل غادة من الغرفة، ثم بدأت حديثها مع مروة:

- عجبك الوضع اللي فيه غادة ده يابني؟

- معلش يااطنط ده نصيبي، ربنا يعوضها.

- يعني إيه نصيبي؟ لا لازم تتكلمي غادة عشان ترجع لجوزها.

- ازاي بس يااطنط؟ لو ماكانش عماد هو اللي يرجع بنفسه يبقى مالهاش لزمه.

- لا يامروءة انتي غلطانة هي السست مننا لها إيه غير بيتهما وجوزها.. أجابتها بهذه الجملة لهدفين؛ فمن ناحية لتقنع مروة فعلاً غادة بذلك، ومن ناحية أخرى أن تجس نبض مروة في طاعتها لزوجها ستكون إلى أي حد.

- بس يااطنط عماد اتجوز.

أجابتها مروة عليها تذكرها بذلك

- وماله الشرع محلل أربعة.

صُدمت مروة وشعرت أن الجدال سيكون عقيماً مع والدة غادة، فواضح أنها من العقليات القديمة ولن يعجمها رأي مروة فوافتقت مضطراً قائلة:

- إن شاء الله ياطنط.. هكلمها حاضر.

- بس انتي بسم الله ماشاء الله زي القمر، أكيد طبعاً متجوزة؟

- لا ياطنط.

قالتها بخجل أنثوي.

- تبقي أكيد مخطوبة.

- برضو لا.

- ازاي بقى الكلام ده؟ بقى الجمال ده كله وما اتجوزتيش ولا اتخطبتي؟ هم الرجالات اتعموا ولا إيه؟

ضحكـت مروة خجلاً ثم استطردت حديثـها قائلـة: لسه النـصيب ماجاش ياطنـط.

- أهـو جـه يـاحـبيـتي وإن شـاء اللهـ قـرـيبـ أـويـ.

- تقـصـدي إـيه يـاطـنـطـ؟

- لا أبداً ما أقصدـش.. أـستـأـذـنك أـنا بـقـى عـشـان أـرـجـعـ ظـهـريـ شـوـيـةـ عـلـىـ السـرـيرـ.

قامت والدة غادة وهي تشعر بانتصار المحاربين.

أولاً لاعتقادـها أنها اقنـعت مـروـةـ باقـنـاعـ غـادـةـ بالـرجـوعـ إـلـىـ طـلـيقـهـاـ والتـأـثـيرـ عـلـيـهاـ.

ثانية لأمها علمت أن مروة غير مرتبطة.. وهذا سيسعد ابنتها فلذة كبدتها، فهـا هو ولأول مرـة يُعجب بـامرأـة دونـ أن (يـخرج فـيهـا القـطـطـ الفـطـسانـةـ).

فسعيد لا يعجبه العجب ويرى أن كل النساء مثل بعضهن.

دخل عماد وأغلق الباب خلفه جيداً بالمفتاح، ثم اقترب من مروة وقال
هـاماـساـ:

- كانت عـايـزـاكـيـ فيـ إـيـهـ؟

- والله يا غـادـةـ مشـ عـارـفـهـ أـقولـكـ إـيـهـ.

صـمتـ لـحظـاتـ ثـمـ اـسـتـكـملـتـ حـديـثـهاـ: بصـيـ يـاحـبـبـتـيـ أيـ أمـ منـ كـتـرـ قـلـقـهاـ
عـلـىـ بـنـتـهاـ مشـ بـتـبـقـىـ شـايـفـةـ الصـورـةـ كـامـلـةـ، وهـيـ مـتـخـيلـةـ انـكـ المـفـرـوضـ تـكـلـيـ
عمـادـ.

قالـهـاـ وـهـيـ تـخـشـىـ ردـ فعلـ غـادـةـ وـحزـنـهـاـ لـماـ قـالـتـهـ والـدـهـاـ.

- طـيـبـ يـاـ مـرـوـةـ سـيـبـكـ مـنـهـاـ، المـهمـ دـلـوقـيـ أـنـاـ عـايـزـةـ مـنـكـ طـلـبـ مـهـمـ.

- طـبـعـاـ يـاـ غـادـةـ اـتـفـضـلـيـ.

- عـايـزـةـ اـتـصـلـ بـعـمـادـ وـمـشـ عـارـفـهـ وـهـنـتـزـ فـرـصـةـ إـنـكـ هـنـاـ، وـأـتـصـلـ بـسـرـعـةـ.
ولـوـ حدـ دـخـلـ أـشـغـلـيـهـ لـحـدـ أـمـاـ أـقـلـ مـعـاهـ.

- نـعـمـ؟ هـتـكـلـيـ طـلـيقـكـ؟ الليـ صـبـاحـيـتـهـ النـهـارـدـ؟

وـقـالـتـ فـيـ سـرـهـاـ: إـيـهـ الـعـيـلـةـ الـمـجـنـونـةـ دـيـ؟

- مـعـلـشـ يـاـ مـرـوـةـ بـكـرـةـ تـفـهـمـيـ كـلـ حاجـةـ؟ بـسـ بـسـرـعـةـ اللهـ يـخـلـيـكـ قـبـلـ ماـ حدـ
يـدـخـلـ تـانـيـ.

- أـوكـيـ يـاحـبـبـتـيـ اـتـفـضـلـيـ.

قالتها وعلامات الاندهاش والامتعاض لم تفارق وجهها.

هروف عماد سريعاً إلى حقيقة يده والتي تخص خادة في الأصل واستخرج منها
تليفونه سريعاً، وقام بطلب الرقم.

انتظر ثوانٍ قبل أن تجيب خادة:

- ازلك يا حبيبي؟ أنت عرفت تتكلم تاني ازاي؟

ردّ عماد:

- أنت فين كده سامعة صوت عربيات حواليك.

- أيةة أنا في مشواركده هبقى أقولك عليه.

- انتي بقى ليكي مشاويتك اللي معرفهاش؟ وازاي تخرجي من غير ماتقوليلي؟

قالها بغضب وبغفوة شديدة ونسي تماماً بأمر وجود مروءة في الغرفة.

نظرت إليه مروءة في استغراب.. وما إن لمح علامات الاستغراب على وجهها
حتى اتجه إلى الشرفة ليستكمel المكالمة سريعاً قبل أن يدخل عليهمما أحد.

- هبقى أقولك بعدين يا عماد مش هينفع دلوقتي، وبعدين أنت بتتكلمني ليه
من شوية على إني راجل أنت في حد جنبك؟

- أيةة مروءة معايا في الأوضة.

- مروءة مين؟

- مروءة صاحبتك.. جت زارتني النهارده لما سمعت موضوع الطلاق، وعلى
فكرة سعيد أخوي شكله أُعجب بهما.

شعرت خادة بغيرة شديدة لوجود عماد ومروءة في نفس الغرفة وحدهما،
خصوصاً أنها تعلم جمال مروءة وجاذبيتها الشديدة.

فبالرغم من أنها أصبحت تعرف الآن أخلاق زوجها في غيابها، وأصبحت تثق فيه جدًا، إلا أن غيرتها كانت غيرية أنثوية بالفطرة لا يد لها فيها، ولكن ما أثار دهشتها إعجاب سعيد بها، مما جعلها تفكر سريعاً في كيفية الاستفادة من هذا الموضوع.

تجاهلت غادة وسوسنة غيرتها ثم ردت سريعاً: عmad أنا عندي فكرة حلوة أوي، ممكن نستفيد جدًا بوجود مروة معاك وخصوصاً إن سعيد جها ومش هيتضايق لو جبت كل يوم.

- فكرة إيه؟

- لا هقولك بعدين.. أنا هحصل بمروة وأقابلها وهقولك هنعمل ايه.. بس أنت فهمها ومهد لها إني هقابلها

- طب انتي فين يا هانم أصلًا دلوقت؟

- هقولك يا عmad والله على كل حاجة.. سلام دلوقت.

- ماشي يا غادة. ماشي .. سلام.

خرج عmad من الشرفة، ليجد مروة مازالت في حالة اندهاش واضحة وكأنها تنتظر انتهاء المكالمة لتفهم الأمر.. قبل أن تسأل أو تستفسر عن أي شيء، شرح لها عmad أن هناك مشكلة بسيطة بينه وبين عmad كانت سبباً في الطلاق، وطلب منها أن تجلس مع عmad لتفهم منه الأمر جيداً.

قامت مروة وهو يتحدث إليها لترتدي الحجاب وتستعد للنزول. وعندما سأليها عن سبب استعجالها قالت إنها تأخرت وستأتي لها في يوم آخر.

فقد بدأت مروة فعلاً التعجب مما يحدث، فكيف تقول غادة منذ قليل أن عmad قليل الأصل، والآن تقول أن هناك مشكلة بسيطة بينهما بل تطلب منها أن تقابل زوجها؟

نفضت مروءة هذه الأفكار عن رأسها مؤقتاً وأخبرت غادة بأنها ستقابل عماد بالفعل لتتعرف منه ملابسات الموضوع عليها تكون سبب في رجوع المياه إلى مجاريها مرّة أخرى كما يقولون. شكرها عماد جدًا وذهب معها حتى باب الشقة ليودعها.

- إيه ده انتي ماشيّة؟

قالها سعيد بخيبة أمل.

أجابته مروءة مبتسمة: أيةوة.

- ليه كده بس ما انتي قاعدة شوية.

- معلش اتأخرت على البيت وهبني أجي تاني إن شاء الله.

- طب أنا هوصلك.

- لا معلش مش هيمنفع.

كانت نظرات الإعجاب تفضح سعيد، بل كادت نظراته أن تلتهمها التهاماً. ودعها وهو يتمى داخلياً أن يكون هذا المخلوق الجميل، الرقيق، الضعيف ملگاً له في أقرب وقت ممکن.

أغلق عماد باب الشقة واتجه إلى غرفته، ولكن شعرأن سعيد يسير خلفه وكأنه يريد أن يقول شيئاً فضحك داخلياً منتظراً حديثه الذي يعلم مسبقاً.

- انتي مصاحبة مروءة دي بقالك قد إيه؟

- من بعد جوازي على طول.

- عرفتها منين؟

- من النادي.

- عندها كام سنة؟

رَدَّ عِمَادُ بَنْكَاء وَذَكَرَ سِنَّ أَقْلَ منْ عُمُرِ سَعِيدٍ بِثَلَاثٍ سَنَوَاتٍ، بِالرَّغْمِ أَنَّهُ لَا يَعْلَمُ أَصْلًا عُمْرًا مَرْوَةً، وَلَكِنَّهُ قَالَ ذَلِكَ حَتَّى يُؤْتَى لِسَعِيدِ الْجَوِ تَمَامًا لِقَبْولِ الْفَكْرَةِ أَكْثَرًا وَيُسْتَطِعُ أَنْ يَسْتَفِيدَ مِنْ إِعْجَابِ سَعِيدٍ بِمَرْوَةِ الْمَرْحَلَةِ الْقَادِمَةِ.

خَرَجَ سَعِيدٌ مِنَ الْغَرْفَةِ وَهُوَ فِي حَالَةِ السُّعَادَةِ وَالْأَنْتَشَاءِ، بَلْ وَلَأُولَمَّا لَمْ يَتَحَدَّثْ مَعَ عِمَادٍ بِشَكْلِ فَظِّ مَنْذَ اِنْتِقالِهِ إِلَى الْعِيشِ مَعْهُمْ؛ فَهُوَ يَشْعُرُ إِلَيْهِ أَنَّ مَصْلَحَتِهِ مَعْ شَقِيقَتِهِ، صَدِيقَةِ أَجْمَلِ وَأَرْقَ مَخْلُوقٍ عَلَى وَجْهِ الْأَرْضِ. وَهَذَا مَا جَعَلَ عِمَادًا يَشْعُرُ بِرَتِيَاحٍ شَدِيدٍ وَأَنَّ الْأَيَّامَ الْمَقْبِلَةَ قَدْ تَكُونُ أَفْضَلُ مِنْ ذِي قَبْلَ، بِوُجُودِ مَرْوَةِ فِي حَيَاتِهِمْ.

وَقَفَ مُحَمَّدٌ وَغَادَةٌ فِي مَدْخَلِ الْعَمَارَةِ يَنْتَظِرَانِ الْمَصْعِدَ، فَشَقَّةُ السِّتْ نِعْمَةِ فِي الدُّورِ الْعَاشِرِ. هَبَطَ الْمَصْعِدُ وَدَخَلَ مُحَمَّدٌ وَغَادَةٌ، ثَوَانٍ وَقَفَ الْمَصْعِدُ.

الْمَسَاحَةُ فِي كُلِّ دُورٍ مِنَ الْعَمَارَةِ كَبِيرَةٌ تَسْعُ لِلْعَبِ الْأَطْفَالِ فِيهَا بِسْهُولَةٍ، وَبِالْفَعْلِ كَانَ هُنَاكَ حَوَالِي سَبْعَةِ أَطْفَالٍ يَلْعَبُونَ وَيَجْرُونَ خَلْفَ بَعْضِهِمْ حَتَّى أَنَّ وَاحِدًا مِنْهُمْ اصْطَدَمَ بِجَسْدِ غَادَةٍ دُونَ قَصْدٍ وَهُوَ يَجْرِي فَوْقَ أَمَامِهَا مَعْنَدِرًا مَا صَدَرَ مِنْهُ.

جَثَتْ غَادَةٌ بِجَسْدِهَا الضَّخْمِ عَلَى رَكْبَتِهَا أَمَامَ الطَّفْلِ وَابْتَسَمَتْ لَهُ ابْتِسَامَةً حَانِيَةً، ثُمَّ طَبَعَتْ قُبْلَةً فَوْقَ رَأْسِهِ وَمَلَّسَتْ بِيَدِهَا عَلَى شَعْرِهِ النَّاعِمِ. تَأْثِيرُ مُحَمَّدٍ لِهَذَا الْمَوْقِفِ بِشَدَّةٍ، وَخَصْصُوصًا بَعْدَ أَنْ أَخْبَرَتْهُ غَادَةٌ أَنَّهَا لَا تُنْجِبُ وَأَمْنِيَّتِهَا وَحُلْمَهَا هُوَ الإِنْجَابُ وَلَوْ طَفَلًا وَاحِدًا. لَمَعَتْ عَيْنُ مُحَمَّدٍ بِالدَّمْوعِ، فَهُوَ أَصْلًا شَخْصِيَّةٌ حَنُونَةٌ جَدًّا وَشَدِيدَةِ التَّأْثِيرِ بِأَقْلَ الْمَوْاقِفِ الْمُؤْثِرَةِ وَقَالَ لَهَا:

- ربنا يرزقك يا غادة.

- ابتسمت له ابتسامة صادقة، صافية وأمنت خلفه من قلبه: اللهم أمين.
وقفا أمام باب شقة المست نعمة، ودقَّ محمد الجرس عدة مرات.

فتحت سيدة مسنة الباب ورحت بهما بابتسامة بسيطة، ثم أفسحت لهم الطريق للدخول.

كانت غادة مُرتيبة بعض الشيء، فلأول مرَّة تذهب إلى مكان غريب دون عmad سوى الشركة فقط.. إلا أن وجود محمد كان يطمئنها نسبياً.

سبقهَا محمد بخطوتيْن ليطمئنها أكثر، على اعتبار أن هذا المكان قد أتى إليه من قبل ويعرفه من الداخل. وقف أمام السيدة المُسنة التي تركتهما بعد أن

فتحت الباب لتجلس على مكتب متواضع في صالة الشقة وبجانبها ارتبَت الكراسي الجلدية السوداء والتي جلس عليها الوافدون إلى المست نعمة.

أخرج محمد من جيده عشرين جنِيَّها وأعطاهما للسيدة المُسنة، فقطعت ورقة صغيرة من رزمة ورق أمامها وكتبت عليها رقم (20) ثم ناولته الورقة.

كانت غادة تتبع في صمتٍ ما يحدث، وتلتفت حولها تتحفظ أوجه الموجودين بالشقة وتنشب بطرف كم محمد كعادتها الطبيعية مع عmad عندما يتغلب عليها القلق.

وقفَ مينا في شرفة منزل محمد يرتشف كوب الشاي ويتابع المارة في الشارع، حتى وجد من يضع يده على كتفه دون سابق إنذار.

التفت سريعاً خلفه ليجد والدة محمد تقف مبتسمة له وهي تمد يديها بالمحض وتقول:

- النهارده الجمعة، يلا اقعد اقرأ سورة الكهف يا ابني.. كفاية إنك مانزلتش صليت الجمعة.

- ما أنا كل يوم جمعة بنزل ياما ما، مش شغالنة هي يعني.

- أستغفر الله العظيم.. هو أنت بتمن على ربنا بصلاتك؟

- لا طبعاً أنا مين أصلاً عشان أتطاول على الرب اللي غامرنا كلنا بحبه ورعايته.

أجابته ممتعضة:

- من كتر ما أنت لازق لمينا وانت كل كلامك بقى زي به بقالك كام شهر.

ارتشف رشفة أخرى من كوب الشاي وسألها بلا مبالاة:

- ماله مينا بقى؟

- زي الفل سواء هو وأهله وأنت عارف دول عشرة سنين، بس يا ابني احنا

مسلمين ولينا ديننا، وهو مسيحيين ولهم دينهم، وكل واحد له طريقة كلامه.

- فكك ياست الكل، مش بالكلام صدقيني بالإيمان اللي بيتملا قلوبنا وبمدى حبنا لربنا وتعلقنا بييه ويقيننا إنه موجود جنبنا في كل وقت عشان يرعانا.

أخذه الحماس فاستكملا حديثه: يعني مثلاً في مسلمين بيحصلوا ويصوموا ويحجوا، وفي مسيحيين مش بيفارقو الكنيسة بس قلوبهم فاضية من حبهم

لربنا ومش مقدرين اللي عمله عشانا.

- هو مين ده اللي عمل عشاننا؟ وعمل إيه؟

طبعاً مينا كان يقصد المسيح وصلبه وألامه، ولكنه سرعان ما غير مسار الموضوع بطريقته الكوميدية المعتادة؛ فالرغم من أن محمد ومينا أصدقاء الطفولة إلا أن لكل منهما شخصيته المستقلة تماماً.

فمحمد شخصية رزينة ورومانسي جداً وكتوم بعض الشيء.. أما مينا فأكثر ما يميزه خفة ظله والجو الجميل الذي يبثه في أي مكان يتواجد به، كما أنه يمتلك نقاطاً داخلياً قلما يوجد داخل أحد.

أما أسرة كل منها فتتميز بالتدین المفرط، ولكن..!

بالبرغم من صداقة الأسترين القوية، إلا أن كل منها كان يعتز بديانته جداً ولا يحذدان الكلام في الدين أبداً؛ فكل منها يرى أن الدين الله والوطن للجميع، وقد أراهما كثيراً هذا القرار وكانا يكتفيان بالمعايدة والتهنئة في الأعياد والمناسبات الدينية.

- بقولك إيه يا ستر الكل، أنا هطلع شوية لمينا أقعد معاه، الناس اللي فوق دول وحشوني أوي.. طبعاً كان يقصد والده ووالدته.

- يعني مش هتقرا سورة الكهف؟

- انتي مش قرأتها؟

- أية الحمد لله.. قرأتها الفجر.

- خلاص أنا وأنت واحد ياجميل.

ثم قام بغمزها بإصبعه في جنها، فانتفضت مرّة واحدة.

ضحك بصوتٍ عالٍ ثم قال: أية بقى.

- اختشي يا واد قولتلك مية مرّة قبل كده بلاش الحركات اللي أتعلمتها لنا على كبردي، ماكنت عاقل يا ابني إيه اللي حصلك.

تذكر مينا فوراً وصاية محمد له بـألا يقوم بأفعاله الصبيانية مع والدته وأخته.

بالفعل لم يلمس اخته أبداً ولم ينظر إليها، احتراماً لصديق عمره. أما والدة محمد، فكان لا يستطيع أن يتزمن بوعده له طوال الوقت؛ فهو كان يحبها كثيراً كوالدته تماماً. أما والدة محمد بالرغم من أنها كان معتادة على طريقة مينا صديق عماد في التهريج.. فهو ولد على يديها وساعدت والدته في تربيته كما ساعدتها والدة مينا في تربية محمد، إلا أنها تعلم طريقة محمد في المعاملة جيداً، فهو خجول ويتكلم معها باحترام شديد.. لذلك فهي في السنة شهر الأخيرة كانت تعجب كثيراً لتصرفات ابنتها، لكنها اعتادت نوعاً ما طريقتها في المعاملة رويداً، بل في بعض الأحيان كانت تحملها وتريدها عندما يكون مزاجها سيئاً، فمينا لديه مقدرة كبيرة على استبدال مزاج أي شخص من السيء إلى الممتاز بكل بساطة وسهولة.

- لما أخلص الغدا هندهلك تنزل على طول.

- انتي بس قولي جزر ومتلاقيني جوة طبق السلطة اللي بتعملية.

- وأنا هقطعك فيها قريب إن شاء الله.

كان مينا يسير باتجاه الباب بعد أن قالت والدة محمد هذه الجملة، فضل يدندن.. قطعني حتى وارمي في القبط.. وهو يتمايل بجسده، ثم أصدر من فمه ضحكة رقيقة كالراقصات.

- بس يا واد اتلم ياقليل الأدب.

صاحت فيه متصنعة وهي تداري ابتسامتها، فهى طوال الوقت تكتم
ضحكتها لظهور بمظهر الأم الوقورة.

أما مينا، فلا تفرق معه هذه الأمور كثيراً، سواء ظهرت هي بمظهر الأم
الوقورة أولاً، فهو لا يغير طريقة في التعامل وخصوصاً أنه يحبها.

وضع يده على فمه متقمصاً دور صبي الراقصة ثم قال: حاضر يا أبي هتم
أهو.

مجرد أن رأها تركض خلفه لتضرره كما تفعل عندما ينفذ صبرها معه، حتى
ظل يقفز كالكنغر إلى أن وصل لباب الشقة وأغلقه خلفه سريعاً، وظل مثبتاً
يده بقبض الباب من الخارج حتى لا تستطيع فتحه فتوسعته ضرباً.

همست غادة في أذن محمد لتسأل عن سبب وجود هؤلاء الأشخاص، وهل
جميعهم يعانون من تبادل الأرواح أم لا، فأجابها محمد بأنه لا يعلم.. فعندما
حضر المرأة السابقة من شهور لم يكن أحد موجود بالشقة، فواضح أن
الحالات وقتها كانت قليلة وكانت تأتي وترحل دون أن تراها باقي الحالات.. أما
الآن فواضح أن الحالات ازدادت جداً ولا يعلم من فيهم يعاني من تبادل أرواح
ومَنْ لا.

جلست غادة ووقف بجوارها محمد لوجود كرسٍ واحدٍ خالٍ..

جالت بنظرها بين الجالسين تمنى أن تكتشف وحدها منِّي من الجالسين
يعاني من تبادل الأرواح ومن لا.

كان هناك رجل مسن يجلس على كرسي وببيده "كيس شيبسي"، وتجلس بجواره سيدة صغيرة في العقد الثالث تقريباً من عمرها، فكانت أحياناً تهرب وأحياناً أخرى تهمس في أذنه وكأنها تلقي عليه تعليمات معينة يجب أن يفعلها.. أما الرجل فكان يومئراً رأسه بالموافقة أحياناً وبالرفض أحياناً أخرى. كان يأكل شرائح البطاطس ثم يلعق أصابعه بعد كل شريحة يأكلها.

توقعت غادة أن هذا الرجل ما هو إلا طفل لم يتجاوز الخامسة من عمره وأن من تجلس بجواره هي والدته، ولكنها ظلت تفكّر.. أين روح هذا الرجل؟ هل هي داخل جسد طفل صغير؟ ولما لم يأتِ هو ويظل هذا الرجل المُسن في منزله؟ هل الروح هي من تحكم بالجسد أم الجسد هو من يتحكم بالروح؟ روادتها أسئلة لاحصر لها.. تركت هذا الرجل وشرائح البطاطس وأكملت جولتها بين

الجالسين...

ظلَّ مينا يدق على الباب وكأنه يعزف لحنًا شعبياً عليه، وعندما فتحت والدته الحقيقة انحني بشكٍّ مسرحي وكأنه مثل انتهى حالاً من عرض دوره على المسرح وينتظر تصفيق حارمن المشاهدين .

- أهلاً يا محمد ازيك تعالى ادخل يا واد.

- أهلاً أهلاً أهلاً بأعز الحبابـ.. أهلاً..

كان يردد هذه الأغنية وهو يصفق بيديه.

ضحكـت والدة مينا وأفسحت له الطريق لكي يدخل.

- وحشتي ياست الكل.

- صدقني أنت كمان يا محمد، وبعدين ما أنت كنت هنا امباح يا واد لحقت

أوحشك يا بكاش.

رَدَ عَلَيْهَا وَهُوَ يَغْفِيْ: بِتَوْحِشِنِيْ وَأَنَا وَيَاكَ بِتَوْحِشِنِيْ..

بعد أن أغمض عينيه متقمصاً لشخصية شيرين المطربة.. ثم وبدون سابق إنذار يتحول إلى موضوع آخر تماماً كعادته ويسألهما: أومال فين مينا بيء؟

- راح النادي من بدرى يلعب رياضة.

أجاها بضحك كبيرة: أيوة أيوة، أنا عارف الرياضة اللي بيلعيبها. ثم قام بتقليد المصلين.. يركع ثم هم بالوقوف سريعاً.. فعلها ثلاثة مرات تقريباً.

مينا لم يكن يكثرث بالأديان، لا الدين المسيحي ولا الدين الإسلامي، وإن كان يحب المسيح حُبّاً خاصّاً، وكان دائمًا يسخر من الجميع، ولكن بعفوية شديدة دون أن يتعمّد الإساءة.. هذه هي طبيعته..

فمن يراه من المسلمين يحسبه مسلماً لسخريته على المسيحيين، ومن يراه من المسيحيين يظنه مسيحيّاً بسبب سخريته على المسلمين. عكس محمد الذي كان متشددًا بعض الشيء ومتخيّلاً لدینه الإسلامي، وكثيراً ما كان ينهر مينا على طريقة في السخرية من المسلمين فيكون ردّه عليه.. يا ابني أنا لا مسلم ولا مسيحي أنا إنسان، أنا لا ديني..

بالرغم من حُبّ مينا للمسيح والصلب كان لا يفارق رقبته، إلا أنه كان شخصية مزدوجة غريبة يشعرك دائمًا أنه لا ديني فعلاً، ولكنه في النهاية وفي كل الأحوال شخصية مرحة وودودة يحمل من صفات أبناء البلد شهامتهم وجدعنتهم.

لم تفهم والدة مينا ما يقصده، فأطاحت بيدها وهي تبسم له بلا مبالاة، ثم دعته للجلوس حتى يأتي مينا.

- بقولك إيه ياما، أنا عايزة أكل التهارده من إيدك، وحشني أكلك بصراحة.

لم تتعجب والدة مينا من كلمة ماما التي قالها، فمينا كان دائمًا يقول كلمة ماما أو سرت الكل على والدته ووالدة محمد في نفس الوقت. عكس محمد الذي كان دائمًا يقول (طنط) لوالدة مينا كما كان يسبقها دائمًا بكلمه حضرتك، وهذا ما جعله يعاني كثيرًا في بداية تبادل الأرواح التي أصُيب بها هو ومينا، حتى اعتاد على كلمة ماما، ولكن لم يستطع أن يحذف كلمة حضرتك من حديثه دائمًا مع والدة مينا والتي أصبحت والدته حالياً، حتى أنها كانت تتعجب كثيرًا لأخلاق ابنتها التي تبدلت، فقد كانت سعيدة وحزينة في نفس الوقت.. سعيدة لاحترامه لها دائمًا واحترام كل ماتقوله وتنفيذها بحذافيره.. وحزنها لأنه أصبح جادًا وملتزماً أكثر من اللازم، فلا يمزح ولا يشاكها كما كان يفعل من قبل.. إلا أنها كانت تترجم هذه التصرفات وتبدل الأحوال هذا إلى أنه سن ما بعد المراهقة وطبعي أن يكون هناك تغيير في شخصية المراهق بعد أن ينضج، فوالدة مينا كانت مثقفة إلى حدٍ كبير، وكانت تحب الاطلاع دائمًا على كل شيء.. وعندما وجدت ابنتها يتصرف بهذا الشكل بحثت واستشارت حتى علمت أن هذا التغير طبيعي وأن عليها أن تتجاوب مع الموقف وتتصرف بحكمة حتى لاينفلت منها ولدها.

- عن يا حبيبي، شوف عايزي أعملك إيه وأنا عملك بالرغم أن الساعة 4
بس اللي هتطلب به هيتعمل.

- إذا كان كدة، أنا نفسي في مكرونة بالبشاميل.

- خلاص أعملك أنت مكرونة عادية وأعمل لمينا مكرونة بالبشاميل
صيامي، ما أنت عارف بقى احنا صائمين وهو بيموت فيها مش هيقدر يمسك
نفسه لو شافها.

- بصي بقى صيامي أو شيرازي أنا عايز أكل مكرونة بالبشاميل الباردة.
- خلاص هقوم أخلي البواب يجبي لبن وبيبض.. ما أنا مش بدخلهم البيت في
فترة الصيام، وهم عملك حلاً.

رأت فتاة قبيحة جداً تجلس في آخر الطرفة تواري وجهها عن الجالسين
وتبكي بين الحين والآخر.. تعجبت غادة لمنظرها وكعادتها لبت نداء فضولها
وذهبت إليها، وبدأت معها حواراً.. بدأته بشكلٍ غريب مع اندهاش محمد لما
تفعله غادة.

رنَّ جرس التليفون، فالتحقق عmad من على المنضدة المجاورة للكرسي الذي
كان يجلس عليه، أما سعيد فكان مستلقياً على الأريكة المجاورة للكرسي.
نظر عmad إلى الشاشة ليجد اسم مروة، فتعتمد أن ينطق اسمها بصوتٍ
عالٍ، ربما ليعرف رد فعل العاشق الولهان سعيد، وربما ليزيد لهيب شوقيه
أكثر، وقد يكون بداية انتقام منه باستخدام مروة لترويضه وتأدبه.

انتقض سعيد من على الأريكة بمجرد سماع اسمها، بلع ريقه بصعوبة
ودقات قلبه قد تكون مسموعة لعماد.

- ألو ازيك يا مروة، إيه؟ نسيتي ساعتك عندي؟ طب استني كده هقوم أشوفها.

قام سعيد خلفه كظله، دخل عماد الغرفة ولمح الساعة بالفعل على التسريحة فرداً عليها: أيوه يا مروة موجودة فعلأ. ماتقلقيش هشيلها لك في دولابي لحد لما تبيجي.

صمت عماد قليلاً مستمعاً لما تقوله مروة ثم رد عليها:

- طب أعمل إيه يا مروة بس؟

شعر سعيد من رد شقيقته أن مروة قد تضليلت، فخطف التليفون من عماد دون استئذان كعادته وتحدث معها.

- ازيك يا مروة، أنا سعيد.

- ازيك يا سعيد.

كلما سمع صوتها كان جسده يتنفس، فبالرغم من أنه لم يتعرف عليها إلا من سويعات، إلا أن الحب قد تمكّن من قلبه.

- مروة أنا هنزل أجيبلك الساعة لحد عندك. ياريت بس لو تقدري تجييلي في أي مكان قريب من بيتك.

- لا شكرأ يا سعيد مش عايزة أتعبك معايا.

- لا ماتقوليش كده عشان ما أزعّلش منك.. انتي تعبك راحه.

سألها عن مكان بيته، فأخبرته واتفقا على مكانٍ قريب منه يتقابلان فيه.

- أوك يا سعيد أنت قدامك قد إيه وتيجي؟

- هلبس وأنزل هوا، وبعد إذنك هاخد رقمك من غادة عشان قبل ما أوصل أكلمك تنزلي.

قال هذه الجملة بخبثٍ شديدٍ، وقد شعر عماد بخبثه وشعر أيضاً أن خطأ
غادة بدأت في النجاح.

- أوكى ياسعید میرسی أوي.

قالت هذه الجملة وكأن كل حرف فيها يعزف سيمفونية موسيقية منفردة.
ركضَ سريعاً إلى الحمام. حلق ذقنه في لمح البصر، ثم اتجه إلى غرفة نومه
بدَّل ملابسه في سرعة البرق. رشَّ عطرًا على كل أنحاء جسده.
تعمَّد أن تراه بشكل آخر غير الذي رأته عليه في المنزل.

حدث المشهد كله في دقائق معدودة وكأنك تشاهد فيلماً لشارلي شابلن، أما
عماد فروادته أحاسيس مختلطة.. كان يريد الضحك بصوتٍ عالٍ، وكان سعيداً
جداً لما وصل إليه سعيد من مشاعر حبٍ بدَّلته، فها هو سيسهر الليل ببطوله
يسمع عبد الحليم حافظ ويبتعد عنه قليلاً، كما أنه سيتدوّق من لوعة الحُبِّ
وعذابه وتمنع مروءة عنه ودلالها الزائد.

عندما ذهبت غادة إلى الفتاة واقتربت منها أكثر، وجدتها تزداد قبحاً من
 قريب، فحاولت أن تسيطر على مشاعرها قبل أن تظهر على وجهها علامات
الاشمئزاز فتحزن الفتاة. اقتربت غادة من أذن الفتاة بجسدها الرجولي وهمسَت
قائلة: تبادل أرواح؟

وكأنها "ديلر" يعرض على زبائنه مخدرات (ترامدول يابيه؟)
اندهشت الفتاة من جرأة هذا الرجل عندما اقترب منها، ولكنها سرعان
ماتبدل ملامح وجهها بمجرد أن سمعت جملة تبادل أرواح هذه.

كان محمد يراقب المشهد من بعيد مراقبة حذرة، فقد يضطر إلى التدخل في أي وقت إذا قامت الفتاة وهرت غادة، ولكن بعد أن رأى ملامح الفتاة في البداية تدل على اندهاشها المختلط ببعض الغضب سرعان ما تبدل إلى ملامح اطمئنان، عندما قامت غادة بالهمس مرّة أخرى في أذنها، ثم تحول سريعاً إلى الدهشة والتعجب مرّة ثالثة، ولكن هذه المرة كان ممزوجاً ببعض علامات الرضا.. كان يترعرع شوقاً لمعرفة مايدور بينهما، ولكنه أبي ذلك أيضاً وجلس على كرمي غادة التي تركته منذ قليل يراقب ما يحدث من بعيد.

"ماتقلقيش أنا كمان زيك"

همست بها غادة في أذن الفتاة.

اندهشت الفتاة جدًا وغضبت بعض الشيء، فمهما كان لا يجب أن يقتحم رجل فتاة بهذا الشكل الجريء والفحج في آنٍ واحد حتى لو كان يعاني من شيء معين مثلها.

"وأنا بنت على فكرة"

همست بها غادة عندما وجدت الفتاة ستبدأ في غضبها.

هنا فقط بدأت الفتاة في الاطمئنان فعلاً، ولكنه اختلط بعلامات الرضا، فمهما كان ما تشعر به الآن هناك من يشعر بما هوأسوا منها.

ظلَّ محمد يراقب الموقف من بعيد وتعجب جدًا عندما فتحت الفتاة حقيبتها دون أن تنطق بكلمة واحدة، ثم استخرجت منها شيئاً لم يُميزه جيداً وأعطته لغادة.

رنَّ تليفونه المحمول فأخرجه بحركة كوميدية، ثم ألقاه إلى أعلى بيدِ ليلقطه سريعاً باليد الأخرى.. نظرت إليه «تربيزة» لتنحسر على أيام شقاوتها، فهَا هو محمد يذكّرها بهذه الأيام قبل أن يتبدل ابنها مينا إلى طريقته الجادة وخجله الزائد وابتسمت بحسرة.

كانت والدته هي المتصلة، فردَّ عليها:

- أيووووه يا ماما.

- انزل عشان تتغدا.

- لا أنا هاكل هنا.

- ياواد أنا مش قولتلك حضر الغدا وأندهلك.

- انتي عاملة مكرونة بالبشاميل؟

- لأ عاملة سمك.

- خلاص اعملي مكرونة بالبشاميل وأنا أنزل.

- انزل ياواد بلاش دلع فارغ.

أعطى التليفون لوالدته الحقيقية وقال لها هامسًا: قوليهما انتي إني هتغدا هنا.

- أيوة يا «عيسية»، نطقت اسم عائشة هكذا كما ينطقه أغلب المصريين..
سيبي الواد يأكل المكرونة اللي بيجهما أنا عملاها له مخصوص.

- أيوة ياتريزه ازيك ياحبيبي.. ماشي عشان خاطرك انتي بس.

- تسلمي لي ياحبيبي، وابقي اطلع يا أخي شوية ده أنا بقالي يجي أسبوع ماقدرتش معاكِ.

- طب ماتنزلني انتي.

- عنيا ياحبيبي هنزلك بالليل شوية.

- تشرفي وتنوري ياحبيبي، هستناكي إوعي ماتنزليش.

مجزأً أن سمع مينا موافقة والدة عماد على تناوله الغداء بمنزل تريزة حتى ظل يرقص بحركات كوميدية وتريزة لم تنه المكالمة.. فأشارت له بأن يكف عما يفعله حتى تستطيع أن تنهي المكالمة دون أن تضحك، ولكن ههات، فكان يزيد من حركاته حتى إنه مسك بذراعها وظلّ يتمايل وكأنه يرقص معها "سلو" على أغنية رومانسية.

وقف سعيد حيث اتفق مع مروة يلتفت حوله كل لحظة. ينتظراها وهو يعدل من قميصه، ثم يعدل من هندام تسريحته، وينظر على حذائه ليتأكد أنه لامع كما هو،

حتى.. !

رأها من بعيد تهrol في المجيء.

- آسفه يا سعيد أتأخرت عليك.

- ولا يهمك أنا عندي استعداد أفضل واقف لحد بكرة.

ضحكـت بنعومة، فقد شعرت من أول دقيقة دخلت فيها منزلـ غـادةـ أنـ سـعيدـ أـعـجبـ بـهـاـ،ـ وـلـمـ تـبـالـ لـهـذاـ،ـ فـيـ مـعـتـادـةـ عـلـىـ إـعـجـابـ رـجـالـ كـثـيرـينـ بـهـاـ مـنـذـ اللـحـظـةـ الـأـوـلـىـ،ـ بـعـدـ أـنـ شـكـرـتـهـ مـدـدـتـ يـدـهـاـ لـتـتـنـاـولـ السـاعـةـ،ـ فـمـدـ يـدـهـ وـلـسـ يـدـهـاـ،ـ اـسـتـغـرـبـتـ جـداـ لـجـرـأـتـهـ،ـ وـقـالـتـ لـهـ:

- السـاعـةـ بـعـدـ إـذـنـكـ.

- أية طبعاً اتفضلي.. ثم استطرد حديثه قائلاً: أنا كنت فاكرك بتسلمي علىَّ، قالها وبراءة الأطفال في عينيه.

شكرته ثم همت بالرحيل.

- إيه ده.. إيه ده؟ خلاص كده؟

قالها وهو يمط شفتيه اعتراضًا.

أجابته بنبرة جافة: أية خلاص، هو في حاجة تاني؟

- لا خلاص مافيش أنا بس كنت بقول نشرب حاجة ساقعة يعني وكده.

- حاجة ساقعة؟ نظرت إليه باشمئاز قائلة: لا آسفه جدًا، لازم أمشي حالاً.

بالرغم من جفافها في المقابلة إلا أن مشاعره تجاهها لم تقل سلتميترًا واحدًا، بل زادت أكثر، خصوصاً أنها قد ارتدت بنطلونًا جيتز و”تي شيرتا“ أيضًا بدت فيه كالملائكة بوجهها الطفولي البريء، فرأها في هذه المقابلة فاتنة أكثر من ذي قبل. نظر إليها في حسرة ووافق على الرحيل، فليس أمامه حل غير الموافقة.

فهي ليست غادة أو سمرة أو هند شقيقاته اللتين يتحكم بهما أو يجبرهما على فعل معين.. هي حتى الآن ليست تحت سيطرته، ولكنه في قرارة نفسه كان يتوعد لها داخلياً عندما تكون تحت قبضة يده.

لَوْحَتْ لَهْ بِيَدِهَا بِعَلَامَةِ السَّلَامِ وَرَحَلَتْ!

ظلَّ واقفًا يتابعها وهي تسير لآخر الشارع حتى اختفت تماماً من أمام عينيه.

التقطت غادة الصورة التي ناولتها إياها الفتاة. نظرت إليها وهي لا تصدق ماتشاهده.

فتاة بيضاء كالثلج.. عينان زرقاواني.. شعر أصفر حريمي كشلالات ذهب.. شفتان تبدوان كالفروالة في تمام نضجها.. أنف صغيرة كحبة النبق.

الصورة كاملة كأنها مرسومة بعنایة بالألوان الزيتية.

سألتها غادة باستغراب:

- إيه ده؟ مين دي؟

أشارت على نفسها وقالت "مي".

كانت تقصد نفسها بالإنجليزية.. قالتها بحسرة وحزن.. سقطت دمعة من عينيها فمسحتها سريعاً بطرف منديلها.

صدقها غادة على الفور، فالوضع الذي تمر به الآن يجعلها تصدق أي شيء في الدنيا، فها هي داخل جسد عماد بكل سهولة ويسر، فلماذا لا تصدق ما تقوله الفتاة، ولكن..!

فضولها الكبير بالطبع جعلها تهجم على الفتاة بأسئلتها المعتادة.

- وجسم مين اللي انتي جواه ده؟

- جسم رباب بنت البواب بتاعنا. كانت كل جملة تقولها الفتاة تقولها بحسرة وألم، وكان قلبياً يعتصر مع كل كلمة تنطقها.

- وهي فين دلوقتي؟

- دي قصة طويلة شوية.

- أنا معاي للصبح، بس تعالي نخرج برة في الطرقه عشان تتكلمي براحتك.
و قبل أن يهـما بالخروج من الشقة..!

نادت السيدة المسنة على رقم (15) والذي كان يخص الفتاة القبيحة أو الفائقة الجمال. اعتذرـت الفتـاة من غـادة و هـرولـت إـلى غـرفة الست نـعمة. نـظرـت إـلـيـها غـادة فـي حـسـرة، فالـفـضـولـ قد يـقـتـلـها وهـيـ بالـدـاخـلـ، ولـكـنـها تحـاـمـلـتـ عـلـىـ نـفـسـهـاـ وأـخـبـرـتـهـاـ إـنـهـاـ تـنـتـظـرـهـاـ هـنـاـ لـتـسـمـعـ قـصـتـهـاـ عـنـدـمـاـ تـخـرـجـ. وـافـقـتـ الفتـاةـ عـلـىـ الفـورـ وهـيـ تـسـرـعـ لـلـدـخـولـ قـائـلـةـ: أـوـكـيـ أـوـكـيـ..
أـشـارـ إـلـيـهـاـ مـحـمـدـ بـأـنـ تـأـتـيـ سـرـيـعـاـ.

كـادـتـ أـنـ تـنسـىـ أـمـرـ مـحمدـ وـأـمـرـ وـجـودـهـ هـنـاـ مـنـ فـرـطـ فـضـولـهـاـ لـمـعـرـفـةـ قـصـةـ الفتـاةـ، فـذـهـبـتـ إـلـيـهـ وـهـيـ تـعـلـمـ أـنـهـ يـرـيدـ مـعـرـفـةـ مـاـيـحـدـثـ وـقـدـ أـخـبـرـتـهـ بـالـمـوـضـوـعـ وـأـنـهـاـ تـنـتـظـرـ الفتـاةـ لـتـعـرـفـ قـصـتـهـاـ كـامـلـةـ.. اـبـتـسـامـةـ اـبـتـسـامـةـ عـرـيـضـةـ، فـبـدـأـ يـعـلـمـ أـنـ غـادـةـ فـضـولـهـاـ كـبـيرـ جـداـ، فـقـدـ جـرـيـهـ هـذـاـ الصـبـاحـ فـيـ الـمـسـجـدـ وـفـيـ الـمـقـرـىـ وـفـيـ التـاكـسيـ وـهـاـ هـيـ الصـحـيـةـ الثـانـيـةـ تـقـعـ فـيـ يـدـهـاـ، فـأـوـمـاـ بـرـأـسـهـ بـاـبـتـسـامـةـ عـرـيـضـةـ وـصـمـتـ.

ادـعـتـ سـارـةـ أـنـهـاـ تـرـيدـ النـومـ بـحـركـاتـ مـلـحوـظـةـ، مـرـةـ تـفـرـكـ عـيـنـهـاـ وـمـرـةـ
تـنـثـاءـبـ، حتـىـ لـاحـظـتـ وـالـدـتـهـاـ تـصـرـفـاتـهـاـ فـقـالـتـ لـهـاـ:
- طـيـبـ يـاـحـبـبـتـيـ أـنـاـ هـقـومـ بـقـىـ عـشـانـ أـبـوـكـيـ مـاـيـقـعـدـشـ لـوـحـدـهـ.
- لـيـهـ يـاـمـامـاـ مـاـاـنـقـيـ قـاعـدـةـ.

- معلش يا حبيبتي هبقى أجيلك يوم تاني. المهم ابقي طمني لما جوزك
يوصل بالسلامة حتى لو بربنا على التليفون وأنا هفهم.

لم تلح عليها سارة في البقاء وتركتها ترحل في سلام.

وبالفعل رحلت والدتها، وبالطبع هرولت سارة إلى الدولاب لفتح الأجندة
مرة ثانية قبل أن يأتي عماد، ولكنها فكرت أن تطمئن عليه أولاً قبل أن تبدأ في
القراءة، فمن ناحية لتنتأكد فعلاً أنه بخير، ومن ناحية أخرى كانت تريد أن تقدر
المسافة التي يبعدها عن البيت حتى تعرف متى تقرر الانتهاء من القراءة وتضع
الأجندة مكانها قبل أن يحضر.

- ألو، أيةو يا عماد.

- اضطربت غادة جداً، فهي فعلاً قد تأخرت، ولم يخطر ببالها أن تتصل
بسارة لطمئنها.

- أيةو يا سارة أزيك، أنا أسف جداً الرجل اللي تعب طلع أهله في أول
الصعيد وهو تقريباً كان جاي يخلص مصلحه هنا في القاهرة.

فرحت سارة لأنه سيتأخر وقاطعته:

- ولا يهمك يا عماد براحتك.

اندھشت غادة جداً من رد سارة وقالت:

- انتي اتغديتي؟

- لا هستناك.

- لا اتغدي انتي انا مش عارف جاي إمتي.

- حاضر.

أجابتها سارة دون جدال، وهو مازاد استغراب غادة أكثر، ولكن سعادتها كانت أكثر من استغراها، فسوف تأخذ وقها كما قالت لها سارة، وسوف تعرف قصة الفتاة وقبل كل هذا وذاك سوف تدخل إلى المست نعمة وتسمع إليها وترأها.

أنهت سارة المكالمة سريعاً واتجهت في أمان إلى الدوّلاب واستخرجت الأجندة واستلقت على السرير لتسكمل القراءة، ولكنها ظلت تقلب الصفحات، فالأجندة كبيرة وهي تريد أن تقرأ من هنا وهناك لتعرف عن غادة كل شيء وسبب طلاقها من عماد الذي رفض أن يذكره رفضاً باتاً.

دخلَ مينا الغرفة وقام بالاتصال بمحمد ليعرف أين هو، فكل تحركاتهما معروفة لكلِّي مسبقاً وهو الآن لا يعلم أين محمد.

- ألو، أنت فين يا ض؟

- ازلك يامينا أنا عند المست نعمة.

- يادي المست نعمة اللي لحسست دماغك؟ يا ابني قُلْتِكْ فُكْكِ منها. ماله الوضع كده؟ ما احنا زي الفل أهو.

- طبعاً وأنت يهمك إيه.. ما أنت لا فارق معاك امتحانات ولا نتيجة يافايشل، وغيركده لا فارق معاك صلاة ولا صوم، طبعاً هتضايق ليه؟

ضحك مينا ثم قال له:

- خلاص خليك زي وأنت تعيش ملك، المهم أنت جاي إمقي؟

- لما أخلص أنا وغادة.

- أيووووه بقى، قول بقى غادة مزتك مش تقولي الست نعمة.. مين غادة دي
ياض انطق قبل ما أشرحك أنت بتعرف مز من ورايا؟

- بطل بقى طريقتك الهمجية دي، وبعدين هبقى أحكي لك بعدين.. المهم أمي
كونيسة؟

- نشكر بنا، وأنا قاعد مع أمي دلوقتي عشان المكرونة بتاعتها وحشاني.

- طيب يا أخوي يا بتابع بطنك.. هو ده اللي أنت فالح فيه.. يلا خلي بالك على
نفسك، سلام.

ضحك بصوت عالي ثم قال: وهي الدنيا إيه يا صاحب غير أكل ومزز، ماشي
أنت كمان خلي بالك على نفسك، سلام.

"واد يامحمد قرفتك حلوة عملت الصينية ودخلتها الفرن خلاص، دي أسرع
صينية مكرونة عملتها في حياتي"

قالت تريزة هذه الجملة وهي تبتسم.

- أيوة بقى ياتريزة يا جميلة انتي، ربنا يخليلي ليها.

ضررت الأم الرجل المُسنّ على ظهر يديه فصرخ وظلَّ يبكي وسط امتعاض الجالسين، فتوترت من بكائه جدًا وظللت تُرثي على كتفه وتضممه إلى حضنهما حتى يهدأ ويتوقف عن البكاء.

كان أغلب الجاسين مندهشين لتعامل هذه السيدة مع رجل مسن في عمر والدها وقد يكون والدها فعلاً. كانت نظرات بعضهم يملؤها الغضب ونظرات البعض الآخر يملؤها الاحتقار، أما البعض الآخر فكانوا مشفقين على هذا الرجل المسن الذي يُعامل بهذا السوء من ابنته، إلا غادة؛ فهي من النظرة الأولى فهمت الحقيقة لذلك كانت الوحيدة التي تبتسم. وقلة قليلة من الجالسين الذين فهموا الأمر من أول نظرة ربما لإصابتهم بنفس الشيء.

تجولت بنظرها مرةً أخرى حول الجالسين، فوجدت ولدًا صغيرًا، توقعت أن يكون في المرحلة الابتدائية، يجلس وحيدًا على "كرسي متتحرك" دون مرافق، كان متوتراً جدًا بالرغم من جلسته الوقورة وازانه على غير عادة الأطفال في هذا السن، ولكن ما أثار دهشتها ودهشة بعض الموجودين أنه أخرج عليه سجائر من جيبه وأشعل سيجارة وهو يتائفف، وكأنه يريد الدخول سريعاً للست نعمة ويرحل من هذا المكان الذي يشعر فيه بالغرابة.

توقعـت غادة أن يكون هذا رجلاً كبيراً ناصحاً، فتصرـفاته كلها توحـي بذلك، ولكن راودتها أسئلة كثيرة كالعادة.. هل جسد هذا الطفل لوالده؟ ماذا يفعل في عمله؟ هل يذهب الطفل حاملاً روح أبيه إلى عمله بدلاً منه؟ كيف يتصرف في العمل؟ فهي ورغم نضجها إلا أنها في بداية عملها بشركة عـمـاد كانت تخطـء كثيراً، فـماـذا لو ذهـبـ طفلـ صـغـيرـ بـعـقـلـ صـغـيرـ في جـسـدـ رـجـلـ نـاصـحـ إلى العمل؟ أـكـيدـ ستـكونـ قـمـةـ الكـوـمـيـدـياـ.

لا لا مؤكـدـ أنهـ أـخـذـ إـجازـةـ منـ عـمـلـهـ.. فلاـ يـعـقـلـ أـبـدـاـ أـنـ يـحـدـثـ هـذـاـ، هـكـذـاـ حدـثـتـ نفسـهاـ دـاخـلـيـاـ.

بعد عشر دقائق فتح باب غرفة المست نعمة، وخرجت الفتاة القبيحة متوجهة سريعاً إلى باب الشقة وهي منفعلة. هرولت إليها غادة بعد أن فتحت باب الشقة وخرجت وجذبها من ذراعها لكي تقف:

- إيه اللي حصل فهمي.

- بليز.. أنا عايزه أمشي، أنا ما بقتش طايقة نفسى خلاص.

- احنا مش اتفقنا هتحكيلي قصتك؟ انتي بتخلفي بوعدى معايا يعني؟

قالها وكأنها ترجاها بود للتحدث.

ثارت الفتاة بكلام غادة ثم وقفت وقالت لها: أوي هحكيلك "كوكلي" وخليني أمشي.

- ماشي.

(تزوجت عماد أخيراً يوم الخميس الموافق 2008/1/4، وتركت بيتي وشقيقي وأمي إلى الأبد. كان يوماً رومانسيّاً جميلاً.. رقصنا طويلاً في الفرح، ثم أصطحبني بعدها إلى سفح المقطم.. ياه فكم كنت أعيش هذا المكان.. وهو كان يعلم ذلك.. كنت أراه فقط عبر التلفاز وعشقته من خلاله، بل وكان حلم حياتي أن أذهب إلى هناك وها هو يحقق لي حلم حياتي.. رحل المعاذيم واحداً تلو الآخر ورحلت أمي وأخي - سامحهم الله- وكانت سعيدة جداً لأول مرة بأنني سوف أتخلص منها وأعيش بدونهما، ومهمما حدث لن أعود إليهما مرّة ثانية إن شاء الله.. رجعنا إلى البيت في هذا اليوم وحملني عماد كما تحمل الأم رضيعها

وأدخلني الشقة وجلس أمامي أرضاً وظلَّ يقبِّل يديِّ بهم وكأنه طفل جائع. كنت خجولة بعض الشيء، فها هو أول رجل يلمسني، بل ويُقبِّل يدي. كنت سعيدة وكدت أطير من الفرحة، فعماد رجل جميل.. أخلاقه عالية جداً.. أحبني كثيراً منذ اللحظة الأولى كما أحببته أنا أيضاً، ورغم خجلِي إلا أنه استطاع أن يُزيل هذا الخجل شيئاً فشيئاً بذكائه.. لم يقربني في الليلة الأولى حتى أهدأ تماماً وأستطيع أن أجيبه دون خجل.. بدلنا ملابسنا وتناولنا العشاء، وضمني إليه بشدة.. كم كان حضنه دافئاً.. ودَدْتُ لولم أخرج من حضنه أبداً. كنت أحتاج إلى هذا الحضن كثيراً. كنت أحتاج أن تضمني أمي لصدرها ولو مرة واحدة في حياتها أو يربت أخي على كتفي ولو مرّة واحدة، لكنها لم تحدث ولن...)

توقفت سارة عن القراءة كثيراً، وطلت تدخّل الموقف فيما بينهما، بالرغم من غيرتها الشديدة لما قرأتة، فعماد لم يحدث بينها وبينه شيئاً أمس، إلا أنه رغم ذلك كان جريئاً وفجأة بعض الشيء.. كما أنه لم يقبلها من يدها ولم يجلس أمامها أرضاً، كل ما كان بينهما أمس قبلات وأحضان فقط.. إلا أنها تعجبت جداً من كلام غادة وحديثها عن أخيها ووالدتها، فهل يعقل أن يكره شخص أهله لهذه الدرجة؟

تركت هذه الأسئلة وطلت تقلب في صفحات الأجندة.

(أصبحت الآن لا أخجل من عماد، بل أصبحت أسبح في حضنه كثيراً لأتعبر من حنانه الذي لطالما افتقدته، بل لطالما لم أشعر به من قبل.. خرجننا كثيراً وجعلني أشاهد أماكن لم أشاهدها من قبل.. كان كريماً معي إلى بعد حد، يغمرني بالهدىية كلما خرجننا.. إنني أحب هذا الرجل جداً، بل إنني أعشقه وأريد أن أكرس حياتي كلها له، أدعوا الله كثيراً أن يبارك لي فيه...)

زادت استشاطة سارة من الغيرة جداً لدرجة أن وجهها تحول إلى اللون الأحمر من شدة الحرارة الصادرة منه، وبالرغم من أنها لم ينشأا بينها وبين عماد

قصة حُبٍ، إلا أنه زوجها وملكيها الآن وحديث غادة عنها كان يجعلها تجن، فرَت سريعاً في صفحات الأجندة...

(لقد تأخر حمي كثيراً، وبدأت في القلق كما بدأ عماد أيضاً، وأشعر أن والدته تسلطه علىَّ كي يتزوج.. لا أعلم لماذا لا أرتاح نفسياً لهذه السيدة، هي لم تفعل معي أي شيء يسيء لي، ولكنني أبغضها، قد يكون لأنَّ عماد ملكها ولها حقوق عليه.. وأنا أصبحت أحبه لدرجة الجنون ولا أطيق أن يكون لأحد غيري.. وما أحزنني كثيراً اليوم، أنه تحدث إلىَّ ولأول مرَّة منذ زواجنا في أمر الإنجاب واقترح علىَّ أن نذهب إلى الطبيب. أشعر أنه بدأ يقلق، ولكن ماذا بعد القلق وماذا لو هناك خطأ مني، هل سيتزوج علىَّ؟ لو تزوج علىَّ سأقتل زوجته وأقتله معها، لن يمس واحدة غيري أبداً، لن أسمح أن تتمتع واحدة أخرى بحضنه غيري...)

هنا فقط.. توقفت سارة عن القراءة وهي مبتسمة ممزوجة بلذة الانتصار، فها هو عماد أصبح ملِكَ لها ولتمتنع غادة أعلى ما في خيلها، بل هي سبق لها الإنجاب أيضاً وستتحقق لعماد حُلم حياته في الإنجاب، وستحافظ عليه حتى لا يتركها ويعود لهذه المسممة غادة وستظل في حضنه تستمتع به إلى الأبد.

نهشت الغيرة في قلبي مرَّة أخرى وظلت تقلب في صفحات الأجندة.

- أنا اسمي «مايا» وعايشة في الزمالك، وعندنا بباب له بنت اسمها زففة رباب.. اللي أنا جوة جسمها دلوقتي، ومن شهرين صحيت لقيت نفسي في أوضة الباب..

وأخذت تعيد على غادة هذا المشهد الذي حدث منذ شهرين..

- بت يارباب اصحي، الجيران عايزين حاجات من السوق، اصحي يابت بقولك.
- إيه ده أنا فين؟

- هتكوني فين يعني يا أختي، قومي يابت انجري.

- إيه التخاريف اللي أنت بتقولها دي؟ "أريوكريزي" قالتها مايا بتعالٍ وتکبرٍ، وأول ما حضرفي ذهنها أن الباب قد يكون وضع شيئاً لها في أي مشروب، وفعل بها ما قد يفعله أي رجل في مثل هذا الموقف، ولكنها سرعان ماتذكرت أن عم إبراهيم رجل طيب متدين، وقد ولدت وهو موجود بالعمارة، كما أنها في مثل عمر ابنته تقرباً، وحتى لو أراد فعل أي شيء بها لن يفعله في غرفته في العمارة وسط أبنائه وزوجته، وخصوصاً أنها عندما التفتت حولها وجدت باقي أبنائه مازالوا نائمين، ولكن بالرغم من كل ذلك.. ظلت في حالة هلع مما يحدث حولها.
- تخاريف إيه يابنت الكلب ياجزمه، والله لأربكي.

ردد عليها عم إبراهيم وهو منفعل جداً، وبدأ يقترب منها بالفعل ليضربها. نهضت مايا من على الأرض وصعدت إلى شقتها وهي تهرون، وظلت تدق الباب بشكل هيستيري حتى فتحت لها والدتها.

- ازيلك يارباب خير؟

- رباب مين يامامي؟ أنا مايا.. أنا مايا.

- مامي؟؟ مالك يابنت فيكي إيه انتي اتجننني.

ظلت مایا تصرخ ودفعت امها من أمامها، وهرولت على غرفتها وسط صيحات من والدتها وهي تمنعها عن الدخول، فقد تخيلت والدة مایا أن رباب قد جنت أو تريد سرقة شيء بالمنزل.. تركت مایا والدتها وهي تصرخ وهرولت على غرفتها، فهي أصلًا لا تبالي بأي شيء يحدث في البيت.

مایا ابنة وحيدة ووالدها توفي.. كانت والدتها تُلبي لها كل طلباتها، فهي مُدللة جدًا وكانت طوال حياتها تشعر بجمالها غير الطبيعي، فبدأت في الغرور رويدًا حتى أصبحت لا تطاق من غرورها، وأصبح الناس تتفرق من حولها وتتنفر منها.. ومن يبقى بجوارها لا يبقى إلا مصلحة ما.

عندما وقفت أمام المرأة، فوجئت بشكلها الجديد.. شعر أشعث.. وجه قبيح.. بشرة غير صافية ملطخة ببقع ملونة.. جلباب قد يكون نظيفًا، ولكنه ممزق يظهر من تحته جسد نحيف بارز العظام لا يسر الناظرين.

ظلت مایا تصرخ بهستيرية وهي تنظر في المرأة، حتى وجدت من ينام على سريرها.. التفتت لتجد نفسها نائمة في سلام كالملاكتة.. سقطت على الأرض في نفس الوقت الذي صعد إليها الباب خلفها ليوسعها ضربًا على اعتبار أنها ابنته.

- ها وايه اللي حصل؟ كانت غادة تسمع بإنصات شديد جدًا لما تقوله الفتاة.. كان ينقصها فقط صحن مليء بالفيشار أو المكسرات ليكتمل استمتاعها بالحكاية.

- في الأول مامي ما كنتش مصدقة إن أنا مایا لحد ما قولتها حاجة محدث في الدنيا يعرفها غيري أنا وهي، ولما أخذت رباب على جنب وسألتها على الحاجة دي ماعرفتش.. شوية شوية ابتدت تصدق وعملنا قاعدة مع بعض وتوصلنا في الهايا إن أنا هفضل مع مامي لأنها رفضت بشدة أنزل تحت عندهم وأنا طبعًا عمري ما كنت هنزل في القرف ده.. ورباب فضلت معانا برضو لأن مامي رفضت جسمى يفضل تحت عندهم.. وعم إبراهيم وافق خصوصًا إن أنا ومامي قاعدين لوحدينا في الشقة وما فيش شباب أو رجاله معانا، ده غير إنهم طبعًا

ماصدقوا.. وأنا حياتي اتحولت جحيم، أنا كل يوم بتمني الموت، ومرة حاولت الانتحار، انهمرت الدموع من عين الفتاة وانهارت تماماً.

حاولت غادة أن تهدئها وروت لها قصتها حتى تطمئن الفتاة وتعلم أن هناك من يعاني مثلها تماماً، بل حكت لها ما رأته بداخل الشقة عن الرجل المسن والولد الصغير وهي تضحك، فتعجبت الفتاة لما سمعته وشاركتها ضحكتها.. ثم تبادلا أرقام التليفونات، ورحلت الفتاة على وعد من غادة أن هناك لقاء قريباً سيجمعهما.

كان سعيد يسير بجوار النيل وهو مختلط المشاعر، فتارة يفكر في مروة وكيف يجذبها إليه و يجعلها تحبه، وتارة أخرى يفكـر إذا رفضتهـ كـيف سيـكون رد فعلـهـ، وكـيف ستـكون مشـاعـرهـ. كان يـشـعـرـ أنـ هـذـهـ الفتـاةـ هيـ الـوـحـيـدـةـ الـمـنـاسـبـةـ لهـ بـجـمـالـهـ وـدـلـالـهـ وـخـجلـهـ، فقدـ قـابـلـ فـتـيـاتـ كـثـيرـاتـ، ولكنـ منـ كـانـتـ ذاتـ دـلـالـ كـانـتـ مـغـرـورـةـ، ومنـ كـانـتـ خـجـولةـ كـانـتـ قـبـيـحةـ، ومنـ كـانـتـ ذاتـ دـلـالـ كـانـتـ صـاحـبةـ سـمـعةـ سـيـئةـ، أماـ أـنـ تـجـمـعـ كـلـ الصـفـاتـ الـتـيـ يـطـلـبـهاـ فـتـاةـ وـاحـدةـ فـكـانـ بالـنـسـبـةـ لـهـ مـسـتـحـيـلاـ، وـهـاـ هـوـ يـتـحـقـقـ الـمـسـتـحـيـلـ، فـكـيفـ يـجـعـلـهـ يـتـحـقـقـ إـلـىـ الـنـهـاـيـةـ؟ـ

ظلَّ يفكـرـ كـيفـ يـقـنـعـهاـ بـهـ وـيـجـعـلـهـ تـنـجـذـبـ نـحـوهـ.

عاد سعيد إلى البيت وهو في حالة يرثى لها.. فقد تمكـنـ الحـبـ منـ قـلـبـهـ، ولـأـوـلـ مـرـأـةـ يـشـعـرـ بـمـثـلـ هـذـاـ الشـعـورـ، كماـ كـانـ يـتـمـنـيـ لـوـ يـقـفـ معـ مرـوةـ قـلـيـلاـ ليـتـحـدـثـ معـهـاـ وـيـنـظـرـ إـلـىـ مـلـامـحـهـاـ الـمـلـانـكـيـةـ، وـلـكـنـهـاـ خـيـبـتـ أـمـالـهـ وـرـحـلـتـ سـرـيـعاـ. دـخـلـ غـرـفـتـهـ فـيـ صـمـتـ وـظـلـ يـفـكـرـ فـيـ مرـوةـ وـهـوـ مـسـتـلـقـ عـلـىـ فـراـشـهـ. طـرـأتـ عـلـىـ ذـهـنـهـ فـكـرـةـ غـرـيـبـةـ ظـلـ يـطـرـدـهـاـ كـلـ دـقـيقـةـ مـنـ مـخـيلـتـهـ، وـلـكـنـهـاـ لـمـ تـرـكـهـ. ماـذـاـ لـوـ

اشتكت غادة ملروة من سوء معاملته؟ ماذا لو خافت مروة من أن يعاملها كما يعامل شقيقته؟ انتفض من على سرير وهو مرعوب من هذه الفكرة وذهب إلى غرفة غادة.

نادت السيدة المسنة على رقم (20) فانتفضت غادة عندما سمعت الرقم وهو محمد بالدخول دون أي توتر، فقد قابل السيدة نعمة من قبل وزالت رهبة اللقاء الأول بالنسبة له.

سيدة في أواخر الخمسينات ترتدي عباءة بيضاء فضفاضة وحجاباً مزركشاً بألوانٍ متداخلة.. وقورة ولها هيبة من الطلة الأولى، وبالرغم من هذا المظهر إلا أن أنها تحمل ملامح مريحة جدًا، تجلس خلف مكتب كبير متوسط بغرفة متوسطة المساحة أيضًا، بجوارها مكتبة ضخمة تضم مئات الكتب التي تكدرست فوق بعضها، كما توجد كتب كثيرة فوق المكتب.. ربما لم تجد لها مكاناً في المكتبة، وربما هي تطلع عليها هذه الأيام. أشارت لهم بالجلوس وهي تبتسم ابتسامة عذبة صافية.

- ازيك يا محمد؟

- ازيك يا سيد نعمة اتي لسه فاكراي؟

قالها وهو يبدأ بالجلوس إلا أن غادة ظلت واقفة.

- طبعًا يا محمد أنا مش بنسي أبدًا.. ولله الحمد.

أشارت لغادة بالجلوس وهي تقول لها: اتفضلي اقعدني يا بنتي ماتخافييش.

اتسعت حدقتا غادة في اندهاشٍ غريب ولم تستطع أن تطرف بها للحظة..

فكيف علمت أنها أنتي بالرغم من أنها داخل جسد رجل.

ابتسمت السيدة نعمة وكأنها علمت مايدور بخلد غادة فقالت لها: علم الإنسان ما لم يعلم.

جلست غادة وعلامات الاندهاش لم تفارق وجهها.

(استقيضت صباح أمس لأجد من يتحدث معي بصوتِ أنثوي وهو يعصب عيني ويسألني من أنا، وعندما أزاحت عصابة عيني وجدت من هي تشبهني لدرجة لا تعقل، فلو هناك شقيقتين توأم لن تكونا بمثل هذا الشبه الكبير، ووجدتني داخل جسد رجل. علمت بعد ذلك أنه لعماد بعد أن أفقت من إغماءتي أخبرني عماد بأن هناك تبادل أرواح حدث، بينما وبعد مرور الصدمة الأولى اتفقنا أن أذهب إلى عمله لحين استرداد روحه مرة أخرى، وعلمني كثيراً عن عمله بالرغم من حدوث خلافات كثيرة بينما الفترة الماضية بسبب الإنجاب إلا أنني سعدت جداً بموضوع تبادل الأرواح هذا، فقد اقتنينا أكثر من خالله وذكوري بأيام زواجهما الأولى التي كدت أن أنساها...)

فركت سارة عينها أكثر من مرّة وعاودت قراءة هذا الجزء ثلاثة مرات، وفي كل مرّة تجد الكلام حقيقياً، فهي في بادي الأمر اعتقدت أنها من كثرة القراءة بدأ تركيزها يقل أو بدأت تقرأ شيئاً غير حقيقة، ولكن كل مرّة تقرأ فيها تجد الكلام صحيحاً، فبدأت تفري في أوراق الأجندة كالمجنونة لتعرف مدى صحة ما قرأته.

"أحلى مكرونة أكلتها في حياتي ياست الكل"

قالها مينا وهو يقتل يد تريزة بعد أن فرغ من الأكل.

- ألف هنا يا حبيبي، كان نفسي مينا يأكل معانا.

- ما أنا قلتلك ياست الكل راح لواحد صاحبه عنده مشكلة.

- طب أنت مارحتش معاه ليه؟

- أنا ماليش في المشاكل ولا في حلها، أنا بحب الأكل والحريم بس.

ضحكـت تـريـزة وـقـالتـ لهـ: الـليـ يـشـوفـكـ منـ كـامـ شـهـرـ استـحالـةـ يـصـدقـ الـليـ
أـنتـ بتـقولـهـ دـهـ.

- ياست الكل مافيـش حاجةـ بتـدورـ ثمـ استـطـردـ كـلامـهـ قـائـلاـ: ولاـ بالـقصـبـ
حتـىـ.

ثمـ ضـحـكـ بـصـوـتـ عـالـ.

- طـبـ بـقولـكـ إـيهـ أـنـاـ نـازـلـةـ شـوـيـةـ أـقـعـدـ معـ أـمـكـ هـتـيـجيـ مـعـاـيـاـ ولاـ تـقـعـدـ أـنتـ
هـنـاـ؟

- لـأـنـاـ قـاعـدـ هـنـاـ انـزـلـيـ اـنـتـيـ.. السـتـ الـليـ تـحـتـ دـيـ مـشـ بـتـقـبـلـ الـهـزـارـ وـأـنـاـ بـحـبـ
الـفـرـشـةـ يـاـ تـرـيـزةـ يـاـ جـمـيـلـةـ اـنـتـيـ.

- بـسـ يـاـوـادـ عـيـبـ مـاتـقـولـشـ كـدـهـ عـلـىـ أـمـكـ.. لوـ عـمـكـ جـهـ قـولـهـ أـكـلـ فـيـ
المـطـبـخـ وـخـلـيـهـ هـوـ يـحـضـرـ لـنـفـسـهـ.

حضرتك طبعاً أكيد عارفة موضوع تبادل الأرواح ده.

- طبعاً -

- طيب إيه السبب؟

- الظلم والعنصرية.

صمنت غادة ثم قالت:

- إمامي الأرواح ترجع تاني؟

- لما الظلم ينتهي.

- بس أنا ماظلمتش حد.

- الظالم والمظلوم.

- مش فاهمة.

كانت السيدة نعمة قليلة الكلام وكانت تختصر كل ما تريد قوله في كلمات مقتضبة، فهي كانت تتبع مقوله "خير الكلام ماقل ودل".

- أرجوكي ياست نعمة، فهميني أكثر.

- الظالم بظلمه والمظلوم بسكته عن الظلم.

- يعني المفروض نعمل إيه؟

- لا يغير الله مابقوم حتى يغيروا ما بأنفسهم.

نظرت غادة إلى محمد وهي تحاول أن تفهم شيئاً أو يتكلم هو لتفهم أكثر.
فهم محمد نظرة غادة بالرغم من معرفته القليلة بها ثم بدأ الحديث: طب أنا
ياست نعمة لا ظالم ولا مظلوم ليه بقى حصل لي كده؟

- راجع نفسك تاني يا محمد.

- والله ياست نعمة أنا مش بظلم حد.

نظرت له السيدة نعمة نظرة لم يفهم معناها وصمتت قليلاً ثم قالت:

- أنت ظالم يا محمد.

- أنا!! ظالم في إيه بس؟!

- راجع علاقتك بكل حد مش على دينك؟

اضطرب محمد واعتدل في جلسته، ثم قال بثقة:

- أنا بحب مينا جدًا، ده أكثر من أخ، وخصوصاً إن ماليش إخوات ولاد،

وبحب أسرته كلها زي أهلي بالظبط.

لم ترد عليه وظلت تنظر إليه.

زاد اضطرابه أكثر وقال: بس.. أصل...

ابتسمت السيدة نعمة ابتسامة صغيرة ونظرت إلى غادة.

بدأت غادة تفهم أكثر من خلال حديث السيدة نعمة مع محمد، وخصوصاً هي تعلم جيداً أنها صمتت كثيراً على ظلم شقيقها لها، ولم تفعل أي شيء حيال ذلك، ولكن ليس بيديها شيء، فقالت: بس أنا مظلومة ياست نعمة ومش بآيدي حاجة أعملها.

- الساكت عن الحق شيطان أخرس.

تدخلَّلَ محمد في الحديث قائلًا:

- ما هو ربنا كان قادر يعني يخلقنا كلنا مسلمين أو كلنا مسيحيين أو لا دينين
خالص.

وكانه يريد أن يثبت لنفسه شيئاً، أو ربما يبرر أحاسيسه الداخلية.

أجابته الست نعمة:

- احنا مش في الجنة، احنا على أرض الابلاءات، وانا ماقلتش تؤمن
بمعتقدات حد مش على دينك.

كانت تنطق كل جملة دون أن تتغير ملامح وجهها مطلقاً، فهيا.. لا تغضب.. لا
تحزن.. لا تتوتر.. فقط تبتسم ابتسامة صغيرة مع إجابات محددة وصريرة.
- سألتها غادة سريعاً:

- أومال سعيد أخويَا ليه ماحصلوش كده ياست نعمة؟ ده أنا حاسة إنه
أكبر ظالم في الدنيا.

- مش كل الابلاءات شبه بعض يابنتي.

- يعني ربنا هيبيتليه؟ طب بيايه؟
سألتها غادة والسعادة واضحة على وجهها.

أجابتها الست نعمة: العلم عند الله.

تغيرت ملامح غادة بعد إجابتها وقالت:

- طب اشمعني احنا.. في ناس كتير بتظلم ومش بيحصلها أي حاجة بل بالعكس طول الوقت ظلمهم بيزيد.

- ربك يمهل ولا يهمل.

- طب ليه الابتلاءات مختلفة؟

- يُبتلي المؤمن على قدر إيمانه.

قالت غادة: يعني لو المظلوم ماقدر ش يدافع عن نفسه، ولا الظالم بطل يظلم هنفضل كده؟

- العلم عند الله.

شعرت غادة أنها لن تعلم أكثر من ذلك، وواضح أن المست نعمة قالت كل مالديها أو ربما كل ماتود قوله فقط.

وفضول غادة لم ولن ينفع هذه المرأة وخصوصاً مع شخصية مثل شخصية المست نعمة. همت غادة بالوقوف وفعل مثلها محمد، ولكنها قبل أن تخرج التفتت إليها وسألتها: انتي ليه عاملة الفيزيتا رخيصة أوي كده؟ واحدة زيك كانت ممكناً تكسب دهب من ورا علمها ده؟

ردّت المست نعمة بابتسامة بسيطة: أنا مش باخد حاجة، الفلوس دي للست الغلبانة اللي برة، ثم دعت الله قائلة: اللهم استخدمني ولا تستبدلني.

ابتسمت غادة ووادعها وأخبرتها أنها ستأتي كل فترة لتحدث معها، فقد شعرت براحة كبيرة لمجرد مجالستها.

فالست نعمة كان وجهها يشع روحانية، على عكس ماتخيلت غادة، فكانت تخيل أنها سترى دجاللة تشعل البخور وتقرأ الكف وربما توشوش الودع، ولكن ما رأته من كتب كثيرة في المكتبة وعلى المكتب، وما أخبرها به محمد من أنها

تسافر كثيراً، جعلها تدرك أن هذه السيدة وهبها الله من العلم مالم يهبه به كثيراً من خلقه. ودعتما أيضاً المست نعمة ودعت لها بصلاح الحال.

لم تستوعب سارة ما قرأته، لقد قرأت آخر الصفحات التي كتبها غادة كلها.. قرأت اتفاقهما على الطلاق بصدر رحب.. قرأت اتفاقهما على زواج غادة بدلاً من عماد.. بل وقرأت علاقتهما الحميمية التي حدث بينهما آخر ليلة قبل الطلاق وقد كتبها غادة بالتفصيل.. وواضح أنها كتبها صباح اليوم التالي لتلك الليلة. شعرت بصدمة شديدة، وكأنها تلقت صفعة قوية لتوها. دارت الدنيا بها وشعرت بدور شديد وإحساس بالغثيان، وكلما تذكرت ما حدث بينها وبين غادة بالأمس بعد زفافهما يزداد شعورها بالغثيان، لم تستطع أن توقف أهوار الدموع التي سالت على وجنتها. تمنت أن تكون داخل كابوس وستستيقظ منه الآن.. فكرت في ابنتها، فكرت في زوجها الراحل وترحمت عليه.. لماذا تزوجت؟ لماذا تركت ابنته؟ تشابكت الأفكار في رأسها وتصارعت، ودت لو تصرخ ولكنها لم تفعل، حتى الآن لا تصدق ما ححدث لها.

قام محمد بمراقبة غادة إلى أقرب مكان، ليس لأنها فتاة فهي الآن في جسد رجل ولا يخشى عليها من شيء، ولكن لأنه ارتاح لها كثيراً وكان يريد تقضية أكبر وقت بصحبتها.

ظلا يتحدثان عمما حدث عند المست نعمة وكلامها معهما وماذا سيفعلان. تواعدوا على لقاء قريب، وأخبرته غادة أنها تريد لقاء مينا أيضاً، كما أخبرته أنها ستقابل الفتاة القبيحة، يجب أن يتجمعوا جميعهم الأيام المقبلة معًا، فهم في

نفس الورطة وهم أصدقاء مشاعر واحدة، يجب أن يفكروا جميعهم ماذا سيفعلون. وافق محمد بعد أن ردَّد مشيئة الله وودعها.

عادت غادة إلى المنزل لتجد ما ينتظرها هناك...

جلست عائشة وتربيزة في شرفة المنزل بعد أن أعدت عائشة صينية الشاي،

وضعتها أمام تربizada وبدأت في تجادب أطراف الحديث.

- انتي كنتي فين الفترة اللي فاتت دى يا أخي؟

سألتها تربizada بنبرة عتاب.

- بياتربizada مشاغل الحياة، والله والله كل أما أفكرة أطلع لك الألاقى مية حاجة

شغلتني.

- مصدقاكي يا عيشة الحياة بقت صعبة.. بس صدقيني ما فيش أحلى من قعدتنا مع بعض.

- آه والنبي يا تربizada، ده انتي أخي وحبيبتي.

- ألا قوليلي يا عيشة هو محمد ابنك ماله بقاله كام شهر متغير كده؟

- ماله ازاي يعني؟

- أمسك الخشب طبعاً، بس بقى دمه خفيف كده واتجرأ وما بقاش يتكسف

зи الأول.

- لا يا أخي احسديه احسديه، ده أنا حزينة على اللي حصله، ده كان اسم النبي حارسه وصاينه من الشباب العاقلة الهادية معرفش إيه حصل له.. تخيلي اللي مكانش عمره يدخن أبداً ولا يطبق رحة السجائر اكتشف من كام يوم إنه

يدخن.

- يالهوي يعني انتي ابنك ببتدئ يدخن في نفس الوقت اللي ابني فيه ببطل تدخين؟ هو إيه اللي حصلهم الاثنين وكاهم بدلوا الأدوار مع بعض.

قالتها تريزة بعفوية شديدة.

- مش عارفة ياتريزة يا أخي، ربنا يصلح لهم الأحوال يارب.

- يا يسوع المسيح بصلبيك المقدس نجهم من كل أذى.

نظرت لها عائشة وهي ممتعضة من دعوتها ولم تؤمن وراءها وكان تريزة لم تقل شيئاً.

جلست مايا على السرير وهي تسند رأسها على ركبتيها. كانت تبكي بحرقة كلما تذكرت أن ربها تستمع بجسدها الآن وبنظرات الناس إليها وتعتمد الخروج ليراها الناس وترى نظرة الإعجاب في أعينهم.. بالرغم أنها أخبرتها ألا تخرج أكثر من مرة.

كلما تذكرت وضعها الآن وهي داخل هذا الجسم البغيض وهذا الوجه القبيح وأشمئزاز الناس منها في الشارع اختنقـتـ فأصبحـتـ لـاتـخـرـجـ إلاـلـلـضـرـورـةـ القصوى وأحياناً ترتدي النقاب إذا لزم الأمر. ظلت تفكـرـ ماـذاـ تـفـعـلـ، تـذـكـرـتـ ما قالـتـهـ السـتـ نـعـمةـ عـنـدـمـاـ قـابـلـهـ مـنـذـ قـلـيلـ.

- مسيز نعمة، أنا سمعت إنك بتحلّي مشكلة تبادل الأرواح دي.

- الحل من عند الله.. أنا بس بفهمكم السبب مش أكثر.

- طب ليه حصلني كده؟ وامقى الوضع هيرجع تاني؟

- مصائب قوم عند قوم فوايد.

- مش فاهمة..

- لأنك ظالمة، والوضع هيرجع تاني لما تبطلي ظلمك وعنصر يتك.

- أنا ما اظلمتش حد.

- خلاص خلبي في تكبرك وتعاليكي ده. انتي حرة.

- بليز، قوليلي أعمل إيه.

- ارجعي لصاحبة الجسم اللي انتي فيه ده، واتكلمي معها حسي بيها،
شوفها مضايقة من إيه وزعلانة من إيه وانتي عملتي فيها إيه؟

- أنا أرجع لرباب بنت البواب وأتكلم معها؟ "امبوسيبل" بصي "نوراوي" إني
أتكلم معها، انتي مش عندك حل تاني؟

- شرفتي يا بنتي.

قالتـها الست نعمة لتنهي الحوار.

نهضتـ مایا وهي في قمة عصبيتها، فتحتـ بـابـ الغـرـفـةـ وـخـرـجـتـ وهيـ منـ فعلـةـ
جـداـ، والـستـ نـعـمـةـ كـمـاـ هيـ بـنـفـسـ تـعـاـيـرـ وـجـهـهاـ المـحـاـيدـةـ.

تـذـكـرـتـ ماـقاـالتـهـ لـهـاـ الـستـ نـعـمـةـ، وـلـكـنـهاـ ماـزاـلتـ غـيرـ مـقـنـعـةـ.

قطع شرودها دخول رباب علّها محاولة أن تواسمها، فهي كل فترة تحاول أن تقرب منها لمواستها بالرغم أن مايا كانت طوال حياتها ومنذ الطفولة تتکبر على رباب أثناء الصعود والهبوط من العمارة. كانت دائمًا تتعمد أن تشعرها بأيتها أحسن وأفضل وأجمل منها، سواء من حيث الشكل أو الوضع الاجتماعي، خصوصًا أنها متقاربتان في العمر.

أما رباب، فكانت تشعر بغصة في قلبهما فهي عاجزة، لا شيء بيدهما.. فقد خلقها الله كذلك لحكمة لا يعلّمها إلا هو، أما عن وضعها الاجتماعي فهو ليس بيدهما أيضًا.. تشتري طلبات الجيران كل يوم وتنظف بيتهن وتمسح السلم، وإذا قابلتها مايا على السلم في هذا الوضع تنظر لها بابتسمة شماتة.

كم مرّة أهانّها مايا.. كم مرّة تعالت وتکبرت علّها.. كم مرّة استعرضت أمامها بجسدها وملابسها الأنيقة.. بل وتتعمد أن تسأّلها أمام الناس هل الملابس التي أعطتها لها تُريحها أم لا.

كانت رباب كل يوم تنام ودموعها تبلل وسادتها،وها هي الآن ولأول مرّة في حياتها تشعر بمعنى الحياة الحقيقي، فهي داخل جسد فائق الجمال.. كل دقّيقة تُملّس على شعرها وهي سعيدة بنعومته.. تنام على سرير جميل في غرفة منفصلة.. نعم هي غرفة الشغاله السابقة، ولكنها أفضل من غرفة والدها بمراحل.. نعم هي تنظف البيت وتساعد والدة مايا في كل شيء، ولكنها تأكل أفضل أكل وترتدي أفضل الملابس، بل وتصطحّمها مايا معها إلى الكوافير وترسلها أيضًا إلى النوادي الصحية ليس لسواد عيونها أو حُبًا فيها.. لو الأمر بيدهما لفرمتهما تحت أرجلها.. ولكن لتحافظ على جمال شعرها ولليظل جسدها محتفظًا بليونته ونعومته وجماله حتى إذا استرده وجدته كما هو.

ولكنها إلى الآن تعاملها أسوأ معاملة، بل هي الآن تعاملها أسوأ من ذي قبل، وأيضاً كل محدث خارج عن إرادة رباب، حتى تبادل الأرواح هنا تعاقبها عليه بالرغم أنه خارج عن إرادتها.

- آنسة مايا، انتي لسه زعلانة متى؟

منذ أن شببت مايا وهي تأمر رباب بآلا تناديها باسمها.. قالت رباب هذه الجملة وهي تعلم الإجابة مسبقاً، فمايا ستهربها وتطردها خارج الغرفة وستعدم إهانتها وإيلامها نفسياً.

فتحت غادة باب الشقة وقررت أن تتعامل مع سارة بود ورقة بعد أن تأخرت كل هذا الوقت في صباحتها.. فبعد أن قابلت محمد وارتاحت له واعترته من اليوم شقيقها الذي لم ولن تلده لها أمها وأيضاً بعد أن ارتاحت في الحديث مع السيدة نعمة، فهنا هي بطريقه أو بأخرى قد أعطت لها الأمل من جديد في استرداد جسدها، فقد تخيلت أن الوضع سيفنى هكذا إلى الأبد، ولكن الآن وإن كان الأمل ضعيفاً، لكنه موجود.. وبعد أن قابلت الفتاة القبيحة وتحدثت معها وشعرت أن هناك من يشعر بها. كل هذه المشاعر الجميلة التي شعرت بها اليوم جعلتها تقرر قرارها هذا حتى لو كانت تتورط في وجود سارة فسوف تتعامل معها برفق.

أول مافعلته أمها اتجهت إلى غرفة النوم، لتفاجئ سارة بوصولها وتتحدث معها برومانسية لتعوضها عن ضياع هذا اليوم.

فتحت باب الغرفة لتجد سارة تجلس فوق السرير وأنهار الدموع تدفق من عينيها. تعجبت جداً واعتقدت أن هذا بسبب تأخرها كل هذا الوقت.

اقتنعت غادة داخلياً بهذا السبب، فسارة معها الحق، أي عروسة في صباحيتها عندما يخرج زوجها في الصباح ليأتي في الليل يجب أن يكون هذا حالها.. هكذا حدثت نفسها داخلياً وخصوصاً أنها أنثى وتعرف تلك المشاعر.

تقدمت إليها في خطوات بطيئة وهي لا تعلم ماذا تقول أو ماذا تفعل.

التفتت إليها سارة وانتفضت ثم كسا وجهها نظرات حزينة...

وقف خلف باب الغرفة متربداً هل يدخل أم لا؟ في البداية تكبر ورفض الدخول، فكيف يدخل لشقيقته ويتوعد إليها أو يعاملها معاملة حسنة؟ لوفعل هذا لاعتقدت أنه ضعيف ولن تهابه بعد اليوم، وربما تعاملت معه بندية. رجع خطوات إلى الخلف وهو يتمتم ببعض الكلمات التي تحتوي على سباب ولعنات لغادة. رأى مروءة في خياله وهي تبتسم وتضع يديها على فمهما من الخجل وقد ظهرت غمازتان على خديها الورديين.

تشجّع، فتقدم خطوة للأمام. رأها وقد بدا على وجهها الحزن والخوف معاً، عندما صارحها بحبه وبنيته بالزواج منها وسمعها وهي ترد عليه بخوف أنها تعلم كيف يعامل شقيقته وقد أخبرتها بكل شيء ولن توافق عليه مهما فعل.

في هذه اللحظة لم يشعر إلا وهو يقف أمام غادة وهي مستلقية على فراشها.

- انتي بتعملني إيه؟

وتوعّد جدًا وانتفض من على فراشه.

- مش بعمل حاجة.

- مممم، طيب انتي مش عايزة حاجة؟

- لا شكرًا.

- بجد؟ ماتتكسفيش مفي، أنا أخوكي.

ثم ابتسامة ابتسامة صفراء عدم وجودها أفضل.

- شكرًا.

- انتي مش متضايقة من قعدة البيت دي؟

استغرب عماد جدًا من أسلوب سعيد، ورد عليه قائلاً:

- ما أنت رافض يا سعيد إني أخرج.

- لو عايزة تخرجي من بكرة ماعنديش مشكلة، المهم مانتتأخريش برة وأبقى عارف انتي فين ومع مين، ويarityت لو مروءة اللي تخرجي معاهما أو تروحى عندها لأن شكلها بنت ناس كويسيين ومتربية. كل الموضوع إني خايف عليك، أنا أخوكي ولازم أخاف عليك. الدنيا مابقاش فيها أمان.

كان يتحدث وكأنه يقرأ مقالة في جريدة، فحديثه كان مفتقداً للمشاعر والأحساس وكأنه مضطرب ومجبر.

زاد تعجب عماد أكثر، ولكنه بدأ يربط الأحداث ببعض، وتأكد أن هذا التغيير سببه مروءة لا محالة. بدأ يفكر كيف ينتهز هذه الفرصة ويستغلها لصالحه هو وغادة. سوف يبدأ في إعداد الخطط ويجب أن يخبر غادة بهذا التغيير.

خرج سعيد من الغرفة وهو يتوعّد لغادة عندما ينتهي من موضوع زواجه

. بمروءة.

نظرت مايا إلى رباب نظرة طويلة لها معانٍ كبيرة وكثيرة، ولكن رباب لم تفهم النظرة، فأقتربت منها أكثر وسألتها:

- طب انتي اتعشيقي؟

ظللت مايا تنظر إليها.. ربما بحزن.. ربما بغضب.. ربما بكره.. كانت المشاعر مختلطة بداخلها لاتفهم معناها طلبت منها أن تخرج وأن تركها وحدها، ولكن هذه المرة قالتها دون أن تهراها ودون غضب، قالتها يهدوء "ليت مي ناو"

- نعم يا آنسة مايا؟ أو موري.

- بقولك سببني دلوقتي عايزه أنام.

خرجت رباب على الفور من الغرفة وهي لا تصدق رد فعل مايا.. لماذا لم تعنفها؟ لماذا لم تغضب؟ هل ستتعاملها بهذه الشكل دائمًا؟ لم تفهم ولكنها كانت سعيدة لأنها لم تعاملها بسوء بالرغم من معاملتها السيئة الدائمة، فيجب بل هو إلزامي عليها أن تدخل وتسأليها عن صحتها مرةً وعن حالتها النفسية مرةً ثانية، وتسأليها عن ميعاد تحضير الأكل لها مرةً ثالثة، فإذا لم تدخل وتسأليها جعلت مايا يومها أسود، وإذا دخلت عاملتها بتعاليٍ وتكبر، في كل الأحوال رباب غير سعيدة باستثناء وجودها داخل هذا الجسد الذي دعت الله كثيرًا لا تخرج منه أبدًا.

أطفأت مايا النور واشتعل تفكير الشيطان داخل رأسها بأفكار غريبة.. لو رباب توفت هل سيدفنون جسدها أم أنها ستسترد مرّة ثانية دون معاناة؟.. لو كانت ستسترد جسدها أين سيذهب جسد رباب؟ لو بوفاة رباب تستطيع أن تسترد جسدها، فهل تقتل رباب لستردته أم أن الوفاة الطبيعية غير القتل المعتمد؟ والاثنان نفس النتيجة، هل لو قتلت رباب قتلتها باسمٍ تضعه في الأكل حتى لا يظهر شيء من جريمتها؟ أم قتلتها بآلة حادة؟ لو قتلتها سواء باسم أو بآلة حادة

هل عندما تسترد الجسد ستكون هي الأخرى لأن المعدة ستكون بها بقايا سم أو الجسد سيكون مازال به ثغرة الآلة الحادة؟ أم أنَّ الجسد سيتغير عندما يدخل روحها فيه مَرَّةً أخرى؟ لو قتلتها واسترتدت جسدها فهل ستقبض علىهما الشرطة أم أنَّ هذا جسدها والبصمات ستكون لرباب وليس لها؟

أسئلة كثيرة ظلت تحيط بها من جميع الاتجاهات.

اتصل محمد بمينا عندما اقترب من العمارة التي يقطنها، وأخبره بأنَّ ينزل لكي يتحدى بعيدًا عن المنزل. بالفعل نزل مينا إليه وروى له محمد كل ما حادث وأخبره بقصة غادة وأنها تريد رؤيتها.

- طب هي مزة يعني؟
 - يا ابني بقولك في جسم جوزها.
 - لا مش رايح، ماليش أنا في الرجالة.

- ما هبرش يا مينا بقى، عايزين كلنا نتقابل مع بعض ونشوف هنعمل إيه.
 - هنعمل إيه يعني؟ هو لما نتقابل مع بعض المشكلة هتتحل؟
 - مينا الله يخليك أنا مش فايق لك، أنت هتيجي معايا غصب عنك.
 - إيه هتخطفني وتوديني غصب عيّ ولا إيه؟ يالهوى انتوا عايزين تعملوا في إيه؟

قال هذه الجملة وكأنه فتاة، قالها بدلع وهو يضحك حتى يستفز محمد، ولكنه في قراره نفسه لديه الاستعداد أن يفعل أي شيء يطلبه منه فهو يحبه حقًا.
 نظر له محمد شنداً، ثم زفر في تأفف واصطحبه من ذراعه لكي يصعدا سوياً.

سحب يده من تحت ذراع محمد وهو يقول: وكمان بتمسكنى من إيدى
يامجرم؟ ده أنا هصوت وألم عليك الناس، ثم قال بصوت عالٍ: الحقونى ياناس
بيتحرش بيا عايزيعتدى عليّ.

ظلَّ محمد يلتفت حوله في خجل ثم ساقه في الخطوات وصعد سريعاً على
درجات السلم على صوت ضحك مينا الهيستيري.

لم تفهم غادة نظرات سارة وبكاءها غير المبرر..

كما أنها تنظر لها فقط دون أن تتفوه بكلمة واحدة. بدأت تقلق وتضطرب
فاعتقدت أن تكون سارة مصابة بمرض نفسي يجعلها هكذا بدون سابق إنذار.
وربما تنتابها نوبات حزن دون سبب. أخذت نفساً عميقاً ثم قالت بهدوء:
- ازيك ياسارة؟ مالك؟

ظلت سارة صامتة لا تنطق بكلمة، قد يكون من تأثير الصدمة عليها وقد
يكون لطبيعتها الهدامة فأي إنسانة أخرى في مكانها لكانها قامت وصرخت
وانهارت وربما حطمته أثاث البيت كله، ولكنها كانت صامتة باكية.. حزينة..
مقهورة.

- في إيه ياسارة؟

سحبت الأجندة من تحت الوسادة ورفعتها بعد عناء أمام غادة.. فقد حارت
قوه يدها وأعصاب جسمها بأكمله تماماً.

شعرت غادة بصدمة كبيرة تجتاح كل جزء في جسدها، سرت قشعريرة في
عروقها.. تجمدت أطرافها..

فكترت أن تكذب سريعاً.. فكترت أن تخبرها بأنها رواية تكتتها.. فكترت أن تقول أنها لا تعلم شيئاً عن هذه الأجندة.. فكترت أن تصاحل بصوت عالي وكأنه مقلب تعمدت أن تفعله بها.. فكترت أن تدعى أن غادة طليقتها هي من فعلت ذلك لتتنفس عليهمما حيواتهما وتفرق بينهما.. تكالبت الأفكار جميعها في آن واحد داخل رأسها. تمنت لو أن عماد موجود الآن لينجدها مما هي فيه.

- أيوة ياسارة اللي انتي قرأتيه ده حقيقي ودي مذكراتي.

لم تعرف كيف فعلت هذا كيف نطقت هذه الجملة، لكنها نطقتها.

- انتي غادة؟

- أيوة..

- عملتوا في كده ليه؟ أنا عملتكم إيه؟

كانت كلماتها تفهم بالكاد من نحيبها وبكائها.. كلمات امتزجت بالألم والحسرة.

- طب اهدى بس واسمعيyi.

- أرجوك أو أرجوكي.. أنا حتى مابقتش عارفة بكلم مين، بس عايزة أبقى لوحدي مش عايزة أكلم حد.

- طب أنا هسيبك تهدي خالص حتى مش هبات في البيت.

صمتت سارة واعتبرت غادة صمتها هذا يعني الموافقة، فخرجت من الشقة وهي لاتعلم أين تذهب.. وماذا ستفعل.

نزلت غادة من العمارة وهي لا تصدق ما حدث. لقد علمت سارة بالسر.. ماذا ستفعل.. أين ستذهب.. ماذا سيحدث الأيام المقبلة؟ أسئلة كثيرة راودتها،

ولكن لم تجد لها إجابات كالعادة.. أول مافكرت به أن تتصل بالفتاة القبيحة، فهـي قد أخبرـتها أنها تجلس مع والدـتها بمفردهـما، ولكنـها سرعـان ما تذكرـت أنها في جـسد عـمـاد ولا يـجـوز الـبـيـات معـهـنـ.

فـكـرـت سـريـعاـ في مـحمدـ، أـخـرـجـت هـاتـفـهـا وـاتـصـلـت بـهـ.

- أـلـأـيـةـ يـاـمـحمدـ.

- أـلـأـيـةـ يـاـغـادـةـ خـيـرـ في حـاجـةـ؟

- سـارـةـ عـرـفـتـ يـاـمـحمدـ.

طلـبـتـ منـ مـحمدـ أـنـ تـذـهـبـ إـلـيـهـ وـتـبـيـتـ مـعـهـ، وـافـقـ عـلـىـ الفـورـ وـأـخـبـرـهـاـ أـنـهـ يـعـيـشـ مـعـ تـرـيـزـةـ وـالـدـةـ مـيـنـاـ وـمـعـ وـالـدـهـ فـقـطـ، وـذـلـكـ سـيـسـرـ الـأـمـرـ وـهـمـاـ لـنـ يـعـتـرـضـاـ. أـخـذـتـ مـنـهـ العـنـوـانـ وـأـخـبـرـتـهـ أـنـهـاـ قـادـمـةـ إـلـيـهـ.

- مـينـ الـيـ كـانـ مـعـاكـ عـلـىـ التـلـيـفـونـ؟

- دـيـ غـادـةـ جـايـةـ تـبـاتـ مـعـاـيـاـ.

- مـزـةـ جـايـةـ تـبـاتـ مـعـاكـ وـهـنـاـ فـيـ بـيـتـيـ وـعـلـىـ سـرـيرـيـ؟ـ يـاـسـافـلـ..ـ الـبـيـتـ دـهـ طـاهـرـ وـهـيـفـضـلـ طـولـ عـمـرـهـ طـاهـرـ..ـ بـسـ هـيـ جـايـةـ إـمـتـيـ عـشـانـ أـقـومـ أـجـهزـ عـشـاءـ حلـوـ؟ـ

- غـادـةـ دـيـ الـيـ هـيـ فـيـ جـسـمـ جـوزـهـاـ،ـ اـفـهـمـ بـقـىـ يـاـبـنـيـ آـدـمـ..ـ نـقـبـكـ طـلـعـ عـلـىـ شـوـنـةـ.

قالـهـاـ مـحـمدـ وـهـوـ يـبـتـسمـ.

أـجـابـهـ مـيـنـاـ حـزـينـاـ:ـ يـاـفـرـحـةـ مـاتـمـتـ.

طلب منه محمد أن يكون مهذبًا معها، فهي مهما كانت أنتي ومتزوجة ولن يقبل طريقة معها أو مضايقتها.. لم يعرض مينا على كلام محمد فهو في الأصل ورغم حبه للنساء، إلا أنه يعلم الأصول ويتحلى بالشهامة.

حضرت غادة بالفعل بعد ساعة من انتهاء المكالمة. استقبلها مينا بحفاوة واحترام، ولم يستطع منع نفسه من بعض المزاح الخفيف.. فالطبع دائمًا يغلب التطبع.. نزل إلى شقة محمد بعد أن جلس معهما قليلاً، وظل محمد وغادة يتتحدثان طوال الليل، وروت له ماحدث مع سارة وكيف عرفت الحقيقة وكان محمد منصتاً لها في اهتمام، يحاول أن يطمئنها أنَّ كل شيء سيكون بخير.

- تفكك الموضوع هيتحل؟

سألته غادة وهي متكونة على الوسادة بظهورها وممددة باقي جسدها الضخم على الفراش.

- أكيد إن شاء الله.. ماتقلقيش.. كان محمد يحاولطمأنتها بالرغم من صعوبة الموقف.. كان متاكداً داخلياً أن هذا الموضوع لا حل له وربما يتحول إلى قضية كبيرة، ولكنه لم يبح بذلك أمامها.

فترة صمت.. كلّ منها يفكر في حياته.. وضعه.. مشاكله.. مستقبله إلى أن قطع محمد هذا السكون بحديثه عن كيفية تجمعهم.

- تجمع مين يا محمد؟

- تجمعنا كلنا.. إحنا المبتلين أو المصابين.

- مش عارفة يا محمد. أنا حاسة إن جالي شلل مؤقت في التفكير.

- طب خلاص يا غادة نامي انتي وبكرة تتحل إن شاء الله.

وكأنها كانت تنتظر هذه الجملة منه.. ربما لم تنتظر حتى يستكملاها أصلًا.. حتى سبحت في أحلامها.

استيقظت في الصباح لتجد نفسها في بيت أهلها وفي غرفتها.

أصابها الرعب وعقد لسانها للحظات.. انتفضت من على الفراش وطلت تضرب وجهها بكف يدها عليها تكون نائمة وتحلم. بدأ صوتها يخرج بالكاد من حنجرتها وكأنه محشور بين لسان المزمار واللوزتين.. وما إن خرج صوتها حتى دخل سعيد علماً يسبُّ ويلعن.

مجرد أن رأته أمامها أصابها الهلع مرّة أخرى. بدأت تستوعب ما يحدث.. لقد استرتدت جسدها مرّة أخرى.. ياللهمسيبة.. استرتدت الجسد وهو في أسوأ مكان على وجه الكرة الأرضية.. استرتدته وهو في بيت أهلها.. ليتها ما استرتدته.

- مالك في يه؟

- مافيش.

كانت الكلمة تخرج بالكاد، عندما أجبت سعيد:

- هو إيه اللي مافيش؟

- و.. واصح احمد واضح إنه كابوس.

- طب قومي اعمليلي شاي.

- حاضر.

كانت دائمًا تقول كلمة حاضر بمجرد أن تسمع كلمة "اعمليلي" أو "قومي" من قبل حتى أن تسمع باقي الطلب.

قامت وقدمها ترتعشان من الخوف.. مرت بردهة الشقة لتجد والدتها ترتدي الأسود.. تندب بصوتٍ عالي.. تكاد تبكي دمًا عوضًا عن الدموع.

- مالك ياما؟

- مالكيش دعوة بيا خالص، وماتقوليش كلمة ماما دي تاني على لسانك.

أجابتها هكذا ثم أكملت نديها قائلة "آه يا ابني.. يا صغير يا ابني.. يا اللي اخطفت يا ابني "

سرت قشعريرة بجسد غادة.. قشعريرة خوف وربما سعادة وفرح.. ولكن كيف حدث ذلك وهو مازال واقفًا بغرفتها حتى الآن.. ركضت باتجاه الغرفة لتنتأكد بنفسها فلم تجده.. عادت إلى أمها مرة أخرى.

- في إيه ياما؟ مين مات؟

- طبعًا هو انتي حاسة بحاجة؟ امشي من قدامي خالص مش عايزه أشوفك بعد ما قتلتني أخوكي.. لا انتي بنتي ولا أنا أعرفك.. انتي اللي زيك لازم يتعدم في ميدان عام.

انتفاضت بعد سماع حديث أمها، وظلت ترکض في الشقة.. ماذا يحدث لها؟
أين سعيد؟ أين عماد؟ أين محمد؟

دخلت غرفة سعيد لتجد جثته مازالت راقدة فوق الفراش وقطرات الدم تساقط على الأرض محدثة بقعة كبيرة تكاد تصل لبحيرة صغيرة من الدم.

اقتربت من جثة شقيقها حتى لمس الدم قدميه.. مدت كفها إلى وجه سعيد لتوقظه أو ربما لتنتأكد من موته حتى فاجأها بحركة غير متوقعة.. هض وجذبها من شعرها كما يفعل دائمًا وقرهم جدًا من وجهه.. ظلت تصرخ.. صرخت بكل ما أوتيت من قوة.. صرخت حتى جرح الصراخ حنجرتها.

- في إيه ياغادة؟ أصحي..

كان محمد يحاول إيقاظها، ولكن دون جدوى.. تناول كوبًا من الماء من على (الكوميدينو) ليصبّه صبًا على رأسها.

صرخت صرخة كبيرة وهي تنهض من على الفراش.

- سعي الله ياغادة. ده كابوس والعياذ بالله.

التفتت حولها.. تحسست الفراش.. تحسست جسدها.. ولم تنس أن تتحسس جسد محمد كنوع من التأكيد الأخير.. أخذت نفساً عميقاً.. حدق في سقف الغرفة بربع هائل..

- في إيه يا غادة؟؟ سعي الله..

كان يربت على كتفها وهو يحدوها في محاولة لتهديتها.

- بسم الله.. بسم الله.. بسم الله..

ظللت ترددتها عشرات المرات وكأنها نسيتها وتحاول حفظها للتو

- إيه اللي حصل بقى؟ أحكيلي؟

روت لمحمد كل ما رأته في الحلم ودموعها تتتساقط في السقوط من عينها.

- اللهم اجعله خير.

كان ذلك هو رد محمد الوحيد على ما روت.. هل استشف شيئاً من هذا الحلم وخشي أن يخبرها به؟ هل هو مجرد كابوس؟.. طلب منها أن تنفتح على جانبها الأيمن ثلث مرات وتستلقي على يمينها وتقرأ آية الكرسي وسيجعله الله خيراً إن شاء الله.

اعتدلت في جلستها وضمت ركبتيها بذراعيها ووضعت رأسها على ركبتيها.. دقائق واستلقت بجسدها على الفراش.. دقائق أخرى وبدأت تقلب على الفراش.. نهضت وجلست مرة أخرى وهي تصنم ركبتيها بذراعيها.. دقائق ونهضت من الفراش بأكمله.. ظلت تخرج من غرفة لتدخل أخرى.. الأفكار كلها تتکالب على رأسها لم تتوقف عن التفكير منذ أمس.. ماذا تفعل.. هل ترك المنزل وتعود إلى ابنتها وتعتبر أن شيئاً لم يكن؟ هل تظل بالمنزل حتى ولو لعدة شهور، خوفاً من أحاديث الناس التي لاتنتهي؟ هل تنتحر؟

ساعات من الحيرة والحزن والغضب كانت تمر عليها كمرور سلحفاة مريضة في طريق وعر.

بل وحدتها وعدم وجود أحد جانبيها جعلها تزداد حزنًا.

دخلت الحمام وفتحت صنبور المياه.. وقفت أسفله بملابسها كاملة.. قطرات الماء المتساقطة كانت تختلط مع دموعها.. بدأت في التخلص عن ملابسها قطعة قطعة.. حتى انتزعهم جميعاً.. كانت تمسح أماكن ملامسة غادة لها بقوة، كانت أن تنزع الجلد معه.. شعرت بغثيان عندما تذكرت ما حدث بينهما.. أفرغت كل ما بمعدها في المرحاض وعادت مرة أخرى تحت المياه الغزيرة.. ظلت على وضعها ما يقرب من النصف ساعة تقريبًا.

خرجت من الحمام عارية.. بدأت تنفصل عن العالم الخارجي بكل مافيه.. لم تشعر بجسدها وهو عار.. جلست على الأريكة التي تتوسط الردهة وطلت تحبظ رأسها من الخلف في الحائط مرات عديدة.. حتى أصبحت بدورها مفاجئ وصداع رهيب.. استلقت رغمًا عنها على الأريكة من شدة الإجهاد الفكري والجسدي معاً.. يبدو أنها كانت تفعل ذلك متعمدة حتى تناول من التعب.. ويندو أن خطتها نجحت.. وبالرغم من تسرب ضوء الشمس من بين جوانب النافذة إلا أنها بدأت تستسلم للنوم دون أي مقاومة.. فهي لم تنم ولو لدقائق واحدةمنذ أمس.

كانت تجلس على كرسي أمام مائدة الطعام تتناول فطورها.. عندما مرت مايا أمامها.. إحساس غريب.. تضارب في المشاعر.. تحبها كعینها ولكنها لا تستطيع أن تضمهما إلى صدرها كما تفعل أي أم.. هل لقباحة الجسد الذي انتقلت إليه؟ أم لأنها تعلم أن هذا الجسد ليس ابنته؟ هل لو كانت مايا انتقلت إلى جسد أجمل كانت الأم ستضمهما إليها؟

الأغرب أنها لم تستطع أيضًا ضم بباب بجسد ابنته، فهي تعلم تماماً أن الروح الساكنة في هذا الجسد ليست روح ابنته.. منذ أن انتقلت بباب بجسد

ابنتها للعيش معهم وظلت مايا داخل جسد رباب وهي صامتة.. ترد على بكاء ابنتها بالصمت.. ترد على تودد رباب لها بالصمت.. ترد على سؤال الباب على ابنته بالصمت.. تتناول أكلها في صمت.. ولكنها لم تمنع صراخها الداخلي أبداً "أريد ابني" الذي كانت تردد طوال الوقت.

دخلت مايا الحمام واغتسلت دون أن تنظر إلى المرأة. أصبحت المرأة في المنزل جريمة تعاقب عليها هي لا القانون ، وما أدرك ما هي.. لاتنظر إلى المرأة ولا تسمع لرباب بالنظر إليها.

توجهت إلى المطبخ وهي تنظر إلى أمها التي مازالت تتناول فطورها. كانت مايا تتبسم.. أحضرت عصيراً وشطيرة من المطبخ وجلست في مواجهة والدتها تتناول الفطور في سعادة.. من يوم حادثة تبادل الأرواح وهي لم تتبسم، بل ربما لم تأكل إلا ما يحافظ على وجودها حية.

كانت الأم تنظر إليها بحيرة.. ماذا دهارها؟ فيما تفكرا بابنتها الحبيبة؟ ما تنوى فعله ابنتها الغالية.. هي أمها وأدرى شخص بها وبتقالياتها المزاجية.

كانت تتناول فطورها ببطء.. تمضغ بضمير.. وكأنه آخر فطار لها.

دخلت رباب من باب الشقة وسط دهشة الأم ومايا.

- كنти فين؟

سألتها مايا بابتسامة.

ارتبتكت رباب وقال بصوت مرتعش: كنت عند أبويا.. أخواتي وحشوني نزلت أسلم عليهم قبل ماحد من الجيران يصحي.

- هو أنا مش قلتك بباب الشقة ده ماتعبيهوش؟

- آسفه يا آنسة مايا والله ما هتكرر.. سامحيني وحياة حبيبك النبي.

التفتت مايا إلى كوب العصير والشطيرة مرّة أخرى وظلت تتناولهم وتلوكهم
بين ضرورتها بنفس البطء وبنفس الابتسامة.. أما الأم فكادت الحيرة والدهشة
أن تقتلها.. ماذا ستفعل مايا؟

استيقظت لا تعلم متى بالتحديد.. ارتدت ملابسها ورحلت.. رحلت سارة إلى
الأبد وهي تعلم جيداً لماذا فعل الله بها ذلك...

ثقلت حمولي يا سيدى المسيح..

أسألك قبولي حتى أستريح

من أعماق قلبي أنا أناديك..

فلك حبي يا ربِي أهديك

كانت تريزة تقلب بين القنوات، حتى وجدت هذه الترنيمة على قناة مسيحية
فضائية فرفعت صوت التلفاز وتركت "الريموت" من يديها بعد أن خشع قلبه
للترانيم.

خرج محمد من المطبخ حاملاً صحنًا به فول وفي اليد الأخرى كان يحمل
الخبز.. مرجووارتريزة وهي مغمضة العينين تتمايل في خشوع مع الترانيم.

أجرى إليك التجي يا حبيبي يسوع..

على قدميك أسكب الدموع.

لا أكف لحظة عن البكاء..

أرفع صلاتي في كل مساء.

لم تستطع أن تسيطر على دموعها مع هذه الكلمات.. نظر إليها محمد دون أن تشعر.. مطر شفتيه وهو يدعولها داخلياً بالهدایة.

فرغ مينا ومحمد وغادة من طعامهم.. اقترح محمد أن يتصل بباقي المجموعة ليتقابلاً جميّعاً ومن ثم يفكرون ماذا سيفعلون في مصيّبتهما.

- يا ابني احمد شوية بقى أنت مابتتعيش.

قالها مينا وهو يرتشف كوب الشاي في شرفة منزل تريزة.

- أنا مش فاهم أنت عايش كده ازاي؟ مافيش حاجة مأثرة فيك خالص؟

أجابه محمد بغضب واضح، حتى أن الأجواء بدأت تتواتر.

بصنعة لطافة امتص مينا غضب محمد قائلاً:

- يامحمد يا أخويار الفرق اللي بيبني وبينك إن أنا مش فارقة معايا الجسم فارقة معايا الروح ومش حاسس بمشكلة في وضععي ده.. أنت بتتفكر في الجسم بالرغم إنه فاني في كل الأحوال وتحفضل روحك بس في النهاية.. ثم استطرد قائلاً:

- أما أنا بقى فروحي هتبقى مع المسيح الحي اللي مش فارقة معااه جسد وده أفضل شيء ممكن يحصللي.

توترت غادة من هذه الأجواء وشعرت أن حديث مينا، ربما يُغضِّبَ محمد أكثر، ولكنها لا تعلم أن هذه عادتها دائمًا.. الشجار الوقتي للحظات ثم النسيان التام لكل شيء.. وحديث محمد بعد ذلك هو ما أكد هذه العلاقة الجميلة.

- ماشي يامينا.. كلامك جميل بس أنا واحشني حضن أمي.. نفسي أقدر أتكلم مع أخي.. بيتي وحشني يا أخي.

- ما أنت لو بتعامل عادي من غير العقد بتاعتك دي، كنت حضنت أمك عادي ما أنا بحضرها يا أهل وبوسها كمان طول عمري.. إيه اللي حصل؟

- عشان احنا ديننا له أحكام وثوابت معينة. مش هألف أنا بقى وأمشي بمزاجي.

- هوأنت لما تحضن أمي مثلاً اللي هي تريزة اللي هي قد أملك.. اللي هي مربياك هيحصل إيه؟؟ هتحس ب حاجة؟ لو حسيت ب حاجة ببقى أنت ابن كلب شاذ.

ثم ضحك ضحكة عالية وهو يتحاشى ضربات محمد الغاضبة على كل أنحاء جسده.

"ياجماعة كفاية بقى، الهزار بيقلب بجد الله يخليلكم"

تدخلت غادة بكلماتها لتفض الزاع الذي لم يكن أبداً يسمى نزاعاً من وجهة نظرهما، بل هو مزاح ليس إلا.

- ماتقلقيش ياغادة هو كده دايماً ينزلع لما بفكره بحقيقة المرة ودماغه الوس... قال هذه الكلمة وهو يركض إلى ردهة المنزل لعلمه التام ماذا سيفعل به محمد عند تفوهه بهذه الألفاظ.

أشرق بنورك في فجر جديد.. واغسلني بحبك واجعلني سعيد

يامسيح.. يامسيح...

كان صوت التلفاز يعلو كل برهة من الوقت.. ربما لعدم استمتاع تريزة بالترانيم بسبب صوتها العالى، وربما لتنشر في الجو روحانية تهدى النفوس وتجعلهما يصمتان.

اكتفى محمد بننظرة من عينيه يغمز بها علينا، بأن هناك أنثى تجلس معهما ولا يجب أبداً التفوه بهذه الألفاظ أمامها. انتبه مينا لنظره محمد وفهمها فاعتذر لغادة وعاد ليجلس معهما ثانية.

- أنا عايزه عماد.

قالتها غادة بصوت يميل إلى صوت بكاء طفل صغير.

تأثير محمد لحديثها وكان متفهّماً جيداً لما تقول، فسألها:

- هو انتي منش قلبي إنك هتقابلي مروءة.. إيه رأيك تكلمها وتقابليها التهارده، فرصة التهارده السبت واجزة.

- عندك حق لازم أخلص من موضوع مروءة ده.

- بس انتي كنتي عايزة تقابلي مروءة ليه يا غادة؟

- هتعرف يا محمد في وقتها.

جلست مروءة أمام غادة أو سنقول عماد كما تراه هي.. كانت مرتبة بعض الشيء، فكل ما يحدث حولها كان مثيراً للجدل، ولكنها ظلت صامتة تنتظر أن يبدأ عماد بالكلام.

- أنا آسف آنسة مروءة على المقابلة الانفرادية دي.

- ولا يهمك يا أستاذ عماد.. غادة دي أختي وربنا يعلم بحبيها قد إيه. قالتها وكأنها تحذره من التفوه بأي شيء يسيء لغادة في وجودها، ولكنها تفاجأت برده.

- وغالبية عندي أنا كمان وبموت فيها.. كانت غادة بالطبع تقصد بمشاعره هذه عماد وهي اعتادت أخيراً على هذه التشابك العجيب لروحهما.

- نعم؟ أومال حضرتك طلقتها واتجوزت عليها ليه؟

- كل حاجة هتعرفها في وقتها يا مروءة. أنا بس طالب منك خدمة.

- اتفضل..

أعطتها ورقة مطوية داخل ظرف محكم الإغلاق وطلبت منها أن تعطيه لغادة في يديها دون أن يشعر أحد.

نظرت له مروة ولم تتجراً أن تسأله على ما يحويه هذا الخطاب أو المظروف.

أومأت له برأسها بالموافقة وقالت له:

- حضرتك عايز حاجة تانية؟

- أية.. هو عما.. إحم إحم.. هي غادة كويسة؟

ابتسمت له مروة ابتسامة رضا، سعيدة بالحب الذي مازال يشعل قلبها وتركته مستأذنة ورحلت.

صرخت رباب وطلت تركض في الشقة بسرعة البرق تحاول أن تختبئ في أي مكان بالشقة من مايا التي قبضت على السكين بقبضه من حديد.. تتحرك كآلة ضغطً أحدhem على زر تشغيلها ونسى أن يضغط على زر التوقف.. أما والدة مايا ففشلت تماماً في إفلات السكين من يد ابنتها.. كانت تتراجعاً بعينٍ باكية.. كادت أن تقُبِّل يديها كي تترك السكين.. الآن فقط علمت ما كانت تنويه ابنتها.. فهي تعلم علم اليقين أن ابنتها لن تستسلم للوضع الحالي دون أن تحاول الخروج منه.. ولكنها لم تخيل أبداً أن يكون الخروج بهذه الطريقة الوحشية.. فهي بذلك تُعَقِّد الموضوع أكثر، ولكن مايا لم تفكرون تفكراً أبداً.. كل شيء بالنسبة لها سهل ويجب أن ينتهي الآن.. ودائماً يلي من حولها رغباتها على الفور.. فكيف تظل كل هذه المدة في هذا الوضع.

- يابنني ده مش حل والله.. اسمعني حبيبي بليز.. لو بتتحي ماما.

- ماماً "ام سوري" ابعدي عنّي خالص "ناو"

- حبيبي لو البنت دي ماتت انتي هتفضلي في جسمها للأبد.. "بليف مي"

- "او.. ماي.. جاد" .. مش عايزه أسمع الكلام ده تاني مام.. أنا ممكن أقتل
نفسى لو فضلت في الجسم القندرد..

- والنبي يا آنسة مايا أنا ماليها دعوة بكل اللي بيحصل ده.. أبوس إيديك
تسليبي..

- "شات أب" ياحيوانة.. أنا هعرف أربiki وأخليki ازاي تعرفi تسرقi جسم
أسيادك.

- والله ماسرقت حاجة يا آنسة مايا..

كانت تتحدث وهي تهrol هنا وهنالك في خطوات متبعثرة مشتلة.

وقف سعيد في الشارع ينتظر نزول مروءة بعد أن تنبى زيارتها لغادة، فقد
حضرَ منذ قليل وعلمَ من والدته أن مروءة بغرفة غادة وسمع صوت غادة وهي
تودعها خلف باب الغرفة فهرول سريعاً إلى الشارع.

دقائق وخرجت مروءة من باب العمارة متوجهة إلى الشارع العمومي.. حتى
وجدت من يناديها. التفت خلفها لتجد سعيد يبتسم لها ببلابة وهو يحلّ
رأسه.

"إيه بقى؟"

سألها سعيد بلسانه ويده في نفس الوقت.

- إيه إيه؟

أجابته مروءة في استغراب وهي تنظر إلى حركة يده العفوية في السؤال.

- لا أنا بسلام عليكي بس.

- الله يسلمك يا سعيد.. بعد إذنك.

- استني بس انتي رايحة فين؟

- نعم يا سعيد عايز إيه؟

قالتها بصوٍتٍ جاد ينذر بعاصفة غضب شديدة.

- لا مافيش.

أجاهها وهو يرم شفتيه بعد أن تراجع خطوات للخلف، تلتها العديد من الخطوات اليائسة.

- خير يا غادة عملتى إيه؟

- قابلتها الحمد لله.

- لسه مش عايزه تقولي كنتي عايزه إيه منها؟

- أبداً يا محمد، كتبت لعماد جواب بكل اللي حصلاليومين اللي فاتوا. ماتنساش إننا بنكلم بعض بالعافية.

- طيب انتي إيهرأيك في موضوع تجمعنا كلنا ده؟

- موافقة.

بعد موافقتها، بدأ محمد فعلياً في الاستعداد لهذا التجمع الحافل الذي سيضم كل المصابين بالابتلاء، وبدأ كعادته بشكل مبالغ فيه يكتب كلمة تحضيرية يقوم بإلقائها.. على اعتبارها أنها ستكون ندوة ثقافية خاصة جداً.

قطع جو التوتر والقلق الذي شبّ في منزل مايا الجرس المنبعث من هاتفها.
فنظرت إلى رباب واعدها إليها ستعود لها بعد المكالمة.

- ألو.

- أزيك يا مايا أنا غادة؟

- غادة مين؟

- انتي نستيني. أنا غادة اللي قابلتك عند الست نعمة.

- أهـا.. هاي غادة "هاور يو"؟

- الحمد لله كنت بكلمك عشان أضبط معاكي ميعاد.. عايزين كلنا نتجمع.

- نتجمع؟ مين دول؟

- أنا وانتي ومحمد ومينا وعماد جوزي ورباب.

- شـت..

أجبتها بهذا اللفظ النابي الذي تعودت مايا التفوّه به دائمًا.. رباب مين دي
اللي تيجي معانا؟

- معلش يا مايا عشان خاطري تعالى على نفسك لازم كلنا نتجمع ماينفعش
حد فينا مايبقاش موجود.

تلخص عmad من خلف الباب خلسة ليتأكد أن الجميع قد خلد إلى النوم.
جلس على السرير ومدّ يده إلى صدره يخرج المظروف، فواضح أنه وجد وظيفة
جديدة لهذا الثدي عديم القيمة الآن بالنسبة له.

دقّ قلبه برشاشة عندما وجد المقدمة كلها غزل وحب من غادة. شعر
بحنين.. اشتياق.. لهيب يشعل قلبه.. بل هناك شيء ما تحرّك بداخله.. شيء
يريدتها الآن.. شيء يستغيث بداخله.. بدأت روحه تعمل بعد أن توقفت مؤقتاً..
روحه الذكورية هي من تتصدر المشهد الآن.. أغمض عينيه لحظات ليتذكرها..
كيف يتذكرها وهي أمامه كل دقيقة وكل ثانية!!

قام بتصرف غريب، مازال بيتسّم كلما تذكره بعدها.. قبل كتفه وذراعه
وكف يديه قائلاً "وحشتيني ياغادة أوي".

بعد أن خرج من هذه الحالة استكمّل باقي الجواب، وعلم من خلاله كل
ما حدث الفترة السابقة لغادة، وصُدم من عِلم سارة بالأمر. ثم عرف بعدها أن
هناك احتمال للتخطيط إلى مقابلة جماعية تضم المصايبين جميعاً.

شعر بشيءٍ يهتز بجانبه الأيسر فمدّ يده يتحسّسه، ليجد هاتفه يرن ولكن
بخاصية الاهتزاز.. كانت غادة.

قام سريعاً إلى الباب يعاود التأكّد من خلو الشقة من المستيقظين
بالأسحار.

- حبيبة قلبي وروحي، وحشتيني..

واضح أن ماقرأه في الجواب مازال تأثيره واضحًا عليه.

- ازلك يا عmad؟

أجابته غادة وهي تكاد تطير من الفرحة. كانت تعلم أنه قرأ الجواب من ردة
 فعله.

- قلب عmad، وروح عmad، وعقل عmad، عايزأشوفك بقى.

- هيحصل ياحبيبي، ماتقلقش أنا بكلمك عشان كده.

- خير، أحكي.

- لا مش هينفع أحكي.. بكرة مروءة هتجيلك الساعة ٥ تاخذك وتنزل، وأنا
عэрفاها هتعمل إيه بعد كده.. يلا سلام قبل ما سعيد يدخل عليك.

- غادة !

- نعم يا عماد؟

- كنت عايزأعتذرلك على حاجات كتير، وكنت عايزأكلمك كلام كتير.

- حبيبي هتقول كل حاجة بس مش وقته.

- طب عايزأقولك آخر حاجة قبل ما أقفل.

- قول.

- بحبك.

استيقظ عmad وهو يشعر براحة نفسية غريبة؛ فليلة أمس كانت أجمل
الليالي بعد مكالمته الرومانسية مع غادة. شعرأن المكالمة ردت له روحه.

روحه؟!

انتفض عmad من الفراش ليجد نفسه في غرفة غريبة أول مرّة يراها في
حياته، ويتقدّم نحوه شابُ لأول مرّة يراه أيضًا.

- صباح الخير يا غادة.. نمتِ كويٍس؟

- أنت مين؟

- غادة في إيه؟ أنا محمد؟

تذَكَّر عِمَادٌ ما قرأه ليلة أمس في الجواب.. تحسَّس نفسه سريعاً ليجد العضلات تبرز من ذراعيه.. نظر إلى جسده.. لم يتمالك نفسه من الفرحة.. نهض من على السرير وظل يقفز لأعلى وهو يردد "جسمي رجع لي.. جسمي رجع لي"

نظر إليه محمد في ذهول: انتي بتتكلمي بجد؟ .. أقصد أنت بتتكلم بجد؟ يعني أنت عماد؟

أجابه عِمَادٌ على الفور بإيماءة من رأسه وقد عُقد لسانه مِرَّة أخرى كما حدث معه صباح يوم الحادث المشئوم لتبادل الأرواح.

- ألف مبروك يا أستاذ عِمَاد.. عقبالنا يارب.. نطقها محمد من أعماق قلبه.

زالت العقدة من لسان عِمَاد فوراً وهو يؤمن على دعاء محمد.

"اللهم آمين" ثم تقدم إليه بخطوتين وربت على كتفيه في شِبه عناق متبعاد الأجساد وهو يقول: شكرنا جداً على وقوتك مع غادة.. بجد مش عارف أشكرك ازاي.

- ماتقولش كده يا أستاذ عِمَاد.. الناس لبعضها.. ومايحسش بمصيبة حد إلا اللي مربيها.

- بلاش أستاذ دي، أنت من النهارده صديق عزيز عليَّ.

كانت غادة تلطم وجهها أمام المرأة.. ليس لاسترداد جسدها، وليس لوجودها في بيت أهلها، ولكن في محاولة يائسة لإيقاظ جسدها، فقد ظنت طوال ساعة تقريباً أنها تحلم مرّة أخرى.. وأنها ستنتفيظ لتجد محمد يطمئنها مرّة أخرى ويربت على كتفها ويقول بعض الأدعية لترددها خلفه.

وعندما تأكّدت من خطأ إحساسها، ظلت تنظر إلى جسدها في فرح غريب.

كانت تلف بجسدها الضئيل في الغرفة كلعبة "دوخيوني ياليمونة"

مرّ الوقت بطريقاً نسبياً حتى جاءت مروة لتصطحّبها، فقد اتصلت بها غادة أمس عندما كانت في جسد عماد وأخبرتها برغبتهما في لقاء غادة.

طبعـت غـادـة قـبـلـة حـارـة عـلـى خـد مـرـوـة اـمـتـنـانـاً لـمـا فـعـلـتـه مـن أـجـلـها الأـيـام السـابـقـة.. لـكـن مـرـوـة لـم تـفـهـم سـبـب القـبـلـة أو رـبـما اـعـتـقـدـت أـنـه شـعـور طـبـيعـي بالـفـرـح لـأـنـها سـتـقـابـل عـمـاد الـيـوم.

- مروة خايفة سعيد ما يوقفش.

- مالكيش دعوة انتي، خلي الموضوع ده عليّ أنا.

طبعـاً كانت مـرـوـة تـعـلـم أـنـ سـعـيد أـصـبـح كالـخـاتـم فـي إـصـبـعـهـا، فـهـي أـنـثـى وـالـأـنـثـى أـدـرـى بـهـذـه المشـاعـرـ.

بدلت غادة ملابسها سريعاً وخرجت مع مروة التي تفاجأت بوجود والدة غادة بالردهة تجلس كعادتها على كرسها، في حالة استعداد دائم لبدء نوبات الندب

- رايحة فين يا أخي؟

- هـسـتـأـذـنـك يـاطـنـطـ غـادـة تـيـجي مـعـاـيـا نـشـتـري لـبـسـ، مش بـعـرـف أـشـتـري لـوـحـديـ.

أـجـابـتـها مـرـوـة دون أـنـ تعـطـي فـرـصـة لـرـدـ غـادـة وـهـوـمـا أـسـعـدـ غـادـةـ كـثـيرـاـ.

- قولـي لـأخـوـيـ؟

سألتها والدة غادة متجاهلة ما قالته مروة.

- ما اعتقديش ياطنط إن سعيد يرفض حاجة زي دي.

قصدت مروة بإجابتها أن تلفت نظر والدة غادة أنها تتحدث.

خرج سعيد من الغرفة على صوت مروة وهي تتحدث، ليجد هذا المشهد السابق.

- أهو سعيد أهو ياطنط.. سعيد أنت عندك مشكلة إن غادة تيجي معايا نشتري شوية لبس لي؟

كان صوتها كفياً لجعله يوافق على بيات غادة خارج المنزل وليس خروجها معها فحسب.

- لأ معنديش مانع.. أنا ممكن أوصلكم كمان.. أنا فاضي.

أجاها سعيد والفرحة تقفز من عينه.

- إحم إحم.. لا احنا هتحصل بيك لما نخلص عشان تيجي تاخدنا.

أجابته مروة بسرعة وهي تتجه إلى باب المنزل جاذبة وراءها غادة من يدها.

"ياواد ماتتنشف كده، إيه الخيبة اللي بقىت فيها دي؟"

صاحت به والدته بعد خروج مروة وغادة من المنزل.

- في إيه يا أمي بس؟

- الست ماتحبش الرجل الخرع.. اجمد شوية كده وورهها العين الحمراء لو عايزة تجوزها.

- صبرك عليها بس يا أمي.. كل حاجة بتيجي في وقتها.

أطفأت مايا موتور العربية.. نكزت رباب في ذراعها قائلة:

- انزلي يا زففة.

- حاضريا آنسة مايا.

اتجهت مايا بثقة وخلفها رباب وسط نظرات الشباب في الشارع، ونظراتهم تخترق جسد رباب أو لنقل جسد مايا الأصلي. كانت رباب لا تستطيع إخفاء السعادة، فهي على سجيتها.. أما مايا فكادت أن تفترسها بأسنانها.

"مَدِي شوَّيْهِ يَا حَيْوانَةَ."

قالتها مايا متعمدة إهانتها أمام الشباب.

"سبحان الله.. يدي الحلق لي بلا ودان"

قالها أحد الشباب اعترضًا على معاملة مايا لرباب متعجبًا أن تكون هذه خادمة لهنده.

اشتاطت مايا غيظًا، فنكزت رباب في ذراعها مرات متتالية وهي تهرها على بطئها في السير، حتى وصلًا إلى المكان الذي اتفق عليه محمد للاجتماع، فقد كان في أحد الأماكن الثقافية المشهورة بالزمالك، والتي بها عدد لا يأس به من الغُرف التي تصلح لعقد اجتماع سري.

وجدت محمد ومن ظنته غادة منتظرتين خارج المكان باقي المجموعة. هرولت على عماد وهي تصافحه بحرارة.

"أهلاً هو أنا أعرفك؟"

قال ذلك ملائكة أشغال محمد بتليفون جانبي.

- شِت.. في إيه ياغادة؟ أنا مايا.

تذكّر سريعاً عماد هذه الشخصية التي تحدثت عنها غادة أيضاً في جواهها.

- آسف جداً يا رباب أقصد يا مايا.. أنا عماد مش غادة.

ثم بدأ في إيضاح ما يعنيه وسرد لها سريعاً ماحدث.

- أwoo ماي جاد.. أنت بتتكلّم بعد؟ يعني في أمل؟

انقبض قلب رباب خوفاً.. هل ستستعيد جسدها مرة أخرى؟ هل ستعود إلى غرفة أبيها أسفل العمارة كما كانت من قبل؟ هل ستعود إلى الخدمة ومسح السلم وشراء الاحتياجات؟ هل ستفقد لذة معاكاسات الشباب لها ونظراتهم التي تفترس جسدها.. شعرت بغصة في حلقها لم تشعر بها من قبل.

أنهى محمد مكالمته وعاد إليهم. صافح مايا ورباب بإيماءة بسيطة من رأسه مع ابتسامة عريضة.. فهو لا يصافح النساء.. ولكنه أطال في النظرة الأولى قليلاً ملايا كما يحل بعض الملزمن لأنفسهم؛ فمن يرى مايا لا يستطيع أن يبعد نظره عنها، فوضعت رباب نظرها أرضاً خجلاً من نظرة محمد لها.

- إيه أومال فين مينا يامحمد؟

- ماهو اللي كان معايا على التليفون.. كعادته طبعاً مافيش التزام بالمواعيد بس هو جاي خلاص في الطريق.

دقائق ووقف تاكسي أمامهم تهبط منه مروءة غادة.. مجرد أن رأت عماد ركضت نحوه كالطفلة التي رأت والدها بعد سفر طويل.. في نفس الوقت الذي ركض نحوها عماد بنفس السرعة.

شعرت بدفعه حضنه وهي بداخله.. شعرت باشتياقه لها كما تشعر هي تجاهه.. شعرت أن هناك سنين طويلة كانت تفصلهما عن بعض.. دقائق وهمما في نفس الوضع وسط نظرات بعض المتطفلين من المارة.. وطبعاً وسط دموع

محمد الرومانسي، الذي استغل هذا المشهد ليُفرغ بعض من دموعه المكتومة
بداخله.

"واو"

قاطع هذا المشهد كلمة مايا التي خرجت بمشاعر فرح صادقة، وربما
مشاعر أمل في غد.

انتهيت غادة من حولها، وتحسست وجهها لتمسح شلالات الدموع المتدفقة
من عينيهما، ولكن يد عماد سبقتها لتجفيف دموعها.

وضعت رأسها على صدره مرّة أخرى وهو يربت على ظهرها بيد حانية.

"إيه ده؟ واضح إن أنا فاتني مشهد جامد"

جاء صوت مينا من بعيد حيث التفت إليه الجميع.

أجا به محمد في غضب:

- أنت يا ابني مش هتلزم أبداً.

- أعمل إيه يا صاحبي البت ما كانتش عايزه تسيبني أمشي.. أنا مش عارف
عاجيمها إيه في شكلك.. أو مال لو شافتني على حقيقيتي بقى هتعمل إيه.

جلس الجميع على الكراسي في شبـه دائرة مغلقة، وقام محمد في منتصف الدائرة وبديهـه بعض الأوراق والصلـب واضح كالشمس في معصمه الأيمن. بدأ باسم الله وبالصلـة والسلام على رسـوله الحبيب، ثم قال:

- ياجماعة أنا جمعتكم النـهارـه عـشـان عـايزـأقولـكـلـمـتينـ.

واضح إن ظـلـمنـا انتـشـرـأويـ، وواضحـ كـمانـ إنـ رـيناـ سـايـبـنـاـ بـراـحتـنـاـ بـقـالـهـ فـترةـ، وـرـبـنـاـ بـيـسـبـ عـبـدـهـ مـرـةـ وـاتـنـيـ وـتـلـاتـةـ ثـمـ وـضـحـ مـقـصـدـهـ .. "أـصـلـهـ يـمـهـلـ ولاـ يـهـملـ"

زمـتـ ماـيـاـ شـفـتـهـاـ.. نـظـرـ عـمـادـ لـغـادـةـ وـأـرـسـلـ لـهـاـ قـبـلـةـ فـيـ الـهـوـاءـ.. نـظـرـ مـيـنـاـ إـلـىـ سـقـفـ الـغـرـفـةـ لـيـتـأـكـدـ مـنـ لـونـ السـقـفـ مـطـابـقـ لـلـوـنـ الـجـدـارـ أـمـ أـنـ هـنـاكـ اختـلاـفـاـ. بـلـعـتـ رـيـبـ رـيقـهاـ دـاعـيـهـ اللـهـ فـيـ سـرـهاـ أـلـاـ تـسـتـرـ جـسـدـهاـ لـآخرـ يـوـمـ فـيـ عـمـرـهـاـ، وـلـمـ تـنـطـقـ طـوـالـ الـجـلـسـةـ، بـلـ لـمـ تـنـطـقـ مـنـذـ أـنـ حـضـرـتـ، اـكـتـفـتـ بـالـمـاتـابـعـةـ فـحـسـبـ.

- إحـناـ بـنـظـلـمـ بـعـضـ.. أـيـوـةـ بـنـظـلـمـ بـعـضـ، وـبـنـفـتـرـيـ عـلـىـ بـعـضـ، وـاحـناـ مـالـنـاشـ غـيرـ بـعـضـ. أـنـاـ مـثـلـاـ وـبـالـرـغـمـ إـنـيـ بـحـبـ مـيـنـاـ صـدـيقـيـ وـأـخـوـيـ بـسـ مـقـتـنـعـ بـالـمـسـيـحـيـةـ، وـمـتـأـكـدـ إـنـ سـيـدـنـاـ مـحـمـدـ عـلـيـهـ أـفـضـلـ الصـلـاـةـ وـالـسـلـامـ هوـ خـاتـمـ الـمـرـسـلـينـ.. آهـ سـيـدـنـاـ عـيـسـىـ عـلـيـهـ السـلـامـ نـيـ.. بـسـ مـجـرـدـ نـيـ مـشـ إـلـهـ وـلـأـبـ.. إـيهـ هـضـحـكـ عـلـيـكـ؟ لـمـشـ هـضـحـكـ عـلـيـكـمـ، أـنـاـ فـعـلـاـ مـقـتـنـعـ بـدـهـ.. وـمـشـ بـسـ كـدـهـ.. أـنـاـ بـحـسـ إـنـ مـسـيـحـيـ المـفـرـوضـ يـكـونـ مواـطنـ درـجـةـ تـانـيـةـ طـلـماـ هوـ مـاـ اـرـتقـاشـ لـلـدـيـنـ الإـسـلـامـيـ، بـسـ!..!

واضحـ إنـ تـفـكـيرـيـ كانـ غـلـطـ عـشـانـ كـدـهـ رـبـنـاـ اـبـلـانـيـ الـابـلـاءـ الشـدـيدـ دـهـ.
واضحـ إـنـيـ مـشـ لـازـمـ أـحـكـمـ عـلـىـ حـدـ بـدـيـنـهـ.. أـنـاـ لـازـمـ أـتـغـيـرـ.

كان يتكلّم بحماس متخيلاً أن روحه ستخرج الآن ترفرف بجناحيها من جسد مينا إلى جسده الحقيقي بمنتهى السلاسة بعد هذه الخطبة التي لم ينصت إليها أحد منهم.. بالرغم من قسوة الحديث الذي قاله عن المسيحيين إلا أن مينا لم يلق له بالألا فهوله اعتقاد معين لن يغيره.. التسامح.. المحبة..

أما غادة وعماد فكانت مشاعرهما تفضحهما طوال الاجتماع.. وذا لويهضا مستاؤن من خطبة الجمعة هذه التي لم تعد تهمهما الآن.

رباب بدأت تنعس ثم تستيقظ سريعاً من غفلتها قبل أن تلمحها مايا، فهي تحاول تجنب غضبها قدر المستطاع.. أما مايا فكانت تدق بکعب حذاءها في الأرض ضيقاً.

فهل أنت هنا لتسمع خطبة؟ أم لترى محمد وهو مذنب نفسه أمامهم؟ كادت أن تنهض وترحل لولا حديث محمد الذي أبقاها في مكانها..

- يعني مثلاً الأنسة مايا اللي واضح إن الغرور ملأ قلبيها. أكيد ربنا سايرها مرة واتنين وتلاتة، ماهو ربنا مش بيعاقب عبده ولا بيبتلية من أول مرة .. ماهو مش ذنب رباب أبداً إن ربنا خلقها كده ولا في المستوى ده، وأكيد ربنا له حكمة من كده. ماخلقيهاش عشان يعذبها يعني في الأرض.

اعتذلت رباب في جلستها بعد هذه الجملة، فها هو شخص منصف في هذا العالم يشعر بما تعانيه ويتحدث عنه بل ويلوم مايا على أفعالها دون خوف.

أشاحت مايا بوجهها في الاتجاه الآخر تعبيراً عن عدم رضاها عن الحديث. أما مينا فكاد أن يُطعم الثعبان تفاحاة كبيرة حمراء لولا احتباس الثعبان في إحدى الممرات الضيقة داخل الموبايل.. فأعاد اللعبة من البداية متمنياً الفوز هذه المرة.

- أما بقى عماد وغادة فأكيد عارفين غلطهم فين ويمكن عشان كده ربنا أزال
عنهم الابتلاء.. عقبالنا جميعاً اللهم آمين .

انتبه عmad وغادة للحديث بعد ذكر اسمهما وهو ما أشعل نار الاشتياق
بداخلهما أكثر.

- وأكيد الظلم مش جوه الأوضة دي بس.. لا واضح إن الظلم بقى في كل
حاجة برة.

قال هذه الجملة وهو يشير إلى نافذة الغرفة قاصداً بها العالم الخارجي..
إحنا بقينا وحشين أوي يا جماعة.

"أيوة بقى"

قالها مينا بعد أن أطعم الثعبان ثلاثة تفاحات متتالية، وحصل على ثعبان
أضخم بمرات أضيق. نظر إلى محمد وهو يقول: معلش ياباشا أصل بنت
الهرمة دي معذباني من الصبح مش عارف أطفحها ولا فاكهة.

نظر محمد إليه شدراً وصمت قليلاً بعد أن قطع مينا حبل أفكاره، ثم عاد
ليستكمel حديثه: الدين مش إننا نصلي ونصوم ونروح نحج، ولا إننا نأكل أكل
صيامي ما فيهوش بيض ولبن..

قالها وهو ينظر إلى مينا الذي وضع الهاتف في جيبه بعد أن لاحظ غضب
محمد من لا مبالاته.

"لا لا الدين المعاملة يا جماعة والله.. فعلاً زي ما قال الرسول.. عارفين قال
إيه؟"

أصدرت مايا زفرا طوبية من فمهما، فقد بدأت تصييق ذرعًا بما يحدث.. هزَّ مينا رأسه بأنه لا يعرف، أما عماد فكان يغمز لغادة بعينيه بحركة هي تعرفها جيداً وتعرف معناها وتعرف متى يفعلها.. إنه يريدها الآن.

نهضت رباب وسط اندهاش الحاضرين وقالت: أنا عارفة حديث عن الرسول سمعته في المسجد اللي كنت بروح فيه قبل موضوع الانسة مايا ده والشيخ كان بيقول.. بيقول إيه يا بت يارباب.. بيقول إيه يابت يارباب، ثم استطردت قائلة: طب والمصحف كنت حافظاه.

ابسم لها محمد بود وقال:

"عن أبي هريرة أن رسول الله صلى الله عليه وسلم قال: أتدرون ما المفلس قالوا: المفلس فينا يا رسول الله من لا درهم له ولا متعاع. قال رسول الله صلى الله عليه وسلم: المفلس من يأتي يوم القيمة بصلاته وصيامه و Zakat، ويأتي قد شتم هذا وقذف هذا وأكل مال هذا وسفك دم هذا وضرب هذا، فيقطعه وهذا من حسناته وهذا من حسناتك، فإن فنيت حسناته قبل أن يقتضي ما عليه من الخطايا. أخذ من خططياتهم فطرح عليه ثم طرح في النار.

- أية على الصلاة والسلام، والله كنت هقوله الله ينور عليك يا أستاذ.

نظرت إليها مايا، فجلست رباب فوراً.

قال محمد: يا جماعة...

و قبل أن يستكمل حواره فوجئ بمن يقطع حديثه..

"يا جماعة والمسيح العي كل اللي انتوا بتعملوه ده فاكس.. إحنا وصلنا للمرحلة دي عشان إحنا بنتهم بالجسد.. إحنا لو بنتهم بالروح زي اهتمامنا أوي بالجسد ما كانش كل ده حصل"

نظر مينا إلى محمد وهو يستكمل حواره: أنت مالك أنا مسيحي ولا ملحد حتى؟ المهم أنا بتعامل معك أزاي.. بأذيك وألا لأ؟ وليه المسيحيين مواطنين درجة تانية؟ ثم تلفظ بكلمة اعترافية واستكمل حديثه قائلاً: هم دول مش بشر زيكم بالظبط ولا دول كائنات تانية غيركم؟

كان مينا يعاتب محمد على حديثه السابق بشكل غير مباشر.

"وانقي سيادتك ياست مايا لما تموتي الدود هيقول ياخراشي الجسم ده حلوا أوبي خسارة فيه البىدة؟ طب والله هتتكللي زيك زى جسم رباب بالظبط.. ثم حوال مسار الحديث كعادته: وياريتنى أبقى دودة في قبرك يا مايا يا جميلة انتي.

قالها وهو ينظر إلى رباب متأملاً الشعر الأصفر والعين الملونة والجسد المشوق وهو يلتهمه التهاماً.

قاطعه محمد محاولاً إرضاءه بعد ما قاله منذ قليل: أنت فعلاً نقي جداً يا مينا، وده اللي طول عمري بحسه فيك، وأنت عندك حق إحنا بهتم بالشكل.. باللون.. بالتنوع.. بالدين.. بالجنسية.. وعمرنا ما اهتمينا بأهم حاجة ربنا رزقنا بها.. الروح !

وكي يُصدق كلامه أرفقه بآية قرآنية كما يفعل دائمًا.

"وَيَسْأَلُونَكَ عَنِ الرُّوحِ قُلِ الرُّوحُ مِنْ أَمْرِ رَبِّيٍّ وَمَا أُوتِيْشُمْ مِنَ الْعِلْمِ إِلَّا قَلِيلًا"

نهضت مايا بعد أن استنفدت آخر ماتبقى لها من صبر.. كانت تخيل أنهم سيخبرونها عن خلطة عشبية تعيد إليها جسدها أو سحر أو أي فكرة جديدة.. وأشارت إلى رباب بسباباتها أن تلتحقها وهي تتقدم إلى الباب قائلة لهم: مشغولة جداً يا جماعة لازم أمشي "ام سوري.. باي"

رَدَّ عَلَيْهَا الْحَاضِرُونَ بِإِشَارَاتٍ وَدَاعٍ بِأَيْدِيهِمْ، إِلَّا مُحَمَّدُ الَّذِي ظَهَرَ عَلَى
مَلَامِحِهِ الظَّبِيقِ الشَّدِيدِ مِنْ تَصْرِيفِهِ الْأَحْمَقِ الْخَالِيِّ مِنْ أَيِّ ذُوقٍ أَوْ أَدَبٍ.

ظَلَّ لِعَشْرِ دَقَائِقٍ مُسْتَرْسَلًا فِي أَحَادِيثِهِ عَنِ الْعَنْصَرِيَّةِ وَالظُّلْمِ وَالرُّوحِ
وَالجَسَدِ حَتَّى مَلَّ عَمَادٌ.

"طَبَ بِقُولِكِ إِيَّهِ يَا صَاحِبِي إِحْنَا عَايِزِينَ نَمْشِي بَقِيٍّ، وَنَبْقِي نَتَقَابِلَ تَانِي إِنْ
شَاءَ اللَّهُ قَرِيبٌ".

فُضَّلَ الْجَمْعُ.. حِيثُ عَادَ مِنَّا وَمُحَمَّدٌ إِلَى مَنْزِلِهِمَا.

أَمَا عَمَادٌ وَغَادَةٌ..!

- يَلا يَا حَبِيبِي عَلَى بَيْتِنَا بَقِيٍّ.

- بَيْتِنَا ازاي يَا عَمَادٌ وَسَعِيدٌ؟ دَهْ مَمْكُنْ يَقْتَلِي.

- وَلَا يَقْدِرُ يَلْمِسْ شَعْرَةً مِنْكَ طَبَ خَلِيَّهِ يَقْرُبُ لَكَ كَدَهُ، دَهْ أَنَا مُتَغَاظِ مِنْهُ
وَبِتَلْكُكَ لَهُ.

- اسْمَعْ بَسْ يَا عَمَادٌ.. مَاتَنْسَاشِ إِنَّا مَطْلَقِينَ.

- وَأَنَا رَجَعْتُكَ يَا غَادَة.. وَبَعْدِينَ مَاتَنْسِيشِ إِنْ أَنْتِ إِلَيَّ طَلْقَتِيَّيِّ، يَعْنِي شَرْعًا
مَافِيشِ طَلاقَ حَصْلَ.

قَالَهَا وَهُوَ يُضْحِكُ سَاخِرًا.

. عَادَ إِلَى مَنْزِلِهِمَا فِي سَلَامٍ وَعَمَادٌ يَضْمِنْ غَادَةً إِلَيْهِ باشْتِيَاقٍ.

...بعد شهر..

كان مينا يجلس في ردهة الشركة التي اتصلت به على اعتبار أنه محمد لتحديد معه ميعاد مقابلة عمل. طلب منه محمد أن يذهب بدلاً منه لأنه لن يستطيع الذهاب بجسده للمقابلة.. وافق مينا على الفور، فها هو مستقبل صديق عمره سيتحدد ولن يخذلك في هذا الموقف أبداً.

بالفعل ذهب منذ أسبوع، وهو هو الآن يجلس في الشركة منتظرًا نتيجة المقابلة، وهل تم قبوله أم لا.

كان هناك ثلاثة شباب يجلسون بجواره ينتظرون دورهم في النتيجة..

عمرو.. مصطفى.. أحمد.

اقرب عمرو منهم قليلاً حتى لا تسمع السكرتيرة ما سيخبرهم به.

"بقولكم إيه يا جماعة ماتقلقوش الوظايف دي بتاعتنا إحنا الأربعة" كان يقصد نفسه وعمرو صديقه وأحمد قريب والده ومعهم مينا أو "محمد".

سأله مصطفى: ازاي يا عمرو، هما طالبين أربع موظفين لأربع وظائف خالية، واحدنا ستة مش أربعة وأشار على نفسه وعلهم، ثم وأشار بهدوء على بيتر ورامز اللذين وقفوا خارج الشركة ينتظران أيضًا.

رَدَّ أحمد وهو ينظر إلى عمرو: يا أخي لازم تحرق المفاجأة يعني. ثم تحمس قائلاً: أية يا جماعة أنا ليانا ناس جوة وعرفت إن الوظايف بتاعتنا إحنا الأربعة خلاص، لأنهم مش بيشغلوا مسيحيين.

نظر إليهم مينا وابتسم ابتسامة لم يفهمها أحد سواه.. أو ربما اعتبروها ابتسامة فرح بالوظيفة الجديدة والنتيجة المسبقة.

الآن فقط علم لماذا لم يسترد هو ومحمد جسديهما حتى الآن...

رقدت مايا فوق السرير في المستشفى بعد أن أنقذها الطبيب من محاولة انتحار ثلاثة، فقد قطعت شريان يدها بقصوة.

ينسأ مايا من كل ما يحدث حولها.. خصوصاً من هذا اليوم الذي قرّرت فيه الانتحار، والذي كانت تصعد فيه على سلم العمارة لُعْطَلَ فِي بالصعد، لتجد الحاجة كريمة تفتح الباب مصادفة أمامها فتطلب منها شراء بعض الاحتياجات لها.

- انتي اتجننتي يا ستنانتي.. حاجات إيه اللي أشترينالك.

- تصدقني إنك بنت قليلة الأدب، وأنا هعرف أرببيكي ازاي يا ربأب، طالما أبوك مش عارف يرببيكي.

أشارت لها مايا بحركة قبيحة بيديها رداً على تهديداتها.. وتركتها وصعدت.

بعدها بساعتين، نزلت مايا في ميعادها لتذهب إلى "الجيم" لتفاجأ برجلين مفتولي العضلات يوسعوها ضرباً ويتركوها في مدخل العمارة ملقاة على الأرض.. وخلال لحظات غلّ وكره لكل شيء في الحياة حتى لنفسها، تناولت زجاجة مياه غازية كانت ملقاة أرضًا في مدخل العمارة، بعد أن انتهت الآبن الأصغر للبواب من تجربتها.

كسرت الزجاجة وجرحت شريانها بما تبقى لها من قوة.

جلسَ عمادٍ وغادةً في غرفة الضيوف يتبعان التلفاز بحُبٍّ شديدٍ
وأجسادهما متلاحمتان ملائمة.

كانا يُشاهدان فيلماً كوميدياً ويضحكان من قلبيهما، وإذا بشريط أحمر
عاجل يمرّ كل ثوانٍ أسفل الفيلم ينوه عن خطابٍ عاجل للسيد الرئيس.. انتظر
عمادٍ وغادة بشفف ماسيق قوله سيادته.

نصف ساعة وقطع الفيلم وتتابع أغلب المواطنين ما سيقوله الرئيس .. كان
ملخص الخطاب هو قرار بتخفيض أسعار الخضر وافاكهة وأغلب
المنتجات بأوامر من سيادته، ومكافآت هنا وهناك ومنح للطلاب وبعثات مجانية
للمتفوقين والمخترعين.

وخلال مشاهدتهما للخطاب رن جرس التليفون!

قامت غادة بحماسٍ شديدٍ بعد ما سمعته من السيد الرئيس.. التقطت
التليفون برشاقة من على المنضدة.. !

"ألو، أيوة يا غادة إلتحقني.. تعالى إلتحقني أخوي شوفي حصله إيه"

وقفت غادة في ذهول وجوارها عماد في غرفة سعيد وسط نحيب وبكاء
والدته، وبجوارها كانت تقف سمر وهند شقيقاته يتأملون وجه سعيد الغريب
وتصرفاته الأغرب في إندهاش لا يوصف.

كان سعيد يقفز على السرير في شقباطات ويتصرف تصرفات لا تنطبق إلا
على المجانين فاقدي عقولهم.. مرّة يضحك وأخرى يبكي، وبافي الوقت صامت..
محدّقاً في سقف الغرفة.

لم يعرف سرّ تصرفاته هذه إلا غادة وعماد...

كان هذا الرجل يجلس هنا لثلاث سنوات متتالية.. على هذا الرصيف بملابسها الرثة وجسده المتسخ، يلتقط ما يلقيه الناس على الأرض ليتغذى عليه..

لم يكن مجنوناً.. هو من المثقفين الذين حارت عليهم بلدتهم كثيراً وظلمتهم، حتى فقدوا الأمل وفقدوا بعضًا من عقولهم.

ولكنه منذ أسبوع تقريبًا.. كان يركض في كل الشوارع بلا توقف لا يقول إلا كلمة واحدة.

يقولها بصراخ أحياناً وببكاء شديد أحياناً أخرى..

"أنا الرئيبيبييس.."!

تمَّت

عزيزي القاريء..

تقوم عملية القراءة على الوعي بالذات واللغة، ولا يتم ذلك دون ثقافة (قرائية) تحاول أن تساهم دار ليان للنشر فيها، في سبيل التقرير بين المؤلف والقارئ. لذلك لست متألقاً للإبداع الأدبي والفنى فحسب، ولا قارئاً لرموز لغوية ذات أبعاد إنسانية فقط، بل أنت (حلقة الوصول).

حلقة تكتمل من خلال قراءة الإبداع: لأن الإبداع-في نظرنا- هو المشاركة الفعلية والسامية بين كاتب يبحث عن الحياة من خلال الأحرف، وقارئ مطلع ومتعدد الرؤى ـ فهو إلى فنيات اللغة ورسالتها الإنسانية. مع إيماننا بأن الكاتب الجيد هو قارئُّهم، والقارئ النهم مشروع كاتب جيد في المستقبل القريب، وهذا دورنا وننتظرك عزيزي القارئ لتحول رؤيتك إلى رؤية بين ضفتي كتاب من إنتاج ليان للنشر والتوزيع.

تنطلق رسالتنا إذاً، من خطوة المشاركة بين طرف الإبداع وجناحيه: المؤلف وأنت.

ولا تكتمل عزيزي القارئ العملية الإبداعية والقراءة الصحيحة للإنتاج الفكري-بأبعاده الفنية- دون طيفك كقاريء وأنفاسك كمناقد وبحثك عن الإبداع كذوّاق. ولستنا إلا خطوة الرقي الحضاري الأولى، التي تبحث عن الارتقاء بالإنسان العربي وفكرة، وتطوير ملكات المبدع والقارئ عبر تشجيع النصوص الرصينة، ولغتها السليمة الموروثة عن الأجداد والحاملة لأسمى الرسائل الإنسانية.

لنا، وإن فشلنا فعدرنا أننا من أنصار عشق البدایات ودعم أصحاب المواهب الشابة في الخطوط نحو النشر في أولى أرهاصتهم الأدبية، ورؤيتنا أن دورنا الرئيسي ينصب على التمهيد المدفعي للكاتب في خطواته الأولى وإقامة العديد من الجسور الصحفية والأدبية والتعريفية بين الكاتب الشاب والوسط الثقافي والقراء ككل.

حلمنا الكبير هو الانتشار الكبير للمواهب الشابة في الأدب المصري والعربي، والباب مفتوح للجميع، وعلى من يرغب في النشر معنا مراسلتنا على النحو التالي:

فتجي المزين: 01282288 056

fathy6666666@yahoo.com

layanpub@yahoo.com - layanpub@gmail.com

جميع حقوق الطبع والتوزيع محفوظة للناشر



layanpub@gmail.com

ت: 01282288056

شارع التحرير بالدقى، بجوار محطة مترو البحوث، الدور 19، شقة رقم 2002.6



